

8602

ԱԻՂԵՐՉՆԵՐ

ԽՕՍՀ ԱՌ

ԳԱԱՐՖԱՐԵԽՈՅ ՀԱՅ-ԱԻՆՑԱՐԱՆԱԿԱՆ
ՄԻՈՒԹԵԱՆ 28-րդ ՏԱՐԵԿԱՆ ԺՈՂՈՎԻՆ
Մէջ և ՖԱՌԻԼԲ ՔԱԼԵՖ.



Յունիս 26-28

1936

281. 6

ԱՀ-43

7
DONATED TO THE HAIGAZIAN COLLEGE
BY THE REVEREND A. A. BEDIKIAN

COLLEGE LIBRARY

WITHDRAWN FROM HAIGAZIAN

COLLEGE LIBRARY

281.6
N-43

7 DEC 2007

ՈՒՂԵՐՉՆԵՐ

ԽՕՍԿԵԱԾ

ՔԱԼԻՖՈՐՆԻԱՅ ՀԱՅ-ԱԻՆՏԱՐԱՆԱԿԱՆ
ՄԻՈՒԹԵԱՆ 28-րդ ՏԱՐԵԿԱՆ ԺՈՂՈՎԻՆ
Մէջ ի ֆԱՌԻՎԲՐ ՔԱԼԻՖ.



Ցունիս 26-28

1936

1936

27.08.2013

ԳԱԼԻՑՈՐՆԻՍՅ
ՀԱՅ-ԱԽԵՏԱՐԱՆԱԿԱՆ ՄԻՈՒԹԵԱՆ
ՎԱՐՉԱԿԱՆ ՄԱՐՄԻՆ
1936—1937


Նախագահ — Վեր. Վ. Պ. ԱՄԻՐԽԱՆԵԱՆ
Դեղ-Նախագահ — Վեր. Ա. ՎԱՐԴԱՆԵԱՆ
Քարտուղար — Տիար Ն. ԱԻԱԳԵԱՆ
Գանձապահ — Տիար Մ. ԳԱԲՐԻԵԼԵԱՆ

Տեարք

ԷԶՐԱՊ ԹԵԼԱՆԵԱՆ — Եղեմ
ՄՈՒՐԱՆ ՄՈՒՐԱՏԵԱՆ — Քինկոպըրկ
ԱՐԱՄ ՂԱԶԱՐԵԱՆ — Ֆառւլըր
ՅԱԿՈԲ ԱԴԱՄԵԱՆ — Ֆրէզնօ
ՊԱՂԱՍԱՐ ՍԻՄՈՆԵԱՆ — Ֆրէզնօ



9985-28



ՆԱԽԱԲԱՆ

Քաղիքորնիոյ Հայ-Աւետարանական Միութեան
28-րդ Տարեկան Ժողովը արժանաւորապէս տօնեց
Աստուածաշունչին Գրաբար թարգմանութեան 1500
-րդ, Աշխարհաբար թարգմանութեան 100-րդ և
Հայ-Աւետարանական շարժումին 100-րդ տարե-
կարձնելն մեծ խնամքով պատրաստուած ճառախօ-
սութիւններով։ Այս գիրքը պահարանն է բոլորո-
վին այժմէական ու խիստ հետաքրքրական այդ ու-
սումնասիրութիւններուն։ Բաց այս պահարանը,
քու հասցէիդ ուղղուած է այն։ Կարդա ներփակ
կրութիւնները, սերտէ դանոնք, ու առածդ լոյսը
տարածէ քու շուրջու։

Վ. Պ. Ա.

ՆՈՒԵՐ

ՔԱԼԻՖՈՐՆԻԱՅ ՀԱՅ ԱԻ ԵՏ ՄԻՈՒԹԵԱՆ

Մ' եր հայրերուն Աստուածն Բարի,
Մ' եր հայրերուն հաւատքն արի,
Լոյսի, յոյսի Աւետարան.
Պիտի պահճնք մենք անվարան:
Կրկ. Աստուած, հաւատք, Աւետարան,
Պիտի պահենիք մենիք անվարան:

Արեամբ գնուած եկեղեցւոյն,
Նուիրած ենք մեր կեանքն ողջոյն.
Փրկչին Հոգւովը միաբան,
Պիտի քալենք խաչին ձամբան:
Կրկ. Փրկչին Հոգւովը միաբան,
Պիտի քալենիք խաչին համբան:

Ո՞վ Սուրբ Աստուած, Սուրբ եւ Հրզօր,
Դուն մեր սրտերն լեցուր այսօր,
Սիրովդ անհուն ու կաթողին,
Ո՞վ պահապան, Հայոց ազգին:
Կրկ. Ո՞վ Սուրբ Աստուած, Սուրբ եւ Հրզօր,
Դուն մեր սրտերն լեցուր այսօր:



ՍՈՒՐԲ ԳԻՐՔԸ

(Սաղմ. 119. 97-104):

(Միութեան Տարեկան Քարոզը)

ՍՈՒՐԲ ԳԻՐՔԸ կրնանք կոչել Գրքերուն Հրաշալիքը ու Հրաշալիքներու Գիրքը: Աշխարհի նշանաւոր կրօններն իրենց կրօնագրքերն ունին—Պահմինականութիւն ունի իր Վետաները. Պուտայականութիւնն ունի իր Թրիփիթիքան. Կոմբինիոսականութիւնն իր Քինկերը. Զրադաշտականութիւնն Զենավէսքան. Խոլամութիւնն իր Գուրանը: Քրիստոնէութիւնն ալ ունի իր Աստուածաշունչը: Իր Հոյակասլ յօրինուածքով, բարձրագոյն բարոյականութեամբ, կենսական ու յաւիտենական ձմարտութեանց մասին իր գերբնական յայտնութեամբ, եւ տիրական ու ծաւալուն ազգեցութեամբ Սուրբ Գիրքը կը մնայ անբազդատելիօրէն բարձր ու գերազանց վերոյիշեալ բոլոր գրքերէն: «Գրքեր չատ, Գիրքը մէկ»: Անոնք մարդաշունչ, այս Աստուածաշունչ, (Բ. Տիմ. 3. 15-16): Նախանցեալ տարի, անցեալ տարի եւ այս տարի (1936) Գերմանախօններ, Անդլիախօններ եւ Հայախօններ Աստուածաշունչին ի-

րենց լեզուներով թարգմանուելուն տարեղարձները տօնեցին։ Քալիֆորնիոյ Հայ Աւետարանական Եկեղեցիներուն Միութիւնն ալ այդ տօնակատարութիւններուն իր մասնակցութիւնը բերաւ, տօնելով նոյն ատեն Հայ-Աւետարանական շարժման 100-րդ տարեղարձը։

Աշխարհի այլ եւ այլ կողմերը զրաւիչ հանդէսներ, հոգեշունչ բանախօսութիւններ ու բազմապիսի մեծ ու փոքր հրատարակութիւններ անդամ մըն ալ մարդկութեան ուշադրութիւնն կեղրոնացուցին Աստուածաշունչին վրայ։ Կ'արժե՞ս այնքան իրարանցում, այնքան ծախք ու այսքան ժամանակի ըստառում հինցած Գրքի մը համար։ Աւելի քան կ'արժեր։ Սուրբ Գիրքը իին Գիրք է բայց իինցած Գիրք չէ, բնաւ։ Անիկայ մարդկութեան չափ իին է ու մարդուն չափ նոր։ Սուրբ Գիրքը ամենէն շատ ծախուած գիրքն էր ու է, կ'ըսուի թէ աւելի քան 500,000,000 Սր. Գրքեր կան աշխարհի մէջ, ու դեռ միլիոններ ալ կ'սպասին տարուէ տարի. թիւը, սակայն, ապացոյցը չէ Գրքին անարժեք ըլլալուն, ընդհակառակը, մատուցումը խնդրանքին համեմատ կ'ըլլայ. մէծաքանակ սովորումը արդիւնքն է մէծափափաք պահանջին։ Առատ արտադրութիւնը Գիրքը մատչելի ըրած է ու աժան։ Այս պատուական Գրքին մասերը մինչեւ 5 սէնթի կրնաս առնել։ Աժան, այս, բայց ոչ անարժան։ Քալիֆորնիոյ մէջ խաղողը աժան է, բայց տակաւին ամենէն համեղ ու սննդարար պատուին է։ Այս Գրքին արժեքն ալ իր առատութեամբը չկորոսւիր ու չէ կորսուած, նոյն համեղ ու հոգեպարար Գիրքն է ամեն տեղ ու ամեն ատեն։ «Որչափ քաղցր է քու խօսքդ իմ քմաց։

մէղրէն աւելի անուշ է իմ բերնիս,» կ'ըսէր Գաւիթ րանաստեղծ թագաւորը 2900 տարի առաջ։ «Մարդիկ Սուրբ Գիրքին պիտի վերադառնան, որովհետեւ առանց անոր չեն կրնար կենալ,» կ'ըսէր Անգղիացի բանաստեղծը, Միթհիւ Արնոլու գրեթէ 100 տարի առաջ։ Կիսակիրթ Պաղեստինէն մինչեւ քաղաքակիրթ Անգղիա ու պէտքն ու պահանջը Սուրբ Գրքին։ Զարմանալի չէ որ 2800 տարիներու տողանցքը բան մը չափականցուց անոր արժէքէն ու արժանիքէն։ Սուրբ Գրքին անդնահատելի արժէքը ուրշ կերպով կը տեսնենք

1. Հալածանիներուն մէջ անոր անվկանդ յառաջդիմութենէն։ Ոչ մէկ գիրք այնքան հալածուած ու հարուածուած է որքան այս Գիրքը։ Խորհողներ կան թէ բոլոր գրքերն միասին Սր. Գրքին չայսծուած չեն։ Ասիկայ այդ Գրքին կենալանութեան եւ կենալակութեան ապացոյցն է։ Ապ կը հալածէ անչնչացած առիւծ մը, կամ ո՞վ կը կըռուի մեռած մարդու մը հետ։ Եթէ այս Գիրքը կը հալածուի, կը հալածուի որովհետեւ մեռած չէ ան, կ'ապրի, ու կը չարունակէ դարերու իր յաղթական դնացքը իր թշնամիներուն գերեզմաններուն վրայէն մինչեւ այսօր։ Անոր դէմ կրօնական հալածանք հանեց աշխարհի ամենէն խորածանկ աղզը—Հրէայն։ Աւետարանը քարոզովներէն Պետրոս ու Յովհաննէս ու Պողոս բանտարկեց։ Սաեւփաննոս քարեկոծեց, Յակոբոսը սրով սպաննեց, Աւետարանովներն ըսպաններով Աւետարանը ննջել կ'ուզէր ան։ Տիբերիսի Հրէայ զպրոցին Բարբերիները Յիսուսն ու աշակերտներն վարկաբեկելու ջանացին։ Ու այս ամենը ըրին պաշտպանելու համար ազդը ու պահպանելու

Համար տաճարը։ Ազգը ցըռւեցաւ, տաճարը կործանեցաւ, ու Սուրբ Գիրքը կը տիրէ Սիօնի բարձունքներուն։ «Ով Տէր, քու խօսքը յաւիտեան հաստատ է երկինքի մէջ» (Սաղ. 119.89)։ Քաղաքակրօնական հալածանքը Քրիստոնէութեան դէմ կուգար Հոռվմայ մէծազօր կայսրութենէն։ Հոռվմէական օրէնքին երկրասասան տախտակները կ'արշէին օտար կրօնքներուն մուտքն ի Հոռվմ։ Քրիստոնէութիւնը օտար կրօնի մ'էր ու Քրիստոնեաներն խուժգութ հալածանքներու ու անլուր խոչտանգումներու ենթարկուեցան։ Ներոնի անգութ Հալածանքները առաջին դարուն մէջ եկեղեցական պատմութեան ամենէն արիւնոտ էջերը կը կազմեն։ Երրորդ դարուն վերջերը Դեռկետիանոս կայսրը հրամայեց որ Քրիստոնեաներուն բոլոր Սր. Գիրքերն հաւաքուին եւ վառուին, ու պահողներն ալ սպաննուին։ Հրամանը կատարուեցաւ, բայց Հըսովմէական աշխարհէն Սր. Գիրքը չվերցուեցաւ։ Ատելութիւնը սոսկալի էր Քրիստոնեաներուն դէմ։ Տերտուղիանոս (Յ. Տ. 200) հետեւեալ կերպով կը նկարագրէ Հոռվմայեցիներուն դիրքը Քրիստոնեաներուն հանդէպ—«Եթէ Տիբեր (գետ) յորդէ, եթէ Նեղոս ցամքի, եթէ ամպերը անձրեւ չտան, եթէ Երկրաշարք պատահի. եթէ սով կամ փոթորիկ ըլլայ, աղաղակ մըն է որ կը վրթի—Քրիստոնեաներն առիւծներուն նետեցէք»։ Հոռվմի կայսրերը 300 տարի շարունակ հալածեցին Քրիստոնէութիւնը, անոնց պալատներէն արեան հոտ կուգար, ու անոնց ձեռքերը Քրիստոնեաներուն արիւնով ներկուած էին։ Կայսրերը մեռան, ու անոնց մայրաքաղաքը իր հոյաշէն պալատներով Քրիստոնէական կրօնին մեծ

կեղրոններէն մէկն է այսօր։ «Երկինքը բնակողը անոնց վրայ պիտի ծիծառի, Տէրը ծաղը պիտի ընէ զանոնք» (Սաղմ. 2. 4-5)։

Կրօնական և քաղաքական հալածանքներէն զատ Սուրբ Գիրքը ենթարկուեցաւ նաև Բանալազարութեան (Rationalism) հալածանքին։ Անոնք բանան ու սուրը գործածեցին, իսկ ասոնք զրիչ ու թուղթ։ Բանալազարները չեն հաւատար յայնութեան, չըրտարի, յաւիտենականութեան, Երկինքի ու գժույքի, հետեւաբար չեն հաւատար Սուրբ Գրքին։ Երկրորդ դարէն մինչեւ 20-րդ դար, Կելսոսէն մինչեւ Տարօ (Darrow) բանալազարներն իրենց գէնքերն փորձած են այս Գրքին դէմ։ Ֆրանսացի բանապաշտ մը կը պարձենար թէ շատ չ'անցած իր գիրքը պիտի ջնջեր Սուրբ Գրքին պէտքը։ Մարդը շատոնց մեռած է, իր գիրքը մոռցուած, իսկ իր սենեկակը նր. Գրքի գրավաճառանոց է եղած։ Անդպիսցի անհաւատ մը ջանաց մայրը իր զաւանանքին բերել, լերաւ ու ձգեց զնաց։ Շատ չ'անցած մայրը հիւանդացաւ ու մեռնելէն առաջ իր զաւակին գրեց։ «Ճզաս, հաւատքս ձեռքէս առիր, ուր երթալս եւ ինչ ընելս չեմ գիտեր, կր մեռնիմ, օգնութեան հասիր»։ տղան եկաւ, բայց մայրը մեռած էր։ Ամերիկացի բանալազտ մը գիրք մը գրեց Քրիստոնէութեան եւ Սուրբ Գրքին դէմ, զրկեց Բենիամին Ֆըրստինին որ իր գիտողութիւններն ընէ։ Ֆրանքին գրեց իրեն։ «Գիրքդ կրակը նկատէ . . . եթէ մարդիկ կրօնքով այսքան չար են՝ առանց կրօնքի լինչ պիտի ըլլան։» Ոմանք ալ գիտութեան անունով Սր. Գրքի վրայ յարձակում գործեցին ու գեռ կը գործեն։ Կընդունինք թէ Սուրբ Գիրքը գիտական դա-

սագիրք մը չէ, անոր նպատակը չէ նկարագրել
“How the heavens go, but how to go to heaven”.
Անոր նպատակն է ցուցնել թէ «Փառապէս երկինք
կրնանք երթալ ու չէ թէ երկնային մարմիններն
ենչպէս կը շարժին»: Սակայն ինչո՞ւ չտեսնել անոր
գերազանցութիւնը ուրիշ ազգերու եւ կրօններու գի-
տական գաղափարներուն վրայ եւ համաձայնութիւ-
նը ներկայ գիտութեան հետ: Օրինակ—Մովսէսի
ժամանակակից Եդիստոցիք կը սորվեցնէին թէ եր-
կիրը թեւաւոր հաւկիթէ մը յառաջ եկած է, թէ
մարդը Նեղոս գետին կաւէն ճնած է: Զինացիք
կ'ըսեն թէ իրենց աստուածը Փուռանկա երկինքը Կը-
րանիթէն փորագրեց: Հնդիկներն կը պնդեն թէ եր-
կիրը քանի մը յարկ ունի եւ կը կենայ փիղերու զը-
լուխներուն վրայ, փիղերն ալ կայնած են հսկայ
կրիայի մը կոնակին վրայ եւ կրիան կը կենայ մեծ
զիշապի մը վրայ: Յոյները կը պնդէին թէ երկիրը
կեցած է Աթլասին գլուխն վրայ եւն: Աստուածա-
շունչը, սակայն, ճեղի կ'ըսէ թէ Ած. Երկիրը պա-
րապութեան (ոչինչին) վրայ կը կախէ (Յոք 6. 27)
եւ թէ անոր ըրջանին (ըրջանակին) վրայ կը նստի
(Սուայ. 40. 22): Կարդա նաեւ Առակ. 8. 27: Աւ
գիտական այն ճշմարտութիւնները թէ երկիրը պա-
րապութեան, այսինքն օդին մէջն է, եւ թէ իր շրր-
ջանն ու ըրջանակն ունի Սուրբ Գրքին մէջ էին ներ-
կայ գիտութենէն հաղարաւոր տարիներ առաջ:
Ծոյն փիլիսոփայք եւ Ստորիկեանք կ'ըսէին թէ Լու-
սինը աւելի մեծ է երկրէն. Անաքսիմանդը կ'ըսէր
թէ Լուսինը երկրէն 18 անգամ աւելի մեծ է: Սր.
Գիրքը, սակայն, Լուսինը պատիկ լուսաւորներու
շարքին կը դասէ (Մննդ. 1. 16) գիշերին իշխելու

համար: Հիները կը կարծէին թէ Որկինքը 1000-էն
քիչ մաւելի աստղեր ունի, իսկ Սուրբ Գիրքը կր-
պնդէ թէ աստղերը անհամար են, ու այսպէս կ'լուէ
արդի գիտութիւնն ալ: Նշանաւոր գիտնականներէն
ոմանք կը հիմնան Ծննդոցի առաջին գլխուն գիտա-
կանութեան վրայ, աս կարգէն են Եէյլի Փրօֆ.
Տէյնա, Գանատայի Փրօֆ. Տօոքն, Հայր ու որդի.
Փրօֆ. Քայլթ, Կիւյօ եւն. Եւն: Ասոնց վրայ կրնանք
աւելյնել աւելի հիմնառուններ ինչպէս Նեւաոն, Քու-
պիէ, Հէրշէլներ, Լայպնից, Լավօսուիէ, Լիպիկ,
Ֆարատէյ, Ակասիզ եւն: Անդղիոյ գիտական կա-
հանուին 617 անդամներ, 1865-ին գրութիւն մը ստո-
րագրեցին ուր կը հաւաստէին թէ բնութեան գիրքը
ու Աստուծոյ Խօսքը (Սուրբ Գիրքը) իրարու հակա-
ռակ չեն: Այս գրութիւնը Օքոֆըրտի (Անդղիա)՝
Պատիկն գրատունը կը մնայ: Բարձրագոյն Քենա-
դատութիւնը, իր 700-էն աւելի լարկածներով, շատ
հաճանջներ ըրած է վերջին 50 տարիներու ընթար-
քին, տեղի տալով Սր. Գրական պատմական ճշմար-
տութիւններն ստուգող հնագիտական խուղարկու-
թիւններուն առջեւ: Օրինակ—Ծննդոցի 14րդ գրլ-
խուն չորս թագաւորները առաստելական կը նկատ-
ուէին Ուէլհասուզընի դպրոցին կողմէն, բայց վեր-
ջերս հնագիտութիւնը անոնց պատմական գոյու-
թիւնն երեւան հանեց (Տես “Deciding Voice of the
Monuments” by Prof. Kyle): Քետական ազգ (Hittites)
պատմութեան մէջ գոյութիւն ունեցած չէ կ'ըսէին
քննադատուններէն շատեր. բայց Փրօֆ. Ուինքլը Քե-
տական արձանագրութիւններ գտաւ Պօղագքօյի
մէջ 1906-ին: Ասորեստանի թագաւորին Սարկոնի
վրայ կը խօսի Սուրբ Գիրքը: Այս անունէն լուր

չունին Հերօտօթոս, Քսենոփոն, Պերոսըս, Թիոսոռոս եւ Յովսեպոս Նշանաւոր պատմիչներ, ուստի եւ այս անունը առասպելական սեպեցին քննադատները, սակայն, քանի մը տարի առաջ Հնախոյզներն Պօթզի առաջնորդութեամբ Սարկոնի պալատը երեւան հանեցին Մուսուլի մէջ եւ ամչցուցին քննադատները: Նորէն, Սր. Գրքի քննադատներն կը պնդէին թէ Մովսէս չէր կրնար Հնդամատեանին հեղինակն ըլլալ, որովհետեւ կ'ըսէին իր զարուն զիր եւ զրականութիւն չկար: Սակայն, 1887-ին, Անդրդիացի Փրօփ. Գէթրին հիսուսային Եղիպատոսի մէջ երեւան հանեց Թէլ-էլ-Ամառնա կոչուած թապլէթները որոնք թղթակցութիւններ կը պարունակէին Եղիպատոսի եւ Պաղեստինի միջնեւ Մովսէսէն շատ առաջ: Դեռ վերջերս գանուեցաւ Համուրապի օրէնքներուն յիշատակարանը զրուած Մովսէսէն 1000 տարի առաջ: Զարմա՞նք է ուրեմն, եթէ աշխարհի ամենէն ականաւոր հնախոյզներէն Փրօփ. Սէյս կ'ըսէ – «Ասորեստանի եւ Եղիպատոսի հնախուզութիւնները, որչափ որ գիտեմ, բարորովին կը հաստատեն Հին Կտակարանի պատմութիւնները»: Ասոր կը ճիացընէ իր ձայնը Փրօփ. Քայլ Ամերիկացին, երբ կը գրէ – «Այօր գրեթէ մէկ դարի փորձարկութիւններէն վերջ (Հնախուզական) Հին Կտակարանի ամբողջ պատմական գետինը ապացուցուած է.» (Deciding Voice): Ահա բոլոր կրօնական, քաղաքական, եւ զիտական խիստ ու երկար յարձակումներէն ու հաւածանքներէն վերջ Սուրբ Գիրքը երեւան կուգայ իր յաղթական գնացքին մէջ աւելի առոյդ ու հզօր քան երբէք:

«Անհաւատ դարեր, դարեկք անխնայ ձեր մուրճովն.

Ձեր մուրճն կը փշրի, մեր ՎէՄ՛Ն կը մնայ»:

2. Սուլբ Գրքին ամենամեծ արժեքը կը կայանայ անոր անհատական, ընտանելքան եւ հանրային կենացիքու մէջ ստեղծած յեղաշրջութենին: Ա. յ յեղաշրջութիւնն կատարուած է կրթական, բարոյական եւ հոգեկան մարդկերու մէջ: Սուաջին դարէն մինչեւ այսօր միլիոնաւոր կեանքեր փոխուած են Խօսքին քարոզութեամբ եւ ընթերցումով: «Հաւատեւը լսելէն է ու լսելլը Աստուծոյ խօսքէն» (Հոռվ. 10. 17) տակաւին: Անդրէասն ու Յովհաննէսն ու Զաքոսս տան մէջ Յիսուսի հանդիպեցան, Մատթէոս Կործատեղին մէջ, Սօլոս Դամակոսի ճամբուն վլրայ, Տուայթ Մուտի խանութին մէջ, Լուտեր Վասիկանի սանդուիներուն վրայ, Ճան Աւէսլի Լոնտոնի ժողովներէն մէջ, Սարլզ Սփրըճըն Մելուսիթ եկեղեցին աղօթաժողովին մէջ, Ազարիա Սմիթէ, նշանաւոր միսիօնարը, Եէյլ Գոլէճին մէջ. Տուլըթ Հարքնէս երգահանը փողոցին մէջ քայլած ատեն. Փրկութեան Բանակին հիմնադիր Աւելեմ Պութհ Եպիսկոպոսական եկեղեցիի մը մէջ Աւետարանի քարոզութեամբ. Ճօրծ Մուլըր որ պատանեկութեան առեն զող մէկը, գինոյլ մը, խաղցող մը աղօթաժողովի մը մէջ. Ծովակալ Ֆութ նաւուն մէջ. Տօք. Թօրի Երազէ մը վերջ, Ճան Աւանամէյքըր վաճառականը աղօթաժողովի մը մէջ երիտասարդի մը վկայութենէն վերջ: Անդպիացի նշանաւոր դրոյքը Հարօլու Պէկպի կը պատմէ տասնեակ մը մարդոց դարձը ու կեանքի փոփոխութիւնը Աստուծոյ Խօսքին քարոզութեամբ. իւ մ ո զ, Հայհոյով, զարնող մարդիկ ամենքն ալ, «Զօրութիւնով չէ եւ ուժով չէ հապա իմ Հոգիովս կ'ըսէ Տէրը» (Զաք.

4. 6) : Սր. Գրքին աղդեցութեան կը վկայեն գիտ-
նականներ Նեւսոնի եւ Մշլիքընի պէս . քաղաքա-
գէտներ Պրայթի եւ կլասսթընի պէս . գրագէտներ
Կէօթէի եւ Ուոլթըր Սքօթի պէս . բարեկարգիչներ
Գրիգոր Լուսաւորիչի եւ Լուտերի պէս : Նշանաւոր
Ամերիկացիներն ալ վկաներու շարքին մէջն են —
Ռւաշնկթըն կ'ըսէր, «Անկարելի է աշխարհ. կառա-
վարել առանց Սուրբ Գրքի» : Լինքըն Սուրբ Գիրքը
կը կոչէ «Ամենալաւ գիրքը որ Աստուած մարդկու-
թեան տուած է» : Թէօսոր Ռուզվէլթ կ'ըսէ «Ուրիշ
ուեէ գիրք ուեւէ լեզուով գրուած այնքան ազդած չէ
ուեւէ ժողովուրդի որքան Անգլիարէն Սր. Գիրքը
Անգլիախօս աշխարհին» : Ուիլսըն կը դրէ «Ես կը
ցաւիմ այն մարդոց համար որոնք ամեն օր Սուրբ
Գիրքը չեն կարգար» :

Հանրային կեանիքին վրայ Սր. Գրքին աղդեցու-
թիւնը զօրաւոր եղած է : Անիկայ զտաւ մանուկը
ու բարձրացուց կինը : «Թէ որ չդառնաք ու պղտիկ
տղոց պէս չըլլաք չէք կրնար մտնել երկնից թաղա-
ւորութիւնը» : Այլերու և կիներու կ'ուզզէ իր խոս-
քը եւ կ'ըսէ — «Իրարու հնագանդ եղէք Աստուծոյ
վախովք» : Բազդատեցէք այն երկիրներն ուր Սր.
Գիրքը կը աերսուի ու կը յարգուի՝ այն երկիրներու
եւ ազգերու հետ ուր Սր. Գիրքը անծանօթ է : Բաղ-
դատեցէք Հոլոսուան թուրքիոյ հետ, Անգլիան Չի-
նաստանի հետ : Միախօնարութեան ազգեցութիւնը
հեթանոս երկիրներու մէջ Սուրբ Գրքի քարոզու-
թեամբ եւ Քրիստոնէական գպրոցներու բացումով
ո'րքան հրաշալի արգիւնքներ տուած է, ո'վ կրնայ
ուրանալ : Վիքթօրիխայ թագուհին կ'ըսէր թէ Անգ-
լիոյ մեծութեան գաղտնիքը Ս. Գիրքն է : Ամերի-

կայի պէս ազատ երկրի մը համար կանոնիկոս Ֆա-
րրը կը գրէ թէ «Սր. Գիրքը շինած է Ամերիկան ինչ
որ է» : Զեմ զարմանաբ եթէ Ամերիկան ազդին
Նաքագահներն իրենց պաշտօնակարգութեան միջո-
ցին Սուրբ Գիրքը համբուրած են —

Հ Հ Հ Հ Հ

Կրանթ համբուրեց Եսյի 11. 2-3 : Առաջնորդութիւն
Կարֆիլտ համբուրեց Առակ. 16. 1 : Բարի սիրտ :
Քիվլանտ համբուրեց Սալ. 91 : Ապահովութիւն :
Հէրիարն համբուրեց Սալ. 121. 1-2 : Ապահովութիւն :
Մէքինլի համբուրեց Առակ. 16. 20 : Աւզգամտութիւն
Ռուզվէլթ համբուրեց Յակ. 1. 23 : Գործունէութիւն
Ալիսըն համբուրեց Սալ. 119. 43-45 Ազատութիւն
Ճշմարտութեամբ :

Քուլիճ համբուրեց Եբր. 11. 1 : Հաւատք :
Հանրային կեանքի վրայ Սուրբ Գրոց տիրական
եւ յեղաշխող ազգեցութիւնը կ'երեւնայ հետեւեալ
թուանշաններէն —

Անգլիոյ մէջ 178,000 բնակիչի մէկ մարդասպան
կ'իյնայ : Հոլանտայի մէջ 100,000 բնակիչի մէկ
մարդասպան : Հոովմի մէջ 950 բնակիչի մէկ մար-
դասպան : Սպանիոյ մէջ (աս պատերազմէն առաջ)
4113 բնակիչի մէկ մարդասպան : Իտալիոյ եւ
Սպանիոյ էջ Աւետարանը անծանօթ է ու Աստու-
ծաշունչը գոցուած : Ամերիկայի 40 նշանաւոր ա-
ռեւտրականներ Խօճըր Պէպորնին (Statistician) հար-
ցուցին թէ զործի մէջ (Business) յաջողելու պայ-
ծաններն որո՞նք են . պատասխանեց՝ Մովսէսի Տաս-
նարաննեան եւ Յիսուսի երկու պատուերներն, Սիրէ
Աստուծդ եւ ընկերդ :

Մարզը միշտ պիտի հարցնէ Ուսկի^օց կուգամ,
հոս ինչո՞ւ եմ, ո՞ւր կ'երթամ, ի՞նչ ընեմ որ փրը-



կուիմ, ի՞նչպէս կրնամ ազատ ըլլալ, ի՞նչպէս կըր-
նամ յաղթել գէշ ունակութիւններու։ Ի՞նչպէս
կրնամ խաղաղութիւն ունենալ. ի՞նչ կայ գերեզմա-
նէն անդին։ Այս յոյժ կարեւոր ու կենսական հար-
ցումներուն մէկ Գիրք միայն կը պատասխանէ պարզ
ու որոշ - Սուրբ Գիրքն է ան։ Մե՛ղք որ այս հրաշա-
լի ու հրաշագործ չունչը Աստուծոյ՝ անծանօթ կը
մնայ շատ մը կեանքերու ընտանիքներու եւ հանրա-
յին ու կրթական յարկերու։ Մինչ իսկ Հայ Որբը
գիտէ արժէքը Աստուծաշունչին ու երբ հարցուցին
իրւն թէ ինչո՞ւ կը սիրէ Սուրբ Գիրքը, պատասխա-
նեց - Սուրբ Գիրքը կը սիրեմ, որովհետեւ (ա)։ Ես
որբ մ'եմ ու Սր. Գիրքը ինձի Հայր մը կուտայ -
Աստուծած : (բ)։ Ես մեղաւոր մ'եմ ու Սուրբ Գիրքը
ինձի Փրկիչ մը կուտայ - Յիսուս : (գ)։ Ես օտա-
րական մ'եմ, ու Սր. Գիրքը ինձի Հայրենիք մը կու-
տայ - Երկինք։

Հոս է, ահա, Սր. Գրքին ամենամեծ արժէքը։
Անիկայ Հայր մը կուտայ որբ մարդկութեան, Փըր-
ուշ մը կուտայ մեղաւոր մարդկութեան, Հայրենիք
մը կուտայ թափառական մարդկութեան։

«Ո՞վ դուն Սուրբ Գիրք Երկնային,
Պատուական գանձն ես իմին։»

ՎԱՐԴԱՆ Պ. ԱՄԻՐԻԿԱՆԵԱՆ



ԱՍՏՈՒԱԾԱՇՈՒՆՉԻ

ԱՇԽԱՐՀԱԲԱՌ

ԹԱՐԳՄԱՆՈՒԹԻՒՆԸ

1935րդ տարին յաւերժ յիշատակելի թուական
մը եղաւ Հայ կրօնագրական տարեգրութեան մէջ։

Հայերէն գրաբառ Աստուծաշունչի սկզբնաւո-
րութեան և թարգմանութեան 1500 ամենակը պատ-
շաճօրէն տօնախմբուեցաւ ամենուրեք։ Այս ոսկե-
ղենիկ եւ «Թագուհի թարգմանութեանց» տիտղոսը
անբաժան պիտի մնայ Հայերէն «ա» ու «բ» գրերու
յարգուած հեղինակներուն՝ Սահակ-Մեսրովի եւ
անոնց աշակիցներուն հետ որք գովկելի նախանձա-
խնդրութեամբ Աստուծաշունչ Մատեանը Հայա-
ցուցին եւ Հայ համայնքին մատչելի ըրին։

1935րդ տարին յիշատակելի է նաև Անդլիախօս
Բողոքական համայնքին համար, որք նոյնպէս տօ-
նախմբեցին Անդլիերէն Աստուծաշունչի թարգմա-
նութեան 400 ամեակը։

Գեղեցիկ գրւզագութեամբ մը Հայ Աւետա-
րանական համայնքն ալ կը տօնախմբէ իր եկեղեցա-
կան կազմակերպութեան եւ Աստուծաշունչի աշ-
խարհաբառ թարգմանութեան հարիւրամեակը։

Մասնաւորելով մէր ուշագրութիւնը Աստուծ-
աշունչի աշխարհաբառ թարգմանութեան ծագման
եւ պատմութեանը՝ ջանանք ըստ կարեւոյն եւ հա-
մառօտիւ նկատի առնել սոյն թարգմանութեան
պատմութիւնը։

Իբր հարիւր տարի առաջ երբ Աւետարանական շարժումը մուտք գործեց Հայոց մէջ եւ պարագաներու բերմամբ ինքնուրոյն կազմակերպութիւն մը եղաւ, իր առաջին պէտքն ու կարօտը զգաց Սուրբ Գիրքը աշխարհաբառ լեզուվ թարգմանելու եւ դիւրամատչելի ընելու Հայ հասարակութեան: Այս փափակելի արդիւնքը ձեռք բերելու դիտաւորութեամբ Քրիստոնեայ եռանդուն անհատներ միացեալ ջանքերով ընկերութիւններ կազմեցին եւ թէ անհատաբար ու թէ հաւաքաբար գործի ձեռնարկեցին մեծածեծ զոհուզութիւններով: Առաւել քան հարիւր տարի առաջ հրապարակ եկան մէկէ տեկի «Աստուածաշունչի Ընկերութիւնն»ներ: Յամի Տեառն 1800ին Յունվար ամսուն, Աստուածաշունչի Ընկերութիւն մը ծնունդ առաւ Ռուսաստանի մէջ: Կըսուի թէ անոր նպատակը այնքան հաճելի թուեցաւ օրուայ կայսեր, Աղեքսանդրին որ զգալի մզում մը տուաւ անոր յաջողութեանը իր տէրութեան բոլոր սահմաններուն մէջ: Չորս տարի վերջ նոյն տեսակ Ընկերութիւն մը եւս հասաւատուեցաւ Անդիսոյ մէջ, BRITISH AND FOREIGN BIBLE SOCIETY անունով: Բատ մէր ձեռք անցած պատճական իրողութիւններուն—Ռուսական եւ Բրիտանական—Հայոց մէջ Սուրբ Գրքի պակասը տեսնելով խորհրդակցեցան եւ որոշեցին տպել եւ գիւրամատչելի զնով տարածել գրաբառ Աստուածաշունչը 1813-ին: Այս նպատակաւ նախ Ռուսական Ընկերութիւնը ձեռնարկեց գործի եւ 1815ին 5000 Սուրբ Գրք տպագրեց Հայոց համար: Այս Բրիտանական Ընկերութիւնը 1817ին 2000 օրինակ Աւետարան տպագրեց: Գրաբառ Սուրբ Գրոց այս հրատարակումէն եւ

տարածումէն հասարակ ժողովուրդը չէր օգտուեր, որովհետեւ իրենց գործածած լեզուն սամկական բառերով խառնուած ըլլալով՝ գրաբառը անհասկը նալի էր իրենց:

Ոռուական եւ Բրիտանական Ընկերութիւնները միասնաբար եւ համախորհուրդ կը հրատարակեն թուրքերէն Աստուածաշունչը 1822ին եւ աշխարհարարու 1833ին: Թէպէտ լեզուի տեսակէտէ երկու թարգմանութիւններն ալ ունէին իրենց թերութիւնները: Ոռուիոյ Աղեքսանդր Կայսեր մեռնելէն վերջ որ ժամանակակից էր Հայոց Եփրեմ Կաթողիկոսին, Ոռու կղերական դասը հակառակեցաւ Աստուածաշունչի Ընկերութեան:

Ըստ Խթիւճեանի «Ծագումն եւ Ընթացք Աւետարանականութան ի Հայս» դրական ատենները Հայ կղերին կողմէն ընդդիմութիւն չեղած Աստուածաշունչի հրատարակուելուն եւ տարածումին համար: Սակայն Բրիտանական Ընկերութիւն 1823-ի արձանագրութենէն կ'երեւի որ երբ Բրիտանական Ընկերութեան գործակալն զիմում կ'ընէ այն ժամանակի կ. Պոլսոյ Կարապետ Պատրիարքին՝ որպէս զի նոր Կտակարանի աշխարհաբառ տրպագրութիւնը իր արտօնութեամբ կատարուի՝ Պատրիարքին կողմէն կը զլացուի:

Ամերիկեան Աստուածաշունչի Ընկերութիւնը՝ որ կազմուած է 1816 Մայիս ամսուն, սկզբէն իր գործառնութիւնները յատկացուցած էր միայն Միացեալ Նահանգաց ժողովուրդին համար մինչեւ 1883 թուական: Այդ նոյն տարւոյ Մայիս 17-ի իր տարեկան ժողովին մէջ կարդ մը ուրիշ որոշումներու հետ այս որոշումն ալ փոխեց եւ որոշեց որ իր աջակ-

յութիւնը տայ այն ամէն աղքերուն որոնք զուրկ են Սուրբ Գրոց օրհնութիւններէն:

Կ. Պոլսոյ Պատրիարք Ներսէս Եպիսկոպոս Վարժապետաքան շատ լաւ հասկցած եւ գնահատած էր Աժերիկեան Աստուածաշունչի Ընկերութեան մատուցած մարդասիրական ծառայութիւնները թէ աշխարհաբառ եւ թէ Հայատառ թուրքերէն Սուրբ Գրոց ժամերը հրատարակելու համար: Ուստի Վարժապետաքան մասնաւոր ինդրանիք ըրաւ նոյն Ընկերութեան, անոր Պոլսոյ գործակալի միջոցաւ որպէս զիդաբառ Աստուածաշունչ եւս տողագրել եւ հրատարակել բարեհաձիք: Ընկերութիւն սիրով յանձն առաւ՝ պայմանաւ որ կանոնականէ դուրս եղած Գիրքերը զանց առնուին: Հաւանութիւն զոյացաւ եւ գրաբառ Աստուածաշունչը տպուեցաւ ու հրատարակուեցաւ 1897 թուականին:

Պորտ Ընկերութեան առաջին Միսիոնարները Պաղտատ գացած են եւ առաջին անգամ ըլլալով հաստատած են Սուրբիական Առաքելութիւն մը միայն Ասորիներու համար, առանց գաղափար իսկ ունենալու Հայոց վրայ: Սակայն այս ատեններ այնպիսի դէպքեր տեղի ունեցեր են որ դիւրաւ ճամբայ բացեր են Հայոց համար եւս Առաքելութիւններ հաստատելու: Այս միջոցին Սուրբոյ Առաքելութենէն երկու Միսիոնարներ — Լի Փալուընս եւ Փլինկ Ֆիսք — միսիոնարական պառյափի կ'ելլեն, առաջինը դէպի երուսաղէմ, իսկ միւսը ի Զմիւռնիա: Այս երկուքն ալ գացած տեղերնին մարդասէր Հայերու հետ տեսնուելու պատեհութիւն կ'ունենան եւ մեծապէս կ'ազդուին Հայոց դէպի կրօնք ցոյց տուած հետաքրքրութեանը համար:

Ամերիկեան Պորտ Ընկերութիւնը այս տեղեկավիրը ստանալէն վերջ կ'որոշէ յիշեալ միսիոնարներու վրայ աւելցնել ուրիշ հատ մը յատուկ Հայոց համար — յանձին Աւիլելմ Կուտէլի՝ որ 1823 նոյեմբերին Պէլյուութ կը հասնի: Կուտէլ անուն տակաւին կը յիշուի անոնցմէ որք կարդացած են անոր Հայերէն քարողագիրքը: Մը Կուտէլ իր առաջին տեղեկագրութեանը մէջ այսպէս կը գրէ — «Բարի Նախախնամութիւնը առաջնորդեց մեզ Հայ Եպիսկոպոսի մը եւ Հայ Վարդապետի մը, երկուքն ալ Ս. Յակովէբեանց ուլատէն: Ասոնք կեանքերնուն մեծ մասը հոն անցուցած են եւ լաւ գաստիարակուած ու լուսաւորուած անձինք ըլլալով մեզի օդնական եղանի բրեւ լեզուի ուսուցիչներ եւ թարգման: Այս արժանաւոր կղերներ էին Դիոնեսիոս Եպիսկոպոս եւ Կարապետ Վարդապետ: Դիոնեսիոս Եպիսկոպոսին կը պարտինք «Համարաքան Նորոյ Կտակարանի» վերքը, ինչպէս նաև Հայատառ թուրքերէն Աստրածաշունչին մէկ մասը:

Վանի որ խօսքերնիս այս արժանաւոր եւ լուսամիտ կղերականին վրայ է՝ քիչ մը մանրամասնենք իւթիւննեանի անոր մասին գրածը, թէ ինչպէս Անդիերէնէ Հայերէնի թարգմանած է քանի մը տետրակներ որոնց մինն է «Խաչնարածին Աղջիկը»: Այդ տետրակի վերջարանի մէջ իր կողմէն սա յաւելումը ըրած է «Սիրելի ընթերցող, աղքատ թէ Հարուստ, արդեօք դուք ալ ու ես ալ հոն՝ երկինքի մէջ պիտի տեսնուի՞նք, արդեօք հագուած ենք խոնարհութիւնով ու մէր սիրելի Փրկչին արդարութեանը հարսանիքի հանդերձներովը զարդարուած ենք. արդեօք աշխարհս սիրելէ գաղրած՝ կենդանի Ասքրքրութեանը համար:

սուծոյն կը ծառայէ՞նք, արդեօք մենք մեր ունայ-
նութիւնը գիտե՞նք ու Փրկչին մերոյ լիութեանը կը
դիմե՞նք Անկէ չնորհք ու զօրութիւն առնելու հա-
մար»:

Արեւմտեան Ասիոյ Հայ եկեղեցականերէ ո-
մանց մտքին մէջ արթնցած այս կրօնական շարժու-
մը շատ պարզ միջոցով մը Արեւելեան Եւրոպայի և
Փոքր Ասիոյ Հայերուն եւս կը հաղորդուի: Այս
ժամանակին Պէյրութի մէջ զործող միսիօնարը-Մը.
Քինկղ՝ ստիպուած ըլլալով իր Հայրենիքը վերա-
դառնալ, Սուրիոյ Արաբախոս բարեկամներուն հը-
րաժեշտի նամակ մը կը գրէ, մասնաւորապէս կը
ժանրանայ Պատպական եկեղեցւոյ բարեկարգութեան
անհրաժեշտ պէտք ունենալու մասին: Նամակը Անդ-
լերէն գրուած ըլլալով Դիոնեսիոս Եպիսկոպոսին կը
յանձնուի Արաբերէնի թարգմանուելու համար: Աս
նոյն նամակը Դիոնեսիոս Հայերէնի ալ կը թարգ-
մանէ եւ Պոլոսյ բարեկամներուն կը զրկէ ըսել ու-
ղելով որ անոնք ալ կը փափաքէին բարեկարգու-
թեան որոց կարգին կը վերաբերէն Փէշտիմալճեան
Ուկան Գրիգորեան, Մինձէեան եւ ուրիշներ: Այս
նամակը այնչափ աղղեցութիւն կը զործէ Հայ
մտքերէ ոմանց վրայ, որ քանի մը օրէն վերջ Կա-
րապետ Պատրիարքի ներկայութեանը նամակը կը
կարգացուի եւ մանրամասն գիտողութիւններ կ'ըլ-
լան, Սուրբ Գրքէն յառաջ բերուած վկայութիւննե-
րով ի նպաստ եկեղեցւոյ բարեկարգութեան անհր-
աժեշտ պէտքին: Այդ ատեն առիթը կը ներկայա-
նայ խորհրդածութեան առարկայ ընել դաստիա-
րակուած եւ բարեկիրթ եկեղեցականներ ունենալու
պէտքը: Այս արդիւնքին համար ուսումնարանի մը

հաստատութեան խորհուրդը կը յղացուի եւ կը հիմ-
նուի Մայր Եկեղեցւոյ ըլջավակի մէջ բացուած Փէշ-
տիմալճեան Գրիգոր Պատուելիի ծանօթ ուսումնա-
րանը»: Յիշուելու արժանի իրողութիւն է որ Փէշ-
տիմալճեան այդ պաշտօնին գիտակից յարմարագոյն
անձն էր: Նա ոչ միայն քաջ եւ առաջնակարգ Հայ-
կարան էր, այլ իր ժամանակի Յոյն եւ Լատին գր-
րագէտներու չափ հմուտ էր թէ Արեւելեան եւ թէ
Արեւմտեան Եկեղեցիներու պատմութեան եւ Սատր-
ածարանութեան: Անկէ զատ եռանդուն ուսանող
եւ նախանձամինդիր չատագով մըն էր Սուրբ Գրոց
Հին եւ Նոր Կտակարաններուն՝ որոնցմէ երկայն
հատուածներ բերանացի կարտասանէր յաջողապէս:

Փէշտիմալճեան ուսումնարանի առաջին սահներն
էին Խաս Գրւլի աւագերէց Տէր Գէորք քահանայ
Արծրունի, Գէորք Դ. Կաթողիկոս, Վէր. Արիսողամ
ի. Իւթիւննեան՝ առաջին երէց Աւետարանական Ե-
կեղեցւոյ, Վէր. Ցովէ. Տէր Սահակեան – որդի Տէր
Սահակ քահանայի, Տոքթ. Սենեքերիմ Տէր Մինաս-
եան եւ այլք: Ասոնք եւ իրենց ուրիշ ընկերներ
Փէշտիմալճեանի ուսումնարանին տրուած Աստուա-
ծաշունչի գասերէն այնչափ կ'ախորժէին որ ձմբան
երկայն գլշերներ Սուրբ Գրոց ընթերցումով եւ
մեկնութիւններով կրթեագէին:

Պէտք է յիշել որ այդ ժամանակները գեռ չկա-
յին միսիօնարներ եւ տարակոյս չկայ որ շատ մը
Հայերու միաբը պատրաստ էր լսելու Կենաց Բա-
նին քարոզութիւնը:

Դիոնեսիոս Եպիսկոպոս, լուսաւորուած եւ ան-
րասիր Եկեղեցականը, Պէյրութի մէջ վկայեր է թէ
Հայ ժողովուրդի միտքը բաց է եւ ընդհանրապէս

Առաջին միսիօնարներ թուրքիա եկած են 1820
թուականին եւ հաստատուած են կ. Պոլսոյ մէջ։
Հոս ի կարգին է յիշել որ թուրքիա եկող առաջին
միսիօնարներ սկսան Աւետարան քարոզել Մահմէ-
տականներուն, սակայն ձախողեցաւ թուրքի ծա-
նօթ մոլեռանդութենէն։ Թուրքիա եկող առաջին
միսիօնարներ երբ շփման եկան Հայ ժողովուրդի
հետ, մասնաւորապէս մտքով զարդացած եւ կրօնա-
կան խնդիրներով հետաքրքրուով անձնաւորու-
թեանց հետ որպէս ակնարկուեցաւ - նորեկները
աշխատութեան խոստմնալի զաշտ մը գտան իրենց
առջեւ։ Սակայն այն խոստմնալի եւ յուսալի երե-
ւոյթներուն հետ մէկաեղ յառաջ եկան վէճ, հակա-
ռակութիւն, հալածանք եւ ապա անխուսափելի բա-
ժանումը՝ որով անհրաժեշտ սեպուեցաւ Աւետարա-
նական Եկեղեցւոյ կազմութիւնը առաջին անգամ
1846ին։ Ահա այս շարժումին յաջորդեց Մբ. Գիրքը
աշխարհաբառի թարգմանելու պէտքը։ Առաջին

միսիօնարքներու իսումը բի ին վրայ կ'աւ-
ուելնայ ուրիշ հոչակաւոր անձնաւորութիւն մը Իիկղ
որ իր լեզուագիտական հանձարով Քաղղէական
լեզուի գասաղրքեր հեղինակած է : Անոր համար
կըսուի թէ գիտեր քանի լեզուներ՝ որոնց տասնու-
երկութին ձեռնհասորէն կը տիրապետէր : Իր թարգ-
մանութիւնները խորապէս զնահատուած են մաս-
նագէտներու կողմէն : Տր. Իիկղ Հին Կտակարանի
աշխարհաբառ թարգմանութիւնը կը լրացնէ 1847ին
որ չորս մասերով կը հրատարակուի : Ի վերջոյ պե-
տական արտօնութեամբ եւ Ամերիկեան Աստուածա-
շունչի Ընկերութեան ծախով ամբողջ Սր. Գիրքը
կը տպուի ի Կ. Պոլիս 1850-1856 : Մենք Հայ Աւե-
տարանականներս հաճոյքով կ'երգենք Հայերէնի
թարգմանած իր շատ մը երգերը :

Սուրբ Գրոց աշխարհաբառ թարգմանութիւնը
քանիցս սրբագրուած եւ հազարաւոր օրինակներ
ցրուուած են Աստուածաշունչի Ընկերութեանց կող-
մէն։ Տր. Իիկա անձամբ սրբագրած է իր թարգմա-
նութիւնները եւ կրկին հրատարակուած է Նիւ Եոր-
քի մէջ։ Ամերիկան Պորտ Տր. Իիկա Զմիւռնիա-
յէն փոխադրեց կ. Պոլիս ուր անմիջապէս իր լեզ-
ուագիտական հանձարը նույիրեց Հայերէնի, Պուլ-
կարէրէնի եւ Թուրքքէրէնի ուսմանց։ Տր. Իիկա
թարգմանեց նաև Պուլկարներու արդի Աստուածա-
շունչը։ Նա աշխատակցեցաւ Թուրքքէրէն Աստուա-
ծաշունչի 1866-ի վերափնտութեան գործին։ Հեղի-
նակն էր Հայերէն, Թուրքքէրէն եւ Պուլկարէրէն քե-
րականութիւններու։ Տր. Իիկա այնչափ հմուտ լեզ-
ուագէտ ճանչցուեցաւ որ աշքառու ծառայութիւն-
ներ մատուց 1873-ի Հին Կատակարանի եւ 1883-ի Նոր

Կոտակարանի վերաքննեալ – Revised Version – Անդրեյէն թարգմանութիւններուն։ Իր ծանօթութիւնը Արեւելեան լեզուներուն եւ մասնաւորապէս Հայերէնի եւ գրաբառ Աստուածաշունչի հետ զինքը բացասական կերպով յարմարցուցած էր Սր. Գրոց վերաքննութեան աշխատանքներուն։ Աստուածաշունչի աշխարհաբառ թարգմանութեան գործին մէջ Տր. Իրկզ իրեն օգնական ունեցած է Խասդիւղի հռչակաւոր Գէորք քահանայ Արձրունին որուն աշխարհաբառի համար մատուցած օժանդակութիւնը գնահատութեան արժանի է։ Հոս ի կարգին է յիշել նաեւ Հ. Յովհաննէս Զօհրապեան, հմուտ Հայկաբան որ Բրիտանական Աստուածաշունչի Ընկերութեան ինդրանիքին վրայ կը ձեռնարկէ Աւետարանի աշխարհաբառ թարգմանութեանը որ կը տպուի ի Փարսիդ 1825-ին։ Այս նոյն տպագրութիւնը Ամերիկան հոգատարութեամբ եւ Վեր. Ճ. Պ. Էտկըրի վերհսկողութեամբ իսումբ մը հմուտ Հայկաբաններու կողմէն կը սրբագրուի եւ 1842-ին Բրիտանական Աստուածաշունչի Ընկերութեան ծախքով կը հրատարակուի յիգմիտ։

Աստուածաշունչի աշխարհաբառ թարգմանութիւնը քանիցս սրբագրուած եւ վերստին տպագրուած ու հազարաւոր օրինակներ տարածուած են Սր. Գրոց այլ եւ այլ Ընկերութեանց ջանքերով։ Արարատեան բարբառով նախ Նոր Կոտակարանը թարգմանուած է Ա. Հ. Տիտրիխի միջոցաւ 1834-ին եւ կրկին լրյա տեսած է 1879-ին։ Այս թարգմանութիւնը ամբողջութեամբ սրբագրուած է Վեր. Արքահամ Ամիրխաննեանցի կողմէն, նոյնպէս թարգմանուած է Հին Կոտակարանը։ Ասոնք ալ Բրիտանա-

կան Աստուածաշունչի Ընկերութեան ծախքով տրադած են ի կ. Պոլիս 1882-ին։

Մեր թրքախօս հայրենակիցներուն համար ևս նոյն հոգեւոր բարիքները մատակարարելու նպատակով վեր յիշուած լեզուադէտ եւ հմուտ միսիօնարներէն քանիներ առաջին պատեհութեամբ կը ձեռնարկեն Աստուածաշունչը թուրքերէնի թարգմանել։ Սուրբ Գրոց մէծ մասը Սուլթան Մուհամմէտ Փ. ի իշխանութեան շրջանին, (1648-1687) պաշտօնական յանձնախումբի մը կողմէն թրքերէնի թարգմանուած է։ Զեռադիրը երկար տուն պահուելէ վերջ տպագրուած է սրբագրեալ եւ լրացեալ ձեռով 1819-ին։ Այս տպագրութեան լեզուական թերութիւնները նկատի առնելով՝ հմուտ լեզուադէտ Տր. Առ. Կ. Շառուֆլը գրական լեզուով նոր թարգմանութեան ձեռնարկած է, որ մասսամբ տպուած է Նիւ Եօրք 1867-1873-ի ժամանակաշրջանին։ Սակայն այս թարգմանութիւն ալ ժողովրդական լեզուով շրջալուն համար ակնկալուած տրդիւնքը չէ տուած։ Նոր Կոտակարանը երկու հմուտ Հայերու կողմէ թարգմանուած է 1815 եւ 1819 ու տպուած ի Ս. Պետրսպուրկ։ Տր. Կուսէլ ամբողջ Ս. Պիթրը թուրքերէնի թարգմանած է որոն Նոր Կոտակարանը 1831ին՝ իսկ Հին Կոտակարանը 1841ին։ Անոնք սրբագրուելով կրկին տպուած են 1858ին եւ 1865ին։ Ամերիկեան եւ Բրիտանական Աստուածաշունչի Ընկերութիւնները Տր. Շառուֆլը թարգմանութիւնը սրբագրեալու համար Տր. Իրկզի վերհսկողութեան տակ Կ. Պոլոսյ մէջ 1878-1887ին օտարներէ եւ տեղացիներէ յանձնախումբ մը կը կազմէն սրբագրութեան համար։ Ասոր նպատակն էր Սր. Գրքի լե-

զուն հասկնալի ընել ամէն դասու մարդոց : Եղած սրբագրութիւնը լաւագոյն նկատուելով՝ թուրքերէն Սր. Գիրքը կը տպուի Արաբերէն, Հայերէն եւ Յունարէն տառերով :

Կը յիշուի որ այն ժամանակի Եփրեմ Կաթողիկոսը՝ Ռուսական Սր. Գրոց Ընկերութեան գործը գնահատելու համար օրհնութեան գիր մը զրկած է անոր : Անոր յաջորդք՝ Ներսէս Կաթողիկոսն ալ նոյն Ընկերութեան գործը ամէն գովեստի արժանի գտնելով 600 բուրդի նուէր մը ըրած անոր :

(Եփրեմ Կաթողի եւ թէ անոր յաջորդին օրհնութեան գիրը եւ նուէրը արձանագրուած են Ռուսական Սր. Գրոց Ընկերութեան տեղեկագրին մէջ :)

Այս առթիւ կ. Պոլսոյ Պատրիարք Ներսէս Արքեպիսկոպոս Վարժապետեան եւս գնահատած է վերոյիշեալ Ընկերութեանց Հայոց մատուցած ծառայութիւնները, ի մասնաւորի Հայերէն Աստուածառունչի աշխարհաբառ լեռներին թարգմանութեանց համար : Ներսէս Արքեպիսկոպոս մասնաւոր բանակցութիւն մ'եւս կը կատարէ Աստուածառունչի Ընկերութեան հետ՝ ինդըլով որ Հայաստանեայց Եկեղեցւոյ Աստուածառունչը՝ նոյնութեամբ Հրատարակուի Ընկերութեան կողմէն եւ աժանագին ծախուի ժողովուրդին : Մէծ Պատրիարքին կողմէ եղած այս խնդրանքը սիրով կ'ընդունուի եւ Աստուածառունչը կը տպագրուի Երբայցերէն եւ Յունարէն բնագրերէն — տարբերութիւնները եւ պէսպիսութիւնները լուսանցքին մէջ գետեղելով : Սակայն Ներսէս Պատրիարքի տարածամ մահը գրեկց այդ տպագրութիւնը անոր օրհնութեան կնիք ընդունել :

Մնդրադառնալով Աստուածառունչի աշխարհաբառ լեզուին՝ կրնանք անվարան ըսել որ Սր. Գրոց աշխարհաբառ լեզուն այնչափ պարզ է ազատ քերականական խրժնարանութիւններէ որ ամէն տարիքի, ամէն դասու եւ մտքի անհատներ հասկնալի լեզունվ իրենց պիտոննի եւ հոգեւոր սնունդը կը բարձանան անկէ : Այդ գրքերու Գիրքն է որ կոչուած է «Ծերոց գաւաղան, մանկանց առաջնորդ» :

Աստուածառունչի աշխարհաբառ լեզուն հարկաւ չունի դրաբառի հեղինակաւորութիւնը, բայց բերած է մեղի դարու մը ընթացքին կրօնական գրականութեան օրինակելի ձեւ մը : Ներկայ ժամանակի աշխարհաբառ լեզուի եւ գրականութեան վարպետներէն ոմանք անգոնացուցիչ կը գտնեն Ս. Գրոց աշխարհաբառ լեզուն եւ անոր վերաթարգմանութիւն կը յանձնարարեն : Սակայն եթէ նա իր իբր Հարիւր տարուայ ժամանակաշրջանին իրը դիւրահաղորդ եւ դիւրամատչելի Մատեանը յաջողած է ինքինքը հասկնալի ընել Հասարակութեան, մասնաւորապէս Հայ Աւետարանական Համայնքին, տարակոյք չկայ որ անոր այնչափ ընտանի եւ դիւրահատկնակի աշխարհաբառը կրնայ տակաւին երկար ժամանակ իր թագուն գանձերով Հարստացնել կարօտ հոգիներ եւ իր կենդանի ու Հեղասահ ջրով դուհացնել Հողեկան ծարաւը կարօտ մարդկութեան : Սուրբ Գրոց աշխարհաբառ լեզուի քննադատները նկատի առնելու են սա պարագան, թէ թարգմանիշները ունեցան իրենց դժուարութիւնները ժողովրդական գաւառաբարբառներու եւ թրքերէն բառերու գործածութեան պատճառու :

Տր. Կիւրոս Համլին, Պէպէք Ճեմարանի եւ ա-

պա Իոսիբը Գօլէնի հիմնադիրը, իր ինքնակեն-
սագրականին մէջ կը պատմէ թէ որչափ դժուարու-
թիւններու կը հանդիպէր Հայերէն լեզուն առվելու
մէջ՝ անոր համար որ ժողովուրդի դործածած լե-
զուն թուրքերէն բառերով խառն էին :

Աստուածաշունչի աշխարհաբառ լեզուն բարե-
փոխելու եւ արդիական ընելու համար, ասկէ իրը
յիսուն տարի առաջ Մատթէոս Գալագաշեանի կող-
մէն փորձ մը եղաւ Սր. Գրոց լեզուն խառնել գրա-
բառ բառերով։ «Բարեփոխ»սւթեան այն նոր լե-
զուն ժողովուրդի կողմէն ընդունելութիւն չգտաւ
եւ ամէնուն ծանօթ ու դիւրահասկնալի աշխարհա-
բառը մնաց անփոփախ։

Գրաբառ Աստուածաշունչը՝ արժանի իրեն ըն-
ծայուած «Թագուիի Թարգմանութեանց» տիտղո-
սին, ամէն Հայու հիացումին եւ գուրգուրանքին
պէտք է առարկայ ըլլայ։ Անիկայ հին թէ նոր Հայ
գրականութեան թանկարդէք գանձն է եւ պէտք է
որ պահուի եւ ի պահանջել հարկին դործածուի իր-
բեւ նմոյշ մեր երջանկայիշտակ նախնիքներէն կը-
տակուած։ Ինքնայայա իրողութիւն է սակայն որ
աշխարհաբառ Աստուածաշունչը իր իրը դարս մը
ժամանակաշրջանին Հայ ժողովուրդին ընդհանրա-
պէս եւ Հայ Աւետարանականաց մասնաւորապէս
հոգեւոր օրհնութիւններու անսպառ աղբիւր եղած
է։ Աշխարհաբառ Աստուածաշունչը ոչ միայն Աւե-
տարանական Եկեղեցիներու եւ ընտանեկան յարկե-
րու մէջ իր դիւրահալորդ պատգամով հոգեկան
կեանք եւ սնունդ մատակարարած է՝ այլ հայրենի-
քի բոլոր Աւետարանական անուն կրող դպրոցներու
մէջ դործածուած է իրը կրօնառույց Գիրք զպրո-

ցական դասընթացքներու մէջ։

Աշխարհաբառ Աստուածաշունչը բովանդակ
Հայութեան հասկնալի եւ դիւրահաղորդ ընծայելու
ար օտար եւ բնիկ Աստուածաբաններ – գիտնա-
կաններ խիստ գնահատելի ջանքերով Սր. Գիրքը
մէր ծանօթ աշխարհաբառէն զատ՝ թարգմանած եւ
յարմարցուցած են գաւառաբարբառներու։

Յիշենք իրբեւ նմոյշ Յովհ. Գ. 16 Հայերէն մա-
քուր աշխարհաբառի ձեւը. — «Ինչու որ Աստուած
այնչափ սիրեց աշխարհը, մինչեւ իր միածին Արդին
տուաւ, որպէսպի ամէն ով որ Անոր հաւատայ՝ չը
կորսուի, հապա յաւիտենական կեանք ունենայ։»

Ուռաւական եւ Պարսկական շրջաններուն մէջ
ապրող Հայոց համար Սր. Գիրքը Արեւելեան կամ
Արաբատեան բարբառով թարգմանուած է — ինչ-
պէս յիշեցինք — այդ թարգմանութեան իրբեւ օ-
րինակ յիշենք նորէն Յովհ. Գ. 16 — «Արովհւետեւ
Աստուած այնպէս սիրեց աշխարհը որ իր միածին
Արդին տուաւ, որ ամէն նորան հաւատացողը չկոր-
չի, այլ յաւիտենական կեանքն ունենայ։»

Մէր Տաճկախօս Հայ աղքայնոց համար յիշեալ
թարգմանիչները խիստ գնահատելի ծառայութիւն
մատուցին Կիլիկիոյ Թրքախօս Աւետ. Հայոց հա-
մար մասնաւորապէս Հայատառ Թուրքերէն Աստո-
ւածաշունչը տարածելով Թրքախօս հասարակու-
թեանը մէջ։ Յովհ. Գ. 16 Թրքերէնով. — «Զիրա
Ալլահ տիւնեայր պու զատար սէվտի քի Քէնտի իպ-
նի վահիտինի վէրտի, թաքի անա հէր իման էտէն
հէլաք օլմայրպ, անձագ հայաթը էպէտիյէլ մա-
լիք օլա։»

Հայոնի իրողութիւն է որ Աւետարանական

շարժումը եւ Աստուածաշունչի աշխարհաբառ լեզուն չըսահմանափակուեցաւ միայն Հայախօս կամ Թրքախօս Հայոց մէջ, այլ անոր օրհնալի բարիքնեւրու չուտով հասան ու ատարածուեցան Քրիստոս եւ Արքախօս Հայոց մէջ ալ: Քիւրտերէն լեզուով Ս. Կրական ինչ ինչ մասերու առաջին թարգմանութիւնը կատարած են Պատուելիք՝ Մարտիրոս եւ Ստեփան Շմաւոնեան Եղբայրները: Ասոնք չորս Աւետարաններ տպագրել տուած են Քրիստոս Հայերուն համար եւ նորէն տպագրած են նոյն Սր. Գրոց մասերը Աստուածաշունչի Ընկերութեան ծախտով: Քիւրտերէնի այս առաջին թարգմանութիւնը վերստին թարգմանուած է Պետրոս Ամիրիսանեանի—Հայութ Վեր. Ամիրիսանեանի—եւ Տէր Ղազարոսեանի միացեալ ջանքերով իրբ 1887-ին Տր—Անտրիսի գործակցութեամբ եւ Հէնրի Ռիկղի հակողութեամբ:

Յովհաննու Գ. 16 Քիւրտերէն լեզուով կը կարդացուի՝ «Չըմա քօ Խօսէ ուսա հըզ ժըտընեայէ զըր քօ գուռէ խօի եազանատս, քօ հաչիքի վէ պառար պըզա ուրնանապա լը մալըքէ ամբէ ապատիպա»: Ի՞նչ մէծ հաճոյք է ամէն ցեղի ու լեզուի աղդի ու ժողովուրդի համար կարդալ իրենց մայրէնի բարբառով Սր. Գիրքը:

Գիտնալով որ Սր. Գիրքը թարգմանուած է առաւել քան 900 լեզուներու եւ գաւառաբարեառներու՝ ինքնին երաշխիք մըն է Աստուածաշունչի տարածումին ի սփիւռ աշխարհի: Անցեալ տառը տարիներու բնթացքին 95 միլիօն Սր. Գրոց օրինակներ՝ ամբողջապէս եւ կամ մասերով հրատարկուած եւ ցրուած են: Հոս յարմար առիթը կը ներկայանայ յիշել Անդլիերէն Աստուածաշունչի թարգմա-

նութեան մէկ պարագան՝ 1536ին, 400 տարի առաջ: Կը յիշուի որ Թինաալ որ առաջինն էր Սր. Գիրքը թարգմանովը ժողովուրդի գործածական լեզուի, ըստ մեզ աշխարհաբառի, իր այդ հիմնալի ծառայութեան իր վարձատրութիւն բանտարկուեցաւ 18 ամին, ապա չարչար տանջանքներով խեղդեցին եւ մարմինն ալ այրեցին: Սակայն Աւետարանով լուսաւորուած հաւատացեալները ալ աւելի փարեցան Սր. Գրքին, եւ Լատիններէ հասկնալի Անդլերէնի թարգմանելով տարածեցին ժողովուրդի մէջ:

Թէ ի՞նչպէս Անդլիախօս ժողովուրդը սիրով եւ հետաքրքրութեամբ ողջունեց Սր. Գրոց թարգմանութիւնները —Revised Version— մէկէ աւելի անդամները: Մէկ օրինակ —«King James Version» կոչուած թարգմանութեանը — King James — Յակոբոս թագաւոր — այս նպատակի իրագործման համար, մէկ աել կը հաւաքէ 47 զպրոցական աստուածարաններ — Մաքրակրօններէ, բարձրաստիճան կղերներէ եւ այնպիսիններէ որ վարդապետական ո եւ է կրուսակցութեան չին պատկաները: Անոնցմէ ոմանք մասնաւոր տաղանդ ունէին Եղբայրեկնի, Յունարէնի, ոմանք Իտալիիրէնի, Գերմաններէնի, Ֆըրանսներէնի եւ Սպաններէնի: Ա. ս ո ն ք չ ո ր ս տարուայ յարատեւ աշխատութենէ վերջ, տուին աշխարհին այն դասական, անազարտ եւ մաքուլ Անդլերէնը՝ «King James Version» կոչուած թարգմանութիւնը:

Առանց Անդլերէն Սր. Գրքի յաջորդական ուրիշ թարգմանութիւններն յիշելու բաւականանանք Նոր Կոտակարանի վերաբննեալ «Revised Version» կոչուած թարգմանութեամբ:

Սուրբ Գրոց ազդեցութեան եւ տարած կառաւոր յաղթանակին իբրեւ նմոյշ հետեւեալ պարագան յիշուելու արժանի է :

Հեռագրական պատմութեան մէջ ամենաերկար հեռագիրը որ երբեք խրկուած է հեռագրաթելի միջոցաւ՝ է Նոր Կտակարանի «Revised Version» ը որ Նիւ Եօրքէն Շիքակօ հեռագրուեցաւ Մայիս 20, 1881-ին։ Նոյն օր Նոր Կտակարանէն 180,000 բաներ հաղորդուեցան հեռագրով Շիքակօ Թրիպիւնին եւ Թայմզին։ Յաջորդ առաւօտ զոյտ թերթերն տպագրեցին Զորս Աւետարաններ և Գործք Առաքելուց, մինչդեռ թայմզ զոռվմայեցւոց թուղթն աւ տպագրեց։ Իսկ յաջորդ օր տպագրեցին Նոր Կտակարանի մնացած մասերը, որք թղթատարով հասան։ Նոյն օր Նոր Կտակարանի Revised Versionը հարապարակ դրուեցաւ ծախուելու համար Նիւ Եօրքի եւ Լօնտոնի մէջ։ Միայն Նիւ Եօրքի մէջ 24 ժամու միջոցին ծախուեցան 33000 օրինակներ Նոր Կրտտակարանէն։ Երկու միլիոն օրինակներ ծախուեցան Օքսֆորտի եւ Քէյմպրիձի մէջ տպագրութիւնը աւարտելէն առաջ։ Միացեալ Նահանգաց մէջ 1881 Մայիս 20 էն մինչեւ նոյն տարուոյ վերջը երեսուն հսկայ տպագրատուններ աշխատելով միլիոնաբ օրինակներ հրատարակուեցան եւ ծախուեցան։ Տպագրական բովանդակ պատմութեան մէջ այսպիսի յաղթանակ երբեք չէ պատահած։

Ակեպտիկներ ինչ աչքով կուղեն թող նային Աստուծոյ Խօսքին տարած յաղթանակին վրայ։ Ասկայն անիկայ կը շարունակէ իր օրհնութիւնները բոլոր անոնց որք իրենց մայրենի քաղցր բարբառով եւ դիւրահասկնալի լեզուով կը կարդան զայն։

Արդեօք նիւթէն շեղած կ'ըլլա՞մ եթէ աշխարհահուչակ Անգղիացի Քրիստոնեայ գրագէտ Զարլս Տիքընդի կեանքէն առնուած օրինակը յիշեմ, թէ ի՞նչպէս Տիքընդի իր անչափահաս զաւակներուն համար եւ դիւրահասկնալի լեզուով զրեց իր «The Life of Our Lord» Աւետարաններու պատմութիւնը 1849-ին։ Զարլս Տիքընդ մեծ փափաք ունէր որ իր զաւակները պարզ լեզուով լսեն ու կարդան Ցիսուսի կեանքի պատմութիւնը։ Կը պատմուի թէ երբ իր Ալֆրէտ որդին Աւստրալիայ գնաց հոգագործական հավատակով՝ հայրը զրեց իրեն այսպէս, թէ Գրքերուող մէջ Նոր Կտակարան մը զրի այն նոյն պատճառով եւ նոյն յոյսով որ մղեց զիօ զրել անոր ոլարզ պատմութիւնը երբ գու տակաւին մանուկ է-իր, եւ անոր համար օր անիկայ ամենալաւ զիրքն է որ երբէք եղած է եւ կամ պիտի ըլլայ գիտցուած աշխարհի մէջ։

Զարլս Տիքընդ զրեց Աւետարանի պատմութիւնը եւ գործածեց զայն իր զաւակներուն համար աւելի պարզ լեզուով մը զիւրահասկնալի ամենէն փոքրիկին իսկ։ Տիքընդ իր կենդանութեան ատեն կտակած էր որ իր գրած այդ The Life of Our Lord ըստպագրուի եւ ըբհատարակուի միշեւ իր վերջին որդւոյն մաշը։ Վաթուոնուչորս տարիներ անցան այդ պատմութեան վրայէն, եւ միայն քանի մը անձինք տեղեակ էին այս կտակէն։ Կը յիշենք որ 1933-ի Ծննդեան ժամանակ Տիքընդի վերջին որդին Սըր Հէնրի Տիքընդ մեռաւ ինքնաշարժի արկածով մը։ Այն ատեն եւ ըստ իր բաղանքին իր գրածը հրատարակուեցաւ։ Կը յիշէք, թէ ինչպէս այս երկրի կարեւոր թերթեր մեծամեծ զումարներ վճարեցին

եւ օրը օրին ու պատկառանքով հրատարակեցին «Թիգլ Լայփ ալ Ասւր Լօրտ» -ը : Արդեօք ասիկայ ալ ուրիշ յաղթանակ մը չէ՞ Սուրբ Գրոց մեր օրերու սկեպտիկ կոչուած ժողովուրդներու վրայ :

Ամփոփելով խօսքերնիս եւ անդրագառնալով Աստուածաշունչի աշխարհաբառ թարգմանութեան մեր ցեղին մատուցած բազմատիփսի օրհնութիւններուն, մենք, մասնաւրապէս Հայ Աւետարանականներս, երախտագիտութիւն կը պարտինք այն ականաւոր եւ բարեսիրա անհատներու, Հայ թէ օտար, եւ Աստուածաշունչի Ընկերութիւններու որք դիւրացուցին Սր. Գրոց տարածումը բովանդակ Հայութեան մէջ իրը դարու մը ժամանակաշրջանի միջցին :

Աշխարհաբառ Աստուածաշունչը ան թիւ բարիքներու եւ հոգեւոր օրհնութիւններու ակնաղբիւր եղած է : Անիկայ է այն միակ եւ զրգերու Գիրքը որ յեղաշրջած է անհատին՝ ինչպէս նաև ընկերութեան կեանքը : Սր. Գիրքը եղած է եւ է հարազատ դաստիարակը Աստուածամարդուն, որ նա ըլլայ կատարեալ ամէն բարի գործքերու պատրաստուած : Աշխարհաբառ Աստուածաշունչը իր արժանի տեղը զրաւեց Հայ տանը անխոտիր, մասնաւրապէս Հայ Աւետարանական տուններու մէջ կատարելով առաջնորդի եւ զտազանի գեր թէ ժամանց եւ թէ ծերոց : Աշխարհաբառ Սր. Գիրքը Հայ Աւետարանական Եկեղեցւոյ մէջ՝ ինչպէս նաև Եկեղեցւոյ մէջ դաստիարակի գեր կը կատարէ իր հեղասահ եւ դիւրահասկնալի լեզուով :


Վերջապէս ճշմարտութիւն ըստ կ'ըլլանք եթէ

յիշենք թէ աշխարհաբառ Աստուածաշունչը չըսահ-մանափակուեցաւ Հայ Աւետարանական համայնքի բաղդատաբար նեղ ըրջանակին մէջ, այլ անիկայ տարածուեցաւ եւ հետաքրքրութեամբ կը կարգաց-ուի Հայ Լուսաւորչական, այս Հայ Կաթոլիկ Հա-սարակութեան մէջն ալ՝ մատուկարարելով անոնց ալ ոտքերուն ճրագ եւ շաւիղներուն լոյս : Սուրբ Յովհան Ուկերեկան չորրորդ գարու հոչչակեալ քա-րողիչը կ'աղաղակէր եւ կը թնդացնէր Այս Սօֆիայ տաճարին դմբեթը - «Համայն Քրիստոնեայք պար-տին դիմել Սուրբ Գրոց, քանզի այս ժամանակիո մէջ Եկեղեցիները մոլորութիւններով ապականուած ըլլալուն համար Աստուածային Մատեանը միայն կրնայ դոհացում տալ ճշմարտութենէ հեռացած եւ մոլար գաղափարներով ապականած մեր ներկայ ժողովուրդին »:

Արդ։ այս առթիւ մինչ կը յիշատակենք Աստու-ածաշունչի աշխարհաբառ թարգմանութեան հա-րիւրաժեակը, մենք, իբրեւ Աւետարանական Հա-մայնք եւ իբրեւ Աւետարան քարտող պաշտօնեա-ներ առաջին տեղը տանք Սր. Գիրքին մեր Եկեղեցւ-ներուն մէջ, մեր տուններուն մէջ, մեր գրադարան-ներուն մէջ, այս եւ մեր սրտերուն մէջ իբրեւ կորիդ ու միջուկը մեր քարոզած Պատգամին : Պեղենք ու գործո բերենք այն անդին զանձերը որք մթերուած են Աստուածաշունչ Գրոց խորութեանցը մէջ :

«Գիրքերը քննեցէք, ինչու որ դուք անոնցմով կը սեպէք յաւիտենական կեանք ունենալ, եւ բուն անոնք են որ ինծի համար կը վկայեն» Յովհ. Ե.39: ԱՐՓԻԱՐ ՎԱՐԴԱՆԵԱՆ

Եղեմ, Քալիփորնիայ



ԱՍՏՈՒԱԾԱՇՈՒԽԵ
ԳՐԱԲԱՐ
ԹԱՐԳՄԱՆՈՒԹԻՒՆԸ

Չորրորդ եւ հինգերորդ դարերը Հայ աղջին վերածնութեան, կրօնական եւ մշակութային վերածնունդի գարաշրջանը կը կազմեն։ Չորրորդ դարուն զրեթէ սկիզբը, 301 թուականին Սր. Գրիգոր Լուսաւորիչի քարոզութեամբ եւ Տրդատ թագաւորի դարձով Հայ աղջը միանդամբնդիշտ Քրիստոնէութիւնը ընդունեց իբրև ազգային կրօնք, եւ թագէոսի եւ Բարթուլիմէոսի ցանած սերմերը մարտիրոսներու թափած արխինով ոսոզուելով աճեցան եւ պտղաբերութեան հասան Հայոց ազգովին Քրիստոնէացումիր։ Այս դէպքով Հայը ունեցաւ իր առանձին Եկեղեցին եւ անկախ նուիրապետութիւնը, որ մասամբ մը հակակշռեց դրացի Քրիստոնէայ եւ ոչ Քրիստոնէայ ազգերու եւ ժողովուրդներու, Յունաց, Ասորւց եւ Պարսից հոգեւոր գերիշխանութիւնը։ Հայ աղջի Քրիստոնէացումը բացարձակ անջատում մը եւ հեռացում մըն էր Պար-

սից ձուլիչ եւ իւրացուցիչ ծրագրէն։

Չորրորդ դարուն վերջին քառորդէն եւ հինգերորդ դարուն սկիզբները Հայուն քաղաքական զօրութիւնը իբրև արեգակ մայրը կը մտնէր երբ անոր իմացական հորիզոնին վրայ երկու լուսաշող ասողեր երեւցան։ Սր. Սահակ Պարթեւ եւ Սր. Մեսրոպ Մաշթոց էին այդ պայծառ եւ լուսարձակ ասողերը որ հինգերորդ դարը պայծառացուցին իրենց անչիջանելի լոյսով։

Սր. Սահակ Սր. Գրիգոր Լուսաւորիչի զարմէն եւ արժանաւոր յաջորդներէն մին էր որուն համար պատմութիւնը արձանագրած է Մատյ Լուսաւորիչ։

«Սր. Գրիգոր Լուսաւորիչի տալով Հոգւոց Լուսաւորիչի եւ Ներսէսի տալով Սրտից Լուսաւորիչի ախտղոսները»։* Ահաւասիկ երեքաստղեան բոյլ մը երեքն ալ Պարթեւական ազնիւ տոհմէն։

Սահակ Պարթեւ որդին էր Ներսէս Պարթեւի, ծնած ի Կեսարիա 348 Սեպտ. 29-ին, մայրն էր՝ Սանդուխտ, դուստր Վարդան Մամիկոնեանի մը։ Սահակ որբացաւ երեք տարեկան հասակին մէջ իր Սանդուխտ մօր մահուամբ, բարեկաղզաբար Վարդան Մամիկոնեան Կեսարիա կը գտնուէր իր դըստեք մահուան ատեն։ եւ վշտացեալ հայրը յանձն առաւ իր դստեք մարմինը Հայաստանի Եկեղեց Թիլ աւանի Պարթեւեան տոհմին գերեզմանը փոխագրել եւ որբացեալ Սահակին տալ Մամիկոնեան մաքուր եւ ազգասիրական մթնոլորտին մէջ խնամք եւ տոհմային զաստիարակութիւն, մինչ անոր այրիացեալ հայրը Ներսէս նախ Կեսարիոյ եւ հապա-

*Ազգապատում Մաղաքիա Արքեպ. Օրմանեանի։

Բիւզանդիոնի հռչակաւոր բարձրագոյն ուսումնաւրաններուն մէջ կը հետապնդէր իր ուսումը եւ կը պատրաստէր ինքզինքը այն մեծ դիրքին որուն կանչէց Աստուած զինքը Հայուն Սրտից Լուսաւորիչը ըլլալու։

Աստուած իր խորախորհուրդ կերպով կը պատրաստէր նաեւ ուրիշ անձնաւորութիւն մը, Տարոնի Հացեկաց գիւղին մէջ ուրիշ Վարդան Մամիկոնեանի մը որդին Մեսրոպ Մաշթոցը որ աշխատակիցը պիտի ըլլար Սահակ Պարթևեւի, որոնք պիտի ոսկեատա գրէին իրենց անունները Հայ տարեգրութեան մէջ։ Դժուար չէ եղբակացնել թէ այս երկու պատրանիները Մամիկոնեան գերդաստանի երկու տարբեր տուններու մէջ սնանելու պահուն կազմեցին այն մտերմական ծանօթութիւնը որ հասունցաւ իրենց չափահատութեան տարիներուն մէջ անձնուէր բարեկամութեան մը եւ աշխատակցութեան մը որուն չնորհիւ նոր գարաշընան մը բացուեցաւ ազգին համար։ Սահակ եւ Մեսրոպ երկուքն ալ ձեռք բերած էին իրենց յունագիտութեան բարձրագոյն աստիճանները, նախ Ներսէս Մեծին ձեռաց ներքեւ եւ չափա Սահակ ի Կեսարիա եւ յետոյ ի Բիւզանդիան, իսկ Մեսրոպ Վոամշապուհ Հայոց թագաւորին արքունիքին մէջ քարտուղարական պաշտօնին մէջ։

Հայ ազգին կեանքին այն բազգորոշ տարիներուն մէջ 400-421, քանի եւ մէկ տարիներու թագաւորութեան մը ատեն Հայոց վրայ կ'իշխէր Վոամշապուհ իր երիցագոյն եղբօր Խոսրովի Անյուշ բերզին մէջ բանտարգելութեան ժամանակ։ Վոամշապուհ խաղաղ եւ արգար կերպով եւ իմաստութեամբ կը կառավարէր երկիրը եւ իմաստուն ու խոհեմ քա-

ղաքականութեամբ մը երկու հակամարտ Կայսրութիւններու մէջ կը հետեւէր ապահով ընթացքի մը, եւ Հայոց Կաթողիկոս Սահակի եւ իր նախկին քարտուղար բայց ի վերջոյ եկեղեցական Մաշթոցի հետ կը մշակէր փոխազարձ վստահութեան եւ բարեկամութեան յարաբերութիւն մը, որ պիտի գիւրացնէր Սահակի ու Մեսրոպի ձեռնարկելիք մէծ գործին յաջողութիւնը։ Վոամշապուհ թագաւորը, Սահակ Կաթողիկոսը, եւ Մեսրոպ տեսիլքի մարդը երբեակութիւն մը կազմեցին իրենց համերաշխ գործակցութեամբ եւ Հայ ազգին արժէքն ու արժանիքը յաւերգուցին։ Սահակ ու Մեսրոպ առաջադրողներն էին, եւ Վոամշապուհ ազգին յաւերգական երախտագիտութեան հաւասարագէս արժանի թագաւորը այն անգին ժամանելութեանը համար որ մեզի հասած է հինգերորդ դարէն։

* * *

ՏԱՌԵՐՈՒԻ ԳԻՒԽԸ

Սր. Գրոց թարգմանութեան վրայ խօսելէ առաջ յիշելու ենք անոր նախաշաւիզը եղող Հայկական առաերու գիւտը կամ ստեղծումը։

Մեսրոպ Մաշթոց զինուորական կեանքէ եւ արքունիքի քարտուղարութենէ Հրաժարած երբ եկեղեցականի մը կարզը ընդունեցաւ աւետարանչական առաքելութեամբ տեղէ տեղ կը շրջէր եւ իր քարոզութեան ընթացքին կը տեսնէր ժողովուրգին հոգեւոր քաղցը ու ծարաւը։ Կը տեսնէր վերծանիչներու, այսինքն յունարէն կամ ասորերէն ժամերգու-

թիւներն ու Սր. Գիրք ընթերցողներուն անդոհասցուցիչ ծառայութիւնները, եւ թարգմանիչներու յաճախ ցուցուցած խակութիւններն ու թերութիւնները: Ժողովուրդը քաջառու յիշողութեամբ կարող էր Տէրունական պաշտամունքներու մասնակցիլ եւ Լուսաւորիչէն եւ անմիջական յաջորդներէն ու աշակերտներէն թարգմանուած հատակոտորներ, Հաւատամքի պէս, Սաղմոսներէն ոմանց պէս, Հայրմերի պէս, Փառք ի Բարձունսի պէս, Հատուածներ կրկնել: Եւ Օրմանեան արդարացի կերպով կ'ըսէ թէ «Պաշտամունքի եւ աղօթքի համար հնար չէր ժողովուրդը օտար լեզուի բանադատել զոր բնաւ չէր ճանչնար, եւ հնար չէր չիմացած լողուով իր կրօնական զգացումները գոհացնել:» Ժողովուրդին այս հոգեւոր պէտքին գիտակցութիւնը զՄեսրոպ կը մզէր Հայկական տառերու ստիպուզականութեան ճանաչման: Ուստի երբ իր աւետարանչական ըթագայութենէն կամ արշաւանքէն կը վերադասնար Վոամշապուհի ու Սահակ Կաթողիկոսի քով անոնց կը յայտնէր Հայկական տառերու համար իր զգացած մարմազը: Ի՞նչու Յոյնը իր առանձին տառերը, Ասորին իրը, եւ Պարսիկը իրը, թէեւ այս վերջինը փոխառեալ՝ ունենալու էին եւ ոչ Հայը: Մեսրոպի այս բաղձանքը արձագանք գոտաւ աղդին երկու մեծերուն, թագաւորին եւ Կաթողիկոսին սրտերուն մէջ, եւ տուին իրենց յօժարութիւնն ու աջակցութիւնը: Ի՞նչ անձկալից օրերու եւ տաժանելի աշխատաւթեան ըթան մը կը բացուէր իր առջեւ իր առաջադրեալ նպատակը դորձելու համար: Ոչ մէկ ուկեխոյզ արկածախընդունիր, ըսևնք բաղդախնդիր, այնչափ եռանդով ձեռակիր, ըսևնք բաղդախնդիր, այնչափ եռանդով

նարկած է իր գործին՝ որչափ Մեսրոպ գրի գիւտի աշխատանքին. վասն զի ան քաջ գիտէր թէ իր չանքերու արդիւնքը պիտի ըլլար անդին հարստութեան, իմացական եւ հոգեկան հարստութեան ճոխ դանձարան ճը բանալ իր ժամանակակից եւ ապագայ Հայութեան առջեւ: Այդ գիւտը իրօք լուսոյ ջահ մը պիտի ըլլար աղդին համար: Աւանդութիւններ կային, թէ Հայը ունէր իր տառերը: Փիլոսթրատոս ըսած է Հայերը ունէին իրենց տառերը երկրորդ դարուն մէջ, բայց անոնց հետքը բոլորովին կորսուած էր: Մեսրոպի ժամանակակից զրոյցներ կային, թէ Ասորիքի Դանիէլ եպիսկոպոսին քով կար Հայկական արփապէթ մը: Այս զրոյցը մինչեւ իսկ Վոամշապուհի համած էր իր ուղեւորութեան ժամանակ: Թագաւորը Վահրմէ անունով պատուիրակ մը զրկեց դէպի Ասորիք առ Դանիէլ եպիսկոպոս: Բայց հետազոտութիւնները ցուցուցին թէ Դանիէլ եպիսկոպոսին եւ Հարէլ քահանային քով գտնուած եւ Հայկական համարաւուած նշանագրերը Ասորական չափաւորեալ եւ մասամբ ձեւափոխեալ տառեր էին: Ասորականին 22 տառերը, զուրկ ձայնաւորներէ, եւ Յունականին 23 տառերը կարող չէին Հայկական բառերու հընչումներուն զահացում տալ: Կը զարմանանք Մեսրոպի Հանձարին վլայ, որ իրեն թոյլ չէր տար գոհանալ օտար եւ մուրացածոյ տառերով, բայց անվհատ ու անվեհէր՝ անձամբ ձամբորդեց դէպի Միջադէտք եւ ձեռք բերած նշանագրերուն անաշառ մորձարկութեամբ օտարածին տառերուն անդոհասցուցչութիւնը եւ անբաւարարութիւնը գտաւ, սակայն Առասահատելով բաղդադրեց Ասորական եւ

Յունական Ալիսապէթները եւ թերեւս անոնց վրայ առելցուց Հայերէն բառերու մէջ առանձնայատուկ ծայներուն համապատասխանող տառերը եւ Հռովանոս Յոյն գեղագիրի մը աջակցութեամբ կազմեց Հայկական Ալյր ու Բենի ձեւն ու կարգը։ Զարմանալի չէ, որ աւանդութիւնը աստուածային հրաշալի միջամտութիւն վերագրած է Հայկական նշանագրերու ծագումին. եւ Մովսէս Խորենացի կ'աւանդէթէ Մեսրոպի պատասխանի իր աղօթքին ոչ քունի մէջ երազով, եւ արթնութեան տեսիլքով, այլ ուրտին մէջ հոգիի աչքով. կը տեսնէ աջ ձեռք մը որ կը գրէ Հայերէն ձայնաւոր գրերը ա. ե. է. ը. ի. ո. ւ. որով կը հաստատուի նաև Յունական Ալիսապէթի նմանողութիւնը, Ասորականէն զանազանումը։

* * *

Աստուածաշունչ Մատեանին թարգմանութիւնը կը լլայ Հայկական տառերու գիտին անդրանիկ գործը, որ կըսկսի անմիջապէս եւ կ'աւարտի 434, ըստ ոմանց 436 թուականին որ իբր երկու տարի առաջ ազգը տօնեց 1500 րդ տարին։

Ինչպէս Գրիգոր Լուսաւորիչի վերագրուած դպրոցներու բացումը Քրիստոնէական կրօնքի տարածումին համար էր, բայց օտար լեզուներու գրժուարին միջոցներով, նոյնպէս ալ Աստուածաշունչ Մատեանի թարգմանութեան նախնական նպաստակը կրօնական էր. այսինքն Հայուն տալ կրօնական գրականութեան՝ մայր Մատեանէն, Աստուածաշունչ Գրքէն հոգեւոր սնունդի կաթը ուղղակի ճոխացնելով եկեղեցական պաշտամունքը Հայկական բարբա-

ռով։ Անշուշտ այս իրենց վիթխարի ձեռնարկին համազօր նպատակն էր՝ Հայ ժողովութքը կերտել միաձոյլ ազգ մը, լրացնելով Քրիստոնէութեան նոյնանպատակ, միաւորիչ գործը։ Ասոնք ճշմարիտ ազգասէրներ էին, որ մայրենի բարբառով կ'ուզէին ազգը անբաժան եւ միաւորեալ ընել։

Հայ տառերու գիտը եւ անոր երախայրիքը եղող Աստուածաշունչի թարգմանութիւնը Հայուն տարեգրութեան մէջ գարագուխ մը կազմեցին։ Սնոյնցնէ ծագում առաւ ազգային նոխ գրականութիւնը։ Ստեփաննոս Պալասանեան կոչում կ'ընէ Նէյման Գերմանացին։ «Եթէ Հայերը բոլոր փոթորիկներու մէջ, որ Ե գարէն վերջ դղբդեցին Ասիան ու Հայաստանը, կարող եղան իբրեւ անկախ Քրիստոնեայ ազգ մը մնալ, պատճառը գլխաւորապէս ազգային լեզուի տառերու գիտին տալու է, որով կարելի եղաւ սեփական գրականութիւն ունենալ եւ առանձին հոգեւոր կազմութիւն մը պահպանէլ»։

Նէյման Գերմանացին մին է այն բազմաթիւ եւրոպացի վկանսականներէն (*), որոնք ճանչցած են մէր Ասկեղպարու գրականութեան արժէքը, ոչ միայն Հայուն աղղային շահու տեսակէտէն, հապանաւ քաղաքակիրթ աշխարհի իմացական Հարստութեան իբրեւ մատակարարութիւն։

(*) Թիվոյա, 1633 Լիյլօք, Լա Քրօզ, Օսկան, Վեղըֆրօյ, Ճրէրէ (թ.), Սէն Մարքէն (ծննդեամբ Հայ,), Տիւլտիէր Լանկլուա, Պօրէ, Փրիւտհօմ, Նէվէ Մ. կմին, Պատկանեան, Պրուէր (Ռուսիա), Ալինտիւման, Մարլը, Սփրիկէլ, Ժուսրի, Նիւման եւ Փէրըրման (Գերմանիա)։

* * *

ԳՐԱԲԱՐ ԼԵԶՈՒՆ

Լեզուն, որով թարգմանեցին Հին ու Նոր Կտակարանները, անաղարտ մեր ձեռքը հասած է եւ Հայոց Ասկեղարու անդրանիկ գործն է, Հայ ազգին փառքն ու պարծանքն եղող Ասկեմատեանը, մեր դասական գրականութեան գլուխ գործոցը, կատարելութեան տիպարը, եւ ըստ զնահատութեան Եւրոպացի Հայոցէտներու՝ «Դժխոյ թարգմանութիւններու»:

Ո՞ւր էր գրարարին ակն աղբիւրը, կամ ոսկեհանքը: Քաջ վստահ ըլլալու ենք թէ գրարարը արուեստական, շինծու լեզու մը չէ: Վօլափիւքի կամ իսկիբանթօյի նման, հապա ժողովրդեան բերանէն առնուած: Սահակի եւ Մեսրոպի ձեռնասուններէն Մովսէս Խորենացի պահպանած ու հաղորդած է ժողովրդական վիպասանութեան գեղեցիկն նմոյշներ, որոնք կը ցուցին, թէ Հայը ունէր մշակեալ եւ կանոնաւորեալ բարբառ մը: Այդ բարբառին նմոյշներէն են Գողթան երգերն: Յիշենք վահազնի երգը.

Երկնէր երկին եւ երկիր,
Երկնէր եւ ծիրանի ծով
Երկն ի ծովուն ունիր
Զկարմրիկ եղեգնիկն

Ընդ եղեգան փող ծուխ ելանէր
Ընդ եղեգան փող բոց ելանէր
Եւ ի բոցոյն պատանեկիկ վազեր:

Նա հուր հեր ունիր
Ապա թէ բոց ունիր մորուս
Եւ աչկունիքն էին արեգակուն:

* * *

ԱՐՏԱՇԵՍԻ ԵՐԳՆ

Հեծաւ արի արքայն Արտաշէս ի սեաւն գեղեցիկ,
Եւ հանեալ զավկէող շիկավիկ պարանն,
Եւ անցեալ որպէս զարծուի սըրաթեւ րնի գետն
Եւ ճըգեալ զավկէող պարանն՝

Շնկեց ի մէջք օրիորդին Ալանաց
Եւ շատ ցաւեցոյց բզմէջք օրիորդին Ալանաց
Եւ շատ ցաւեցոյց բզմէջք փափուկ օրիորդին
Արագ հասուցեալ ի բանակըն իւր:

Կայ նաեւ պատառիկ մը Հայոց սնապաշտական
Եւ նախաքրիստոնէական օրերէն մնացած, որ գըրաբար է եւ գեղջուկներու շրթունքներէն առնուած
ըստ եղնիկ Կողբացիի.

Կալ կալն ի կալ

Եւ ոչ առ, առ:

Գեղջուկներ կը հաւատան եղեր, որպէս թէ չար
ոգիներ հունձքի ժամանակ կալերու քով կըսպասեն
եղեր, եւ եթէ գեղջուկին բան մը տրուէր եւ «առ»
ըստէր չար ոգին անմիջապէս հունձքը կը գրաւէր,
բայց «կալ» բռնէ, ըսած ատեն չէր կրնար գրաւել
հունձքը:

Թէ քո Շարայի որկորն է՝
Մեր Շիրակայ ամբարք չեն:

Ասոնք ժողովուրդին հասկանալի հատուածներ

էին եւ կանխագոյն Հայկական գրականութեան Վիշպերգեր էին : Թերեւս այս հատուածներուն լեզուն արքունիքին եւ աւագանիներու գործածածն էր : Արաբատեան նահանդի բարբառը իշխած է միւս գաւառաբարբառներուն, եւ հիմը կազմած է գրական լեզուին : Մէջ կը բերեմ Հանդէս Ամսօրեայէն այս երկու պարբերութիւնները .

«Յայտնի է թէ սրպիսի եւ իցէ լեզու եւ առանձինն մեր գրաբարին պէս հարուստ . կանոնաւոր եւ ամէն կարհւորօք ճոխացեալ լեզու ի սակաւ ժամանակի յերեւան չելլեր : Աւելորդ է գարձեալ յիշատակելն անդամ թէ կանխագոյն է խօսք քան զգուաթիւն, այսինքն թէ գրաւոր լեզուն կ'ենթադրէ խօսեալ լեզու : Արդ գիտենք թէ Հայերէն նշանագրաց գիւտին անմիջապէս յաջորդեցին եւ այն կարճ միջոցի մէջ եւ համեմատարար ոչ այնչափ բազմաթիւ անձանց ձեռօք, բազմաթիւ մեծամեծ եւ սքանչելի մատեանք ի գարմանս եւ ի հիացումն չորեգտասան դարուց ժառանգաց :

«Ասոր բնական հետեւանքն է ըսել թէ նոյն մատենից լեզուն նորահնար չէր այլ ի հնուց եկած այն լեզուն որով կը վարուէին ժողովրդեան բարձրագոյն դասք, արքունիք, եկեղեցականք եւ ազատանին, այն լեզուն որով իրենց երգերն ու զրոյցները շարադրած էին անուանի երգահանք Գողթան գաւառի . այն լեզուն զոր թէեւ չէր գործածեր միջնաշխարհի բոլոր ժողովուրդը բայց կը հասկնար իր սովորական բարբառէն անշուշտ շատ տարբեր չըլլալով : Արդ մեր գրականութեան նախահարք զորս մէնք սովոր ենք թարգմանիչք կոչել՝ ձեռք զարկին այն խօսեալ լեզուն ի գիր առնուլ, գրաւոր ընել : »

(Հանդէս Ամսօրեայ, Յունվար, 1888) :

Տօքուր Յ. Թիրաքեան մեր ժամանակակից իւրանազէտ Պարսկագէտը տարբեր հայեցակէտով կը մերձանայ այս խնդրոյն : Ահաւասիկ անոր կարծիքը :

Այն ժամանակի (ակնարկելով թարգմանութեան շրջանին) ժողովրդական լեզուին վրայ որոշ եւ վճառական բան մը ըսել անկարելի է, մեր ծանօթեանց այժմու սահմանին մէջ, ենթագրութիւններ միայն կրնան ըլլալ եւ այս ենթագրութեանց ամենէն հաւանականը այն է որ զարերու երկար շարքին եւ ընթացքին մէջ, Խալդեան Ուրարտեան շըրջաններէն սկսած մինչեւ Ե զարը այլ եւ այլ յարաբերութեանց եւ շիմանց բերմամբ բարբառի մը զոյցած էր այն երկրի կամ երկիրներու բնակչութեանց մէջ, բարբառ որոյ հիմը, յատակը, կմախչը պէտք է ընդունիլ որ զուտ Պահլաւէրէնն ալ չըսեմ, այլ Երանական տարրը կը կազմէր : Մեր Պարսից հետ ունեցած պատմաքաղաքական, կրօնակցական եւ աշխարհագրական դիրքը եւ առնչութիւնը պարտադիր կ'ընեն այս համոզումը լեզուին բառացանիկը եւ կազմակերպութեան հանգամանքն ալ, եթէ ուշի ուշով քննուին, այս եղբակացութեան ի նպաստ կը վկայեն :

«Ամէն անոնք որ ժամանակ եւ համբերութիւն ունեցան այս ուսումնասիրութիւնը կատարելու միահամուռ կը վկայեն եւ փորձն իսկ արդեամբ կը հաստատէ թէ երբեք խօսուած չէ թարգմանութեան լեզուն : Համաձայնութիւնը այնքան շրջուն, ձեւաւոր, բարձր եւ հմտալից է որ անկարելի էր նոյն իսկ ուսեալ զատակարգին ժամանակ զտնել, ընթա-

յիկ խօսակցութեան մէջ, այն նրբութեանց ուշ դնեալու: Կը թողում ըսել բայից խնդրառութեան որոշ գոյները, տեսակները, դժմորոշ ըսուած մասնիկներուն բիւրազան ճարտար կիրառութիւնը, եւ այն, եւ այն: Այս ամէնը այնպիսի դժուարութիւններ կըստեղծեն որ ոչ թէ խօսելու՝ այլ թէ գորելու մէջ անդամ միտքը կըզգայ ամփոփուելու, պարուրուելու հարկը:

«Յայտնի է ուրեմն, թէ այսպիսի լեզու մը ժուղկվրդական չէր կրնար ըլլալ: Ժողովուրդը ինչ պէս առաջ նոյն եւ յետոյ ալ օտար մնաց նուրբական մատենից եւ գարձեալ բերանացի տուչութեամբ, լմա հասարակ խօսքի թարգմանուելով ու մեկնուելով էր որ բան մը հասկնար:

«Հանապաղարուխ հոսէին վտակք յաստացն մեկնութեանց որք զծածուկս մարգարէից բերելով ի յայտնութիւն՝ սեղանս ամենալիցս հոգեւոր խորոկօք դնէին առաջի ժողովրդեան»:

(Ղ. Փարպեցի 53):

Արդեօք կարելի չէ⁵ Փարպեցիին մեկնութիւն բարին իր նախնական իմաստը տալ եւ ըսել թէ Սբ. Գրոց ընթերցումին կը կցէին քահանաներ ու վարդապետներ իրենց հոգեւոր յորդորներն, եղրակացութիւնները եւ բացատրութիւնները եթէ մինչեւ իսկ գրաբար Աստուածաշանչի լեզուն ժողովուրդին բոլորովին անձանօթ չըլլար:

Անսովոր բան մը չէ մեղի եւ թէ այլ քարոզիչներու Սբ. Գրքի ընթերցման ատեն բառական եւ բանաձեւական յաւելումներ ընել, մինչեւ իսկ բառցարական իծոսքեր կցէլ ճշմարտութիւններ չեշտելու համար:

Հիանալի բանը այս զուգակից աշխատակիցներուն մէջ անոնց արարչագործ միտքն էր: Օտարներու լեզուներէն երկուքը քաջ լաւ գիտէին որպէս նաեւ Պարուկականը, բայց իրենք ըլլալու էին քերականական ձեւերու կիրառութեան հեղինակները, ժողովրդեան բարբառը դտող մաքրող, յոկող Վարպետները: Անշուշտ հիանալի է նաեւ Հայ կեղուին բարամթերքի ձոխութիւնը, արո՛ նաեւ անոր օգորդութիւնը որ այսօր իսկ կ'երեւին այլ եւ այլ զաւառաբարբառներու բառամթերքներու մէջ: Սահակ ու Մեսրոպ լեզուի ձարտար արուեստագիւններ՝ զարմանալի յաջողութեամբ դտած ու գործածած են լեզուին ոսկին ու աղամանդը իրենց պայծառութեամբ: Գարըիշէ Ծ. Վ. Մէնէվիշեան այսպէս կը գասաւորէ լեզուներ, աշխարհաբարի համար բաղձալով: —

Գրաբարի առատութիւնը,
Գաղիներէնի պայծառութիւնը,
Գերմաններէնի խորութիւնը,
Իտալերէնի քաջաճնչութիւնը,
Անգլիերէնի համառատութիւնը,
Լատիններէնի վեհութիւնը,
Յունարէնի նրբերանդութիւնը.

ԱՍՏՈՒԱՆԱՇՈՒՉԻ ԹԱՐԳՄԱՆՆՈՒԹԵԱՆ
ԱՆՄԻՋԱԿԱՆ ԱՐԴԻՒՆՔԸ

Բաղմապիսի աւանդութիւններէ եւ պատմական յիշատակարաններէ դժուար է կատարեալ ստուգութեամբ որոշել թէ Աստուածաշունչ Մատեանի թարգմանութեան ձեռնարկին մէջ որո՞նք էին նախաձեռնողները. Եկեղեցւոյ նուիրապետութի՞ւնը,

Սբ. Սահմակ թէ խոնարհաղոյն կղերականութիւնը Սբ. Մեսրոպի ասացնորդութեամբ։ Սա չափի յայտնի է թէ տառերու գիւտը ժողովրդական արթնութիւն մը յառաջ բներաւ այնպէս որ հասարակութիւնը, նախարարները, թագաւորը Վռամշապուհ եւ հոգեւորական զասը միահամուռ յարոնեցին իրենց բազմանքը որ Սբ. Սահմակ իրրեւ ձեռներէց անձը սկսի թարգմանութեան գործը եւ Հանօդուա մուրզարանութենէն ժողովուրդը ասացնորդէ սառոյ հոգեշտահ եւ եկեղեցազարդ բանաւորութեան» (Ղ. Փարագեցի)։ Այս բնդհանրական պահանջին ի պատասխան Սբ. Սահմակ «Քիչէր ու ցորեկ անվեհներ ջանալով թարգմանեց Կտակարանները» (Ղ. Փ.)։ Արդիւնքը — Սուրբ Եկեղեցին պաշտամունքը զարգարուեցան եւ ժողովուրդին արանց եւ կանանց բազմութիւնը ողեւորուեցան Փրկչին տօներուն եւ մարտիրոսներու ժողովներուն մէջ, եւ հոգեւոր օգուա շահելով ուրախութեամբ լեցուն կը վերադառնային սուրբ հաղորդութեան խորհուրդն զէս զէպի իրենց տուները. մեծամեծք եւ տղայք Սաղմոս եւ կցուրդք կրկնելով ամէն տեղ, հրապարակի վրայ, փողոցներու եւ տուներու մէջ։ Եկեղեցիները պայծառացան, սուրբերու վկայարաններ չուք (փառք) առին»։ (Ղ. Փ.)։ Արդին կրօնական արթնութիւնն էր այն։

Հայոց այս զարմանալի խանդավառութեան համապատասխանող փորձառութիւնն մը ունեցան Անդղիախօս ժողովուրդներ, Անդղիացիք եւ Ամերիկացիք, երբ 1881-ին Նոր Կտակարանի եւ 1885-ին ամբողջական Սբ. Գրքին նոր վերաքննեալ թարգմանութիւնը մաս առ մաս Շիդակոյի ինքը Օշըն

օրաթերթին մէնաշնորհով հեռավրուեցաւ Անդղիային եւ բոլոր Ամերիկեան մէծ թերթեր արտատըպեցին. եւ Սուրբ Գիրքի ընթերցումը նսեմացուց բոլոր ուրիշ լուրերու եւ խնդիրներու արժէքը։

* * *

ԹԱՐԳՄԱՆՈՒԹԵԱՆ ԲՆԱԳԻՐԸ ԿԱՄ ԲՆԱԳՐԵՐԸ

Հայոց մէծ թարգմանիչներուն գիւրամատչելի բնագրերը Յունական Եօթանասնից եւ Սուրական Փէշիթօն էին, որոնց հատուածները կ'երեւի թէ ի գործածութեան էին եկեղեցւոյ սպաշտամունքներու մէջ, Երրայական Մասօրա բնագիրը գեռ մատչելի էր։ (Ներկայ Մասնրական թ. դար)։

Եօթանասնից թարգմանութիւնը Աղեքսանդրին Հրէաներուն կողմէ ընդունուած եւ գործածուած էին Կտակարանն էր, որուն թարգմանութեան շուրջ հիւսուած էին հրաշալի աւանդութիւններ։ Էնդհանուր համոզումն է թէ Պատումէս Ֆիլատէլիուսի հրամանով Աղեքսանդրիոյ Մատենադարանին համար նախ Հնդամատեանը եւ հաղա Հին Կտակարանի միւս մասները թարգմանուեցան եւ Աղեքսանդրիոյ Հրէաները զայն կը գործածէին իրրեւ ներշնչալ մատեան, ըստ որում Երրայական լեզուն իրենց անհանկանալի դարձած էր։ Եօթանասնից ներշնչեալութիւնը հաստատող ժողովրդական համոզում մը, կամ աւանդութիւն մը կար, թէ Պատումէս առ վափաքած էր հպատակ ժողովուրդներու օրինագրքերը ձեռք բերել։ Ն. Ք. 295-285։

Հստ ժողովրդական աւանդութեան Արիսթէաս եւ Անդղէաս պատգամաւորներ զրկուեցան Երուսաղէմ առ Եղիազար քահանայազեւ որպէս զի առ

զբկէ Սր. Գրքի վաւերական օրինակ մը եւ իսրայէլի ցեղերէն վեցական թարգմանիչներ, որոնք Աղէք-սանդրիա հասան եւ Պտղոմէոսի կողմէն զրկուեցան Փարոս կզիին ուր 72 թարգմանիչները 72 օրուան մէջ լրացուցին իրենց աշխատութիւնները համանը-ման արդիւնքով։ Անշուշտ ներկայ քննադատու-թիւն կը մերկացնէ Հրաշախառն մասերէն եւ ձեռք բերուած հատակուսորներէն եւ գրչագրերէն կ'եղ-րակացնէ թէ, բազմաթիւ շեղումներ ու զանցա-սումներ կան Եօթանասնիցի թարգմանութեան մէջ եւ կարծուածին նման արդիւնքը կատարեալ ու հարազատ չէ։ Եւ Տօքթ. Ճէյմզ Մօֆֆէթ այն կար-ծիքէն է թէ Եօթանասնիցը Փէշիթօյի եւ ներկայ Մասօրական նախկին բնագրերէն տարբեր օրինակէ մը թարգմանուած է։ Մեր գրաբարի Հին Կտակա-րանը թարգմանուած է Եօթանասնիցէն, թերեւս Ա-սորականին հետ բազգատուելով։ Արդէն աւան-դութիւնը կը հաւասատէ Մեսրոպ նշագրերու առաջին կիրառութիւնը րրաւ Ասորականէն Առակաց Գրքին թարգմանութեամբ, այդ գիրքը երկհասոր Հին Կտակարանի մը առաջին Գիրքը եւ թարգմանու-թեան յարմար ոճ մը ունենալով։ Եսթերայ Գրքին յաւելուածական գլուխները սակայն, Ասուերոս թագաւորին, Վաշթի թագուհիին եւ աւագանիին ա-նունները տառապարագութիւններ են Եօթանասնից թարգմանութենէն։

Եսթերայ Գրքին մէջ կը տեսնուի մասնաւորիւ Եօթանասնիցի աղդեցութիւնը։ Գրքին սկիզբը եր-կու գլուխներու եւ Բ.-էն վերջ ուրիշ գլուխի յաւել-մամբ։ Ազգասիրական հետք մըն ար թողած են թարգմանիչը Աղար ամսոյն քով աւելցնելով «որ է

Հայերէն Արեգ ::» Իսկ շեղում կայ Դանիէլի Գրքին Եօթանասնիցէն յաւելմամբ երից մանկանց գոհա-րանական աղօթքին։

Գրաբար թարգմանութիւնը առ հասարակ հա-ւատարիմ է Եօթանասնիցի թարգմանութեան եւ ար-ժանաւոր օրինակ մը բազգատական ուսումնասի-րութեան։ Կ'արժէ նաեւ յաւելուլ թէ, գիտնական-ներէն ոմանք այն կարծիքէն են թէ մեր թարգմա-նիչներուն մատչելի էր Որոգինոս Հայրապետին Վեցսիւնեան (Hexapla) Հին Կտակարանը որ կը պա-րունակէր (1) Երբայսկան բնագիրը, (2) Եօթա-նասնիցը, (3) Ազուիլայի թարգմանութիւնը, (4) Սիւմաքոսի թարգմանութիւն, (5) Աղէքսանդրէանը որը գրուած էր Որոգինոսէ, (6) Թէսդորիոնի թարգ-մանութիւնը։ (Որոգինոս ծնած էր 185 Յ. Տ.) Եւ Եղիպատոսէն Կեսարիա (Պաղէստին) աքսորուած էր ուր ուսած էր Երբայեցերէնը։

Բնագրի ընտրութեան համար խղճմտալից ըդ-կուցութիւն ըրին մէր մէծ թարգմանիչները եւ հե-տամուտ եղան ձեռք բերելու լաւագոյն յոյն բնա-գրեր, կամ Եօթանասնիցի օրինակներ Աղէքսանդ-րիայէն ուր զեցած էին Մեսրոպի աշակերտներէն ամանք կատարելագործելու իրենց յունաբէնի ու-սումբ։ Իրենց ձեռքը ունեցան նաեւ օրինակ մը Ե-փեսոսէն, եւ ուրիշ օրինակ մը Կոստանդնուպոլայ Պատրիարքէն, որոնց հետ բազգատելով կատարե-լագործեցին իրենց թարգմանութեան հիանալի գոր-ծը։ Աստուածաշնչագէտներ մանրապնին քննու-թեամբ եղականացուցած են թէ ներկայ Եօթանաս-նիցի բնագրերուն եւ ոչ մէկ օրինակին բացարձակ նմանութիւնը կը կրէ Հայերէն գրաբարը, ալ թէ

բաղադրութիւն մըն է Եփեսոսեան, Աղէքսանդրեան եւ Կոստանդնուպոլիսեան բնագրերէն, որոնց հետքը նշնարելի է Հայերէնին մէջ: Դանիէլի մարգարէ-ութիւնը կը հաւասուիթ թէ առնուած է Թէոդոսի-օնի թարգմանութենէն:

Նոր Կատակարանի թարգմանութիւնը յունական բնագրէն ուզգակի առնուած է, բայց Աղէքսանդրեանի եւ Սրեւմտեան ուրիշ օրինակներու հետ նմանութիւն կը կրէ: Նոր Կատակարանի Հայերէնը Զարգարուն մէջ Փէշիթօյի հետ բաղդատուելով ինչ ինչ կերաքնութեան ենթարկուած է Հայոց եւ Ասորուց եկեղեցական միութեան մը փորձին առթիւ: Իսկ ժի գարուն մէջ Հեթում թագաւորին Աստուածաշունչի օրինակը Վուլկաթայի ազգեցութիւնը կը ցուցնէ, Խաչակիրներու ազգեցութեամբ, որը նըւմարելի էր Ոսկանի տպագրութեան մէջ: Հայերէնէն կրնայ գատուիթ չափով մը յունարէններուն բովանդակութիւնը:

* * *

ԳՐԱԲԱՐ Ա.ՍՏՈՒԱԾԱՇՅՈՒՆՉԻՆ ԳԻՒՅՑԸ
ԳՐԻՍՏՈՆԷԿԱՆ ԳՐԱԿԱՆՈՒԹԵԱՆ ՄԵՋ

Եւրոպացի լեզուաբան Աստուածաշնչագէտներ շատ զբաղուած են Սր. Գրքին գրաբար թարգմանութեամբ եւ հասած են այն եղբակացութեան, թէ առաջին թարգմանութիւնը կատարուած է Փէշիթօյէն աւելի հին Ասորականէ մը, եւ հասկա որբագրուած է Յունականին հետքերը տեղ տեղ մնացած են: (Ճ. Կ. Պըքիթ Ենայցքովիքիա Սագրա):

Այդ թարգմանութեան թուականը կ'երկարի 398-էն մինչեւ 410, Մեսրոպի ձեռամբ եւ աշխա-

տակցութեամբ Յովհան Եկեղեցացիի եւ Յովսէփի Բաղնացիի: Բայց պատմութիւնը կը հաւասարէ Սր. Մահակ էր գերազոյն չեղինակը, բանք վերջին խմբագրազը: Կոնիբեր Անդղիացի Հայագէտին վը-կալութիւնն է, թէ գրաբար Աստուածաշունչի ոճի գեղեցկութիւնը եւ թարգմանութեան ճշտութիւնը չեն կրնար գերազանցուիլ: Լեզուին ոգին, (Յինի-երս) յատկութիւնը այնպէս է որ կրնայ Յունարէնը թարգմանել լեզուին բառերու կարգովը եւ բարդ բառերը տալ իրենց համապատասխանող Հայերէնով տանց ծառայական նմանողութեան եւ հայկաբանական բանաձեւն ու ասութիւնները զոհելու: Երբ-բար տարակուսելու չենք թէ ի՞նչ կար գրաբարի թարգմանութեան Յունարէն բնագրին մէջ, ուստի, Հայերէնը Յունարէն օրինակին հետ նոյն արժէքը և նի մեզի համար: Նոյնը ձմարիտ է քննական ու-սումնասիրութեան մէջ Նոր Կատակարանի թարգմանութեան համար: Մեր պատմական ազրիւնները Կորիւն, Ղազար Փարպեցի եւ Մովսէս Խորենացի են: Անոնք ինչ որ հաւասարեն Աստուածաշունչի թարգմանութեան համար հաւասարապէս ընդունելու ենք թէ Հին եւ թէ Նոր Կատակարաններու համար» (Կոնիբեր):

Աստուածաշունչի թարգմանութիւնը կատարելապէս կը համապատասխանէ կատարեալ թարգմանութեան պահանջներուն, կամ սկզբունքներուն: Անդղիացի ճառագիրը Ալէքսանդր Տրէյը Լօրտ Վուա Հառուղի սա երեք սկզբունքներու պահանջած է իր Սկզբունք թարգմանութեան գործին մէջ Աստուածաշունչ Մատեանի վերաբերմամբ: (1) Թարգ-մանութիւնը նախական օրինակին կատարեալ

ուատճէնը ըլլալու է : (2) Թարգմանութեան ոճը եւ դրութեան ձեւը բնագրին հետ նոյն յատկութիւնը ունենալու են : (3) Թարգմանութիւնը նախնական դրութեան սահունութիւնը ունենալու է : Այս ըստ կլրունքները լիովին կը տեսնուին գրաբար Աստուածաշունչին մէջ, ոճը պարզ ու գեղեցիկ, բուժանդակութիւնը հաւատարիմ ու անթերի, եւ լեզուն սահուն եւ գրաւիչ : Արաբի պատուական աւանդ մըն է մեկենակած : Ըստ Կոնիքերի գրաբար Աստուածաշունչը Յունարէնին կը յարմարի ինչպէս որ ձեռնոցը մատերուն :

Բաղգատութիւն մը Յունարէնի կը հաստատէ Հայագէտ Անդղիացիին այս կարծիքը՝ դոր օրինակ մեր գրաբար Հայր մերը, իր բառերու չարքով իսկ կը համապատասխանէ Յունականին, նոյնպէս ամբողջ Հին եւ Նոր Կտակարանին միւս մասերը : Եւ ինչպէս Եօթանասնիցը բառ առ բառ երայցերէնը Յունարէնի փոխած է նոյնպէս գրաբարը Եօթանասնիցը եւ Նոր Կտակարանը բառ առ բառ Հայերէնի փոխած է առանց զոհելու լեզուին յատկութիւնը :

* * *

ԳՐԱԳՐՈՒԹԻՒՆՆԵՐ

Չորս Աւետարաններուն գրչագիր օրինակները երկաթագիր տառերով մեծ թուով կը գտնուին : Անոնք ընդօրինակուած էին եկեղեցւոյ պաշտամունքներու գործածութեան համար : Անոնցմէ երկու օրինակներ հասած են մինչև Խաղաղականի ափունքը եւ տեսած եմ հատ մը ի Պոսթոն, եւ կը գտնուին ի Ֆրէզնօ հաւանականաբար ոչ կանխագոյն քան ԺԴ գրը : (Ստացուածք Պատ. Վարդաննեանի եւ Պրն.

Մեսրոպ Սիմոնեանի :) Ամբողջ Նոր Կտակարանի գրչագրերը ԺԴ դարէն առաջ հազուագիւտ են : Էջմիածնի թանգարանը ունի ամբողջ Աստուածաշունչ Մատուանը մաղաղաթի վրայ գրուած 1151ին, եւ երկու օրինակներ թղթի վրայ գրուած 1253 եւ 1270 թուականներուն : Վենետիկի Միկթարեաններու 1220-ի Աստուածաշունչ մը եւ Լօնտօնի Աստուածաշունչի Ընկերութիւնը 1600-ի օրինակ մը եւ Լօրու Զառւչի թանգարանը ուրիշ օրինակ մը, բայց ոչ միւսներուն չափ հին : (Կոնիքեր) :

Երանի թէ Հնարաւոր ըլլար բոլոր գրչագիր Աւետարանները եւ Սուրբ Կրիքին այլ եւ այլ մասերը ի մի հաւաքել, այէսպիսոյթներ կամ տարբերականներ եւ ճոխացնել Աստուածաշնչագիւտական մթերքը մեր եւ այլ ազգերու բանասէրներու համար . որպէս Մարկոսի Աւետարանի ԺԶ. 9-20 չորս տարբերականները մատուցին ընդհանուր Աստուածաշնչագիւտթեան :

Աւազ, շատ անգին կորուստներ ունեցած ենք մարգարտակոխ աւելիչներէն որ անասնաբար յօշտած են եկեղեցիներու խորաններէն եւ վանքերու պահարաններէն, յափշտակած թանկագին գրչագըքը եւ սրբութեան անօթներ :

ՏՊԱԳՐՈՒԹԻՒՆՆԵՐ

Գրաբար Աստուածաշունչ Մատեանին առաջին տարգրութիւնը տեղի ունեցաւ Ամսդերսամի (Հօլանտա) մէջ 1666-ին Ասկան Արքեպիսկոպոսին ձեռքով : Երկրորդ տպագրութիւնը կատարուեցաւ ի կ. Պոլիս 1705-ին, իսկ երրորդը ի Վենետիկ 1733ին : Ասոնք ընտանեկան յարկերու մէջ ալ կը գտնուէին

իբրեւ նուիրական գոյքեր կրօնական յարդանքի եւ
ակնածութեան արժանիք։ Ես կը յիշեմ չորս հա-
տորնոց Վենետիկի Բաղրատառնիի տպագրութիւն
մը մեր ընտանեկան գրադարանին մէջ։ Առոնց հան-
գէպ ունէինք կրօնական ակնածութիւն եւ զբարա-
րի թերի ծանօթութեամբ մեծ յաղթանակ կը համա-
րէինք երբ կարող կ'ըլլայինք հասկնալ անոնց պա-
րունակութիւնը, մանաւանդ անկանոն մատեաննե-
րու մարտական եւ վիպական հատուածներն։ Աւրիշ
տպագրութիւններ յաջորդած են ասոնց։

Մեզի համար շահագրգուական է Գ. Պաղատա-
լեանի տպագրութիւնը ի Կ. Պոլիս. ԱՍՏՈՒԹՅԱ-
ՇԱԽՆՉ ՄԱՏԵԱՆ ՀԻՆ ԵՒ ՆԱՐ ԿՏԱԿԱՐԱՆՆՅ ՀԱՏ
ՃՇԳԻՒՑ ԹԱՐԳՄԱՆԱԽԹԵԱՆ ՆԱԽՆԵԱՅ ՄԵՐՈՅ
ՀԱՄԵՄԱՏՈՒԹԵԱՄԲ ԵՐՐՈՅԱԿԱՆ ԵՒ ՅԱԽՆԱԿԱՆ
ԲՆԱԳՐԱՅՑ, հրատարակութիւն Աստուածաշունչի
Ընկերութեան։ Իր ողբացեալ վաղահաս մահուա-
նէն առաջ Ներսէս Պատրիարք Վարժապետեան դի-
մած էր Աստուածաշունչի Ընկերութեան որ յահճն
առնու գրարար Աստուածաշունչ Մատեանը անփո-
փոխ տպել եւ աժանագին վաճառել Հայ հասարա-
կութեան։ Աստուածաշունչի Ընկերութիւնը յահճն
առաւ գոհացում տալ Ներսէս Պատրիարքին եւ շե-
զած ըրլալու համար իր կաղմակերպութեան օրի-
նագծէն՝ որոշեց գրարար Աստուածաշունչը հրա-
տարակել նոյնութեամբ եւ զետեղել լուսանցքին մէջ
Երբայրականէն եւ Յունականէն տարբերականները։
Դժբաղդարար Ներսէս Պատրիարքի վաղահաս մահը
դրկեց այս տպագրութիւնը անոր օրհնութեան եւ
վաւերացման կնիքէն։ Այս տպագրութեան գործին
մէջ աշխատանք բերին զիսաւորարար Տր. Էլայազ

Իիկդ, Ամփրոսիոս Գարագաշեան եւ այլք։

ԳՐԱԲԱՐ ԱՍՏՈՒԹՅԱՆՈՒՆՉԻ ԱՐԺԵՔԸ
ՄԵԶԻ ՀԱՄԱՐ

Գրաբար Աստուածաշունչը յետ Յունականին,
Ասորականին, եւ Լատին Վուլկաթային, թերեւա ե-
րիցագոյն թարգմանութիւնն է։ Արեւմտեան Քը-
րիստոնէութեան, Անդղիականին, Գաղղիականին, ու
Գերմանականին թարգմանութիւններու հետ բաղ-
դատելով Հայկականը իր խոր ծերութեան գիրքին
մէջ է։ Անոր 1500 ամեակի տօնակատարութիւննե-
րը երախտագիտական ցոյցեր էին ժամանակակից
Հայութեան կողմէ։ Ի՞նչ էր որ կը տօնէինք այս
անցեալ երկու տարիներու ընթացքին։ Վերյիշենք։
Սահակ-Մեսրոպեան թարգմանութեամբ Աստուած
Հայուն հետ Հայ լեզուով խօսեցաւ, Անով Հայը ա-
ղատուեցաւ Յունական եւ Ասորական կրօնական տի-
րապետութենչն։ Այդ հսկայ դործը եղաւ նաեւ
աղգային անկախութեան եւ միութեան խորհրդա-
նիչը։ Հայաստանը որ ըլլալու էր Արեւմտեան Ա-
սիոյ Զուլիցերիան, ներքին պատկառումներու եւ
կիառախնդիք նախարարներու կոռուպաշը գարձաւ
եւ վերջապէս երկու հակամարտ կայսերական դրու-
թիւններու երկանաքարերու մէջ մնաց եւ ճգմուե-
ցաւ։ Բայց Վուամշապուհի քաղաքական հեռատե-
սութիւնը եւ Սահակ-Մեսրոպի աղղասիրական եւ
կրօնասիրական եռանդը ամբողջ աղդը բարձրացու-
ցին քաղաքակրթական եւ մշակութային բարձր մա-
կարդակի մը վրայ հակազդելով ազգին գոյութեան
սպառնացող չարիքին դէմ։ Առւրբ Գիրքը աղղային
պատիքակութեան եւ ինքնաղիտակցութեան դա-
սադիրքը եղաւ եւ աղդին վրայ ճնշող ծանրութիւնը

վերցնող լծակը։ Հոգեւոր անօթութիւնը յագեցը՝
նող եւ ծարաւը անցնող կենաց հացն ու ջուրն էր
Հայաբարբառ Աստուածաշունչ Մատեանը, զոր Սա-
հակի եւ Մհերոպի 100 ձեռնասուն աշակերտները
անմիջապէս տարին գաւառէ գաւառ այնպիսի փու-
թաջանութեամբ մը, որ կարձ ժամանակի մէջ, հո-
գիւ 15 տարի անցած, այդ Մատեանը ազգին սեփա-
կանութիւնը գտրածաւ եւ ըստ Եղիշէի Վարդան Մա-
սիկոնեան, անշուշ ոչ բայց առարար, ի մանկութե-
նէ Սուրբ Կտակարաններուն տեղեակ էր։ Ոչ մի
միսիոնար աւելի խանդավառութեամբ կատարած է
իր աւետարանչական գործը քան զոր կատարեցին
ինքնառաք Վարդապէտները, Աւետարանի լոյսը
տարածելով եւ բանիմաց Քրիստոնէութիւն մը յա-
ռաջացընելով ժողովրդեան բոլոր խաւերուն մէջ,
եւ խոր գրոշմելով Քրիստոնէական հաւատքը ամ-
բողջ Հայաստանի մէջ։

Անցած են վրաոք, հարստութիւն, իշխանութիւն
արքունիք, պալատներ, այս նաեւ Հոյակապ եւ հրա-
շակերտ տաճարներ ու վեհաբաններ։ Դրացի եւ
հեռաւոր Կայսրութիւններու կազմակերպեալ բա-
նակներ եւ հրոսակներ քար ու քանդ ըրած են մեր
ազգային նիւթական հարստութիւնները, բայց ան-
ջինջ կը մնան մեր հոգեկան հարստութիւնները, ո-
րոնց ի գլուխ կը մնան մեր հաւատքն ու Սուրբ Գիր-
քը եւ անոր հետեւող Ասկեղարու ճոխ մատենապրու-
թիւնը։ Օրհնեալ եւ պատուական ժառանգութիւն,
որուն փառքն ու փայլը նսեմացած չեն այս 15 դա-
րերու անցքով։ Զորս հազար տարիներու Հայուն
ազգային փառքը փշրուած ու քայլայուած եւ ա-
ւերուած եւ հողի ու փոշի տակ թաղուած է, բայց

կ'ապրի անմահական գործը Սահակի ու Մեսրոպի,
հոյակապ գործը, որ իրեն կը յանկուցանէ մեր ժա-
մանակակից լեզուագէտներ ու բանասէրներ, որ հի-
ացմամբ կը թափանցեն գրարար Աստուածաշունչի
առի հարստութեանը։

ՍՈՒՐԲ ԳԻՐՔԻՆ ԸՆԴՀԱՆՈՒՐ ԱՐԺԵՔԸ

Չարժե՞ր Աստուածաշունչ Մատեանի արժէքը
վերյիշել աւելի արժանաւոր կերպով գնահատելու
առաջին թարգմանիչներու Հայուն տուած անգին
պարզեւն ու ժառանգութիւնը։

Սուրբ Գիրքը բանիմաց կրօնագիտութեան գան-
ձարանն է։ Աստուծոյ Խոսքն է։ Աստուած անով
կը խօսի մարդկութեան, եւ Հայուն։ Անոր մէջ կը
գտնենք Աստուծոյ յայտնութիւնը հայրերուն եւ
մարգարէներուն ձեռքով։ Հոն են մեր Փրկչին
կեանքի պատմութիւնը եւ Առաքեալներուն կրօնա-
կան փորձառութեան եւ զարգացումի յիշատակու-
թիւնները։ Անիկա Քրիստոնեային ներշնչումի աղ-
րիւրն է, կեանքի կանոնագիրն է։

Ուոլթը Սքաթ նշանաւոր Սկովակացի վիպա-
սան-բանաստեղծը իր մահամերձ վիճակին մէջ ու-
ղեց որ «Գիրքը» իրեն բերեն ու կարգան։ Երբ Հար-
ցուցին թէ ի՞նչ գիրք կ'ուզէ, պատասխանեց թէ մի-
այն մէկ Գիրք կայ եւ այն է Սուրբ Գիրքը։

Պօղոս Առաքեալ Տիմոթէոսի գրած Բ. Թուղ-
թին Գ. Գլխուն մէջ կ'ըսէ. «Ամենայն Գիրք Աստուա-
ծաշունչը եւ օգաակարք ի վարդապէտութիւն եւ ի
յանդիմանութիւն եւ յուղութիւն եւ ի խրատ ար-
դարութեան, զի կատարեալ իցէ մարզն Աստուծոյ
եւ յամենայն գործո բարութեան հաստատեալ։»

(Բ. Տիմ. Գ. 16-17): Առաքեալիւ ոչ խօսքը ՚իտանիէլ Ռւէպութիր աս կերպով կը բանաձեւէ . . Սր. Գիրքը հաւատաքի Գիրքն է, վարդապետութեան Գիրքն է, բարոյականի Գիրքն է, կրօնքի Գիրքն է եւ Աստուծմէ մասնաւոր յայտնութեան մը Գիրքն է:

Ոչ-հաւատացեալ եւ ազատական խորհուրդներու ռահմիրայ ժան ժագ Խուսոյ, ըսած է: «Պէտք է խոստովանիմ թէ Սուրբ Գրքին վսեմութիւնը ինսծի հիացում կ'առթէ որպէս նաեւ Աւետարանի մաքրութիւնը սրտիս կ'ազգէ: Կարդա իմաստուն բանակրներու գործերը, անոնց ոճի պերճարանութիւնը, որչա՞փ անդոսնելի է բաղդատմամբ Սուրբ Գրքին հետո: Կարելի՞ է արդեօք որ այսչափ պարզ եւ այսչափ վսեմ Գիրք մը մարզու գործ ըլլայ, Հնարաւո՞ր է արդեօք որ սուրբ անձը որուն անունը արձանադրած է սոսկ մարդ մը ըլլայ: Ի՞նչ քաղցրութիւն եւ սրբութիւն անոր վարքին մէջ: Ի՞նչ վեհութիւն անոր առակներուն մէջ. ի՞նչ խորունկիմաստութիւն անոր խօսքերուն մէջ: Ո՞ւր է մարդը, ո՞ւր է փիլիսոփան, որ կրնայ այնպէս ապրիլ եւ այնպէս մեռնիլ առանց տկարութեան, առանց սնապարծութեան: Եթէ կեանքն ու մահը Սոկրատի իմաստաէրի մը կեանքն ու մահն էին, Յիսուսի կեանքն ու մահը Աստուծոյ մը կեանքն ու մահն էին:»

Ահա այսպիսի Սուրբ Մատեան մըն էր որ թարգամանիչ հայրերը Հայուն տուին 15 դար առաջ եւ մէր ազգը Արեւմտեան քաղաքակիրթ աշխարհէի եղայրութեան մէջ մացուցին եւ անմահացուցին զայն առոր տալով թարգմանութիւններու թագուհին եւ եւրոպացի բանասէրներու ուսման եւ հիացման տ-

ուարկան, ու չմոռնանք ըսելու նաեւ մեր աշխարհաբար Աստուծածաշունչի ստնտու մայրը:

Ի՞նչպէս կրնանք պատշաճապէս տօնել 1500 ամեակը: Այս տօնական խանդավառութիւնները խոզանի կրակի նման վառելու եւ անցնելու չեն: Պէտք է որ անգին ժառանգութիւնը եղող գրաբար Աստուծածաշունչը վերսովին զնահատենք եւ մեր ընթերցումին եւ ուսման առարկան ընենք անոր մէջէն զուրս բերելով մեծամեծ զոհարներ քաջալերութեան, սփոփանքի, յոյսի, փրկութեան եւ աստուծային խոստումներու: Ազօթալից եւ ճշմարտակնդիր ընթերցողը պիտի զգայ թէ Աստուծած է որ կը խօսի իր հետ: Թոյդ կարդացուի մնիկայ բառարանի ձեռին Աշխարհաբարի եւ Անգղիերէնի հետ բաղդատեկով: Հարիբարպատիկ պիտի վարձատրուին հճմարտախնդիր ընթերցողին ջանքէրը:

Ես հիացող մըն եմ Ռակեկարու Հայ մատենագրութեան, որուն անդրանիկն է Գրաբար Աստուծածունչը: Սր. Գիրքը արդէն զրական աննման զեղեցկութեան, բանաստեղծական ամենաբարձր թոփչքի, բարոյագիտական ամենասուրբ խորհուրդներու մատեանն է: Սր. Սահմակ եւ Սր. Մեսրոպ իրենց գրաբար թարգմանութեան մէջ պահած են ամէն չքնար յատկութիւն եւ աղնուութիւն: Գրաբարին մէջ աստուծային յայտնութեան անգին զոհարը պահպանող պատուական արկղ մը, տապանակ մը կը գտնենք:

Հայ ազգը պատուած է ինքինքը Սահմակի ու Մեսրոպի տալով Սուրբ տիտղոսը: Օրհնեալ ըլլայ այս մէծ Հայերուն բարի յիշատակը:

Կ. Մ. ՄԱՆԱՎԵԱՆ

Ա. ԾԱՆՈԹՈՒԹԻՒՆ

Հայկական մատենագրութեան առաջին թարգամանիշներն էին. Սր. Մահակ Պարթեւ: Սր. Մեսրոպ Մաշթոց եւ անմիջական աշակերտներ ու աշխատակիցներ.

1. Յովսէփ Վայոց Զորցի:
2. Ղետնդ Վանանդեցի:
3. Եզնիկ Կողբացի:
4. Կորիւն Մքանչելի:
5. Յովսէփ Պաղնացի:
6. Յովհան Եկեղեցացի:

ԿՐՏՍԵՐ ԹԱՐԳՄԱՆԻՉՔ

1. Մովսէս Խորենացի:
2. Մամբրէ:
3. Դաւիթ Անյաղը:
4. Գիւտ:
5. Եղիշէ:
6. Յովհան Մանդակունի:
7. Ղազար Փարաբեցի:

Բ. ԾԱՆՈԹՈՒԹԻՒՆ

Սր. Մեսրոպի կը վերագրուի Վրաց (իպերեան) տառերու գիւտը, որ Հայերէնէն փոխ տրուած է եւ մերինին նման գրեթէ 38 գրերէ կը բաղկանայ եւ ունի մեր լեզուին յատկանչական ձայները: Մեսրոպի կը վերագրուի Վրաց Սր. Գրքի թարգմանութիւնը, Մեսրոպեան երկաթագիր նշանագրերով:

(Տառերու մասին տես

Georgia, Encyclopaedia Britannica, A. H. KRANE)

————— (*). —————

ՊԱՀՆԻԿԵԱՆ –
ԹՈՆԴՐԱԿԵՑԻՆԵՐՈՒԻ

ՇԱՐԺՈՒՄԸ

ՀԱՅԱՍՏԱՆԵԱՅՑ

ԱՌԱՔԵԼԱԿԱՆ

ԵԿԵՂԵՑԻՇԱ ՄԷԶ

Յ. Տ. 700—1200



(Համառօս Տեսութիւն մը)

Առկէ վաթուուն եւ մէկ տարի առաջ Թիֆլիսի մէջ հրատարակուող «ՓՈՒԶ» հանդէսին մէջ Ալէքսանդր Երիցեան յօդուած մը ստորագրած է Մեր օրերու Հայ Թննդրակեցիները (*) իսրագրով որուն մէջ կը պատմէ թէ 1828—29-ին, Ռուս-Թուրքական պատերազմէն ետքը, խուճք մը Թուրքահայեր—Կարսակետ Եպիսկոպոսի դժխաւութեամբ — Խնուսէն զալթեցին ու հաստատուեցան Կովկասի Ախլցիս դիւզաքաղաքը: Այդ գաղթէն ութը տարի ետքը Կարսակետ Եպիսկոպոս էջմիածնի Սինոդին կը տեղեկացրէ թէ Շիրակ գաւառի Արիոլէլի գիւղին մէջ բառն եւ հինգ տուն Հայ գաղթականներ կան—Խը-

(*) Տես Փորձ Դ. տարի, թիւ 10, Հոկտ. 1880 թիվիից:

նուսի Զէվիրմէ դիւզէն հոն հաստատուած—որոնք չայ թոնդրակեցիներ կամ Պաւղիկեաններ են, եւ որոնք իր հօտին միամիտները կը մոլորեցնեն։ Աւստի կը խնդրէ վերին իշխանութենէ ուսեալ քահանայ մը զրկել այդ գիւղը որ այդ աղանդաւորներու հերձուածին տարածումը արգիլէ։ Շատ չ'անցած եկեղեցական եւ քաղաքական իշխանութեանց կողմէ քննութեան կ'առնուի այս խնդիրը, եւ կը տեսնուի թէ այս աղանդաւորները կ'առաջնորդուին «Բանսի ձշմարտութեան» անուն գրքոյի մը ցուցմունքներովը, որ իրենց հաւատոյ գիրքն է։ Այս Բանալի ձշմարտութեան ձեռագիրը—որ այժմ կը պահուի կշմիածնի թանգարանին մէջ—կը բաղկանայ 150 ութածալ էներէ։ Տեղ—տեղ թերթերը դուրս հանուած են եւ բառերը քերուած։ Հաւանարար այնպիսի մասեր՝ որոնք Հայաստանեաց Առաք. Եկեղեցւոյ անդամներուն զայրոյթ պիտի պատճառէին, եւ իրենց ալ՝ վտանգ։

Գրքոյի թուագրուած է այսպէս— «Ի քուականիս Փրկչին 1872. ՚ի գաւառն Տարօնյ։» Անիկան պատկանի եղեր Տօնո Կիրակոսեան անուն մարդու մը, որ 1829-ին, Թուս-Թրքական պատերազմի ատեն, Խնուսէն զապթած է Արխվէլի, — Թուսահայտանատան։

Իսկոյն Երեւանի Եկեղեցական Խորհուրդը (Կոնսիստորիան) կր Հարցաքննէ Ալէքսանդրապոլի (այժմ Լենինական) Հայ նորադանդներէն չորս անձինք, եւ կր գտնէ թէ անոնց խոստովանութիւնները համաձայն են Բանալի ձշմարտութեան վարդապետութեանց։ Այդ Հարցաքննուողներէն մէկը, Աւո Մարտիրոսեան, հետեւեալ կերպով կը թուարկէ

իրեն աւանդուած կրօնական դասերը։

«Տարը Պատուիրանները պահեցէք որ Աստուած առաւ Մովսէսին։

«Ճահաչեցէ՞ միայն գՔրիստոս եւ Հայր Աստուածը, մնացեալ ինչքան սուրբեր կան եւ եղեալ են աշխարհիս վրայ՝ սուտ են։

«Քրիստոս չէ՝ Աստուած, այլ Որդի Աստուածոյ, եւ մեր Բարեխոսը՝ նստելով ընդ աջմէ Հօր։

«Միւռունն իշմիածնի սուտ է, եւ մկրտելոյն չէ հարկաւոր, այլ երբ մի բուռն ջուր երեխայից վերայ բափէ՞՝ կը մկրտուի, զի Քրիստոս հրամայեց ջուրով մկրտել։

«Պէտք չէ՝ ուլստի զնալ Երուսաղէմ կամ իշմիածնին։

«Մեղքը խոստովաննեցէ՞ առաջի Աստուածոյ միայն, եկեղեցին մէջ։

«Միշտ եկեղեցի զնացէ՞ եւ քահանային խոստվաններու ժամանակ ձեր մեղքն մի՛ ասէ՞, որ չ'իմանան, այլ հասարակաբար խօսեցէ՞։

«Միշտ եկեղեցի զնացէ՞ որ ըլ լինի քէ մեր ազգն իմանայ մեր այս գործը. այլ առերես կատարեցէ՞ ամին ինչ, եւ այնքան ծածուկ կացէ՞, որ ժամանակ գտնումք եւ երէ կարողացուի՞ բոլորը դարձնեմք այս հաւատովիս վերայ։»

«Եւ Երդուանի որ,» կ'ըսէ Աւո Մարտիրոսեան, «երէ մեզ կտոր—կտոր անէին՝ չէինք պարտ յայտնել։»

«Կաղզուանցի Գրիգորն ասաց քէ ահա ես խաչ, Երկու ձեռքիս մուլ կացրէ՞ եւ Երկրպագութիւն տուէ՞, երէ ես կարող եմ ձեզ վրկութիւն տալ՝ այնպէս ալ խաչի եւ սուրբ կարեն։»

Կարապէտ Մկրտիչները ըրած է հետեւեալ խոս-

Մոլանութիւնը.

«Արխվէլցի տիրացու Գէորգի բարոգելովը՝ Կիրակս Քէօսկապայանը մոռացել էր սուրբ հաւատքը . . . : Այս Կիրակոսի բարոգելովը Թարգի Սարգիս, իւր ընտանիօք, Տիլապանդ Մանուկին, Կաղզուանցի Գրիգորին, իւր գերդաստանեօք, Երկար Յակոբն, Կաղզուանցի Աւոն եւ ես ժողովուելով Կաղզուանցի Գրիգորի սենենակն՝ Երդուանք միավին որ մեր խորհուրդն ամենեւին չի յայտնիմք ուստիք: Մանաւանդն ունք ինձ հաւատցուցին թէ Քրիստոս Աստուած չէ: Ինձ հայինը տուին խաչին, թէ ոչինչ է: Ո՞չ լաւանին Աստուածածինը կոյս, այլ ապականեալ: Ո՞չ ընդունին զբարեխօսութիւնն նորա, այլ եւ ինչ-ժան սուրբ կայ՝ չ'ընդունին եւ ո՞չ նոցա բարեխօսութիւնը: Ասին թէ ծերապութիւնը սուտ է: Երեսն խաչ չենք հանել: Նաև Հայոց մկրտութիւնն եւ միւռունը սուտ է: Թէ պարտիմք կրկին մկրտել, որ մեր հակտիցն վեր զայ զազանի մուկրն (Կնիքը): Պահէք կուտեն: Ո՞չ ընդունին զպատարագ եւ ո՞չ զիազորդութիւն եւ ո՞չ զիսոստվանութիւն: Զկանոնադրութիւնն սրբոց Հայրապետաց չ'ընդունին, ասն, ժողովն Հայրապետաց սուտ է. Սատանայի խորհրդով կանոնիք են դրեալ: Ասեն թէ աշխարհիս վերայ նշամարիս Քրիստոնեայք միայն մենք ենք. իսկ Հայք. Ռուս, Վրացիք եւ այլք սուտ Քրիստոնեայ են, կուպաշունքն են:»

Չորրորդ խոստովանագրին մէջ՝ մասնաւորապէս նշանակելի է հետեւեալ պարբերութիւնը, Արյանդը Երիցեանի խօսքով՝ Կիւմրիօցի Սարգիս Յարութիւնան աւելացնուած է թէ Ախվալցի տիրացու Գէորգը, որի մօտ կայ մի ձեռագիր Բանալի

Ճշմարտութեան, որի մէջ՝ բոլորը դրած . . . թէ «Բոլոր Քրիստոնեայք սուտ են, բացի Նիեմէցներէ (Գերմանացիներէ), որ ուղիղ Քրիստոնեայ են:»

* * *

Սակայն որո՞նք էին այս Թոնդրակեցիները եւ ուսկից ծագում առած է իրենց անունը: Աղանդաւորներ էին— մեծաւ մասամբ՝ Հայ—որոնք ասկէ 1200 տարի առաջ կորդ գարէն մինչեւ ԺԲ-րդ դարնախ Պատղիկեան եւ ապա Թոնդրակեցի անունով՝ ի յայտ Էկան— եւ հսկայ կրօնական շարժում մը ըստեղծեցին Հայաստանի եւ Փոքր Ասիոյ մէջ եւ ամրող 500 տարի վութորկեցին առանց այդ ալ Բիւղանդիոնի կայսրութեան զաւերուն եւ Պաղտատի եւլիքաներու Հարստահարսութեանց ենթակայ Հայ ժողովուրդը:

Նորերուս համար եթէ անծանօթ չեն Պատղիկեան եւ Թոնդրակեցի անունները, անծանօթ են սակայն, անոնց պատճութիւնն ու վարդապետութիւնները եւ այն գերը զոր անոնց վիճակուած էր խաղալ Հայ ժողովուրդի պատճութեան մէկ բազդորոշ շրջանին:

Ասկէ 20 տարի առաջ «Հ. Կոչնակ»-ի մէջ (*) Փրոք. Վահան Պապասինեան յօդուած մը սառըացըրած է, ուր խօսելով Պաւղիկեան-Թոնդրակեցիներու մասին՝ զանոնք «Եօրներորդ դարու Հայ Աւետարականներ» կոչած է: Ճիշտ նոյն տարուան «Կոչնակ»-ի մէջ Տիբր Վահան Քիւրքճեան «Պաւղիկեաններ եւ Հայ Բողոքականութիւնը» (**) խո-

(*) Հ. Կոչնակ, Եռլ Եռք, 1917 տարի էջ 273-279:

(**) Անդ. թիւ 14, 23, 27 եւ 36:

րագրով շորս յօդուածներ կրելով՝ աշխատած է առացուցանել թէ Քրոֆ. Վ. Պապասինեանի եղբայրացութիւնները շխատ չեն:

Սակայն Քրոփ. Պապասինեանին եւ Տիար Վ. Քիւրքճեանին շատ առաջ 1880-ին Կովկասահայ Ազգէքսանդր Երեցեանն էր որ, ինչպէս վերը յիշեցինք — առաջին անգամ — Թիֆլիսի «ՓՈՒՇ» Հանդէսին մէջ Հանրային ուշագրութեան ներկայացուց այս Պաւղիկեան — Թունդրակիցիները եւ անոնց Բանալի ձշմարտութեան անուն գիրքը՝ իրրեւ անոնց հաւասարառումը։ Ու անկէ վերջ էջմիածնի Գէորգեան ձեմարանի երթեմնի տեսուչ Տ. Կարապետ Եպսկ. Մկրտիչեանը Die Paulianer (Պաւղիկեանները) անուն Գերմանէրէն գրքոյիկով մը Քրոփ. Պապասինեանի ըսածներուն յարեւման եղբայրացութիւններ հանած է։

Ամէնաառաջին յիշատակութիւնը որ կ'ըլլայ Պաւղիկեաններու մասին Յովհաննէս Դ-րէ Օձնեցի Կաթողիկոսին կողմէն է, որ ժամանակակից ըլլալով Պաւղիկեաններուն (Յ. Տ. 719) կ'զգուշացնէ ուղղագործ Հայերը չի խառնուիլ «Պաւղիկեան կոչուած աղանդին պիտծ մարդոց հետ»։ — «ո՛չ է պարտ ՚ի շարադանդ Մծնիկիցն» (*) տեղիս որ կոչեն Պաւղիկեանն, օրել ումինք, եւ կամ յարիլ ու խօսակից լինել եւ երթեւկութիւն առնել . . . նբէ ոք իցէ որ յարեսցի ՚ի նոսա եւ ՚ի սիրելութիւն եւ ՚ի բարեկամութիւն եկեսցէ՝ պարտի զայնիքին խոշտանգել

(*) Մծնիկայ բառը կը նշանակէ, ըստ Վ. Քիւրքճեանի, ազգապիզ, անառակ, լկոմի։ Մազում առած է Ասորերէն Մէծէլուն բառէն, որ անունն էր անբարոյիկ աղանդի մը. Հ. Եռնակ, 1917 էջ 689։

եւ ծանր պատուհաս ՚ի վերայ ածել, զի զգաստացին եւ առողջացին ՚ի հաւատու։»

Գրիգոր Նարեկացին եւս Յ. Տ. 950-ին միեւնոյն «Մծնիկայ» (**) բառը գործածած է Պաւղիկեաններու մասին, որոնք Ազուանից երկրին ու Վասպուրականի մէջ միշտ խոչոր թիւ մը կը կազմէին։

Դժուար է ըսել թէ «Պաւղիկեան» անունը ուսկից ծագում առած է։ Գրիգոր Մազիստրոս իր թուղթերէն մէկուն մէջ հետեւեալը կ'ըսէ անոնց մասին. «կը տեսնէլ ահա Պաւղիկեանները, որոնք իրենց քոյնը Սամոսատացի Պօղոսէն առիլ։» (***) Ըայտնի է թէ երր մեր Հայերէն լեզուին մէջ տակաւին գոյութիւն չունէր «օ» տառը, անոր փոխարէն, մեր հայրերը կը գործածէին «աւ» երկրարանը։ Այսպէս անոնք «օր» գրելու տեղ կը գրէին «աւր» «օր» տեղ՝ «հաւր», «Պօղոս»ի տեղ՝ «Պաւղոս»։ Իսկ «իկ» մասնիկը յայտնապէս փոքրութիւն ցոյց կուտայ, այսպէս, օրինակ, մասնուկ — մանկիկ, քոնի — քոննիկ, կատու — կատուիկ եւայլն։ Հետեւարար Պաւղիկն ալ Պաւղոսէն ածանցուած է, որ կը նշանակէ «վոքրիկ Պօղոս»։ Ակնարկութիւնը, հաւանարար վերոյիշեալ Պօղոս Սամոսաթացին կը գերաբերի, որով Պաւղիկեանները կը նոյնացուին Փոլիանի (Pauliani) կոչուած աղանդաւորներու հետ որոնք Նեկիոյ Ա. Տիեզերական Փողովին մէջ (որ գումարուեցաւ Կոստանդիանոս առաջին Քրիստոնեայ կայսեր հովանիին ներքեւ Յ. Տ. 325-ին), Ա-

(**) Հ. Բարսեղ Վ. Սարգիսեան «Ուսումնասիրութիւն Մանիքէա — Պաւղիկեան Թոնիդրակեցիներու աղանդին» Վենեաթիկ 1893։

(***) THE KEY OF TRUTH, by F. C. Conybeare; p. 148, London, 1898.

բիոսի եւ իր աղանդաւորներու հետ զատապարատուեցան եւ գար մը վերջ ցրուեցան Սիւրիոյ մէջ:

Այս Պաւղիկեանները ինքվինքնին Պաւղիկեան չէին անուաներ, այլ «Կաքուղիկէ Առաքելական Եկեղեցիի անդամներ»: Բայց լսելով որ իրենց թըշնամիները զիրենք ծաղրական անունով Պաւղիկեաններ կը կոչէին, չի խրաչեցան այդ անունէն, այլ ընդունեցին զայն իրեն անուն մը որ լիովին կը բացարէր իրենց Պօղոսին հետեւորդներ ըլլալը, սակայն ո՛չ թէ Պօղոս Սամոսաթացիին՝ այլ Պօղոս Առաքեալին, ինչ որ յետոյ պիտի տեսնենք:

Այս Պաւղիկեաններու մասին մեր ծանօթութեան գլխաւոր աղբիւրները Յունական, Լատինական եւ գլխաւորապէս Հայկական աղբիւրներն են: Դժբաղգարար այս երեք աղբիւրներուն հեղինակները մօտեցած են այս աղանդին եւ աղանդաւորներուն ո՛չ թէ պատմաբանի անաշառ քննութեամբ՝ այլ քննադատողի եւ յարձակողի սուր զէնքերով — անձքներով, զրապատութիւններով — եւ բանադրանքներով, սորով գժուար կ'ըլլայ պատմութեան ուսանողին իր անկողմնակալ ու ճշգրիտ եղբակացութիւնը հանել:

Առաջին տեղեկագրութիւնը Պաւղիկեաններու — մասին — օտար աղբիւրներէ առնուած՝ — Յունարէն անանուն գրաւթիւն մըն է որ հրատարակուած է Գերմանացի J. Friedrich-ի ձեռքով 1896-ին Գերմանիոյ Մինիս Սքատէմիի Sitzungsberichte-ի մէջ, եւ որմէ Յոյն պատմաբան Փոս (Photus) *) բաւա-

(*) Կ. Պոլոսյ մէջ Պաւղիկեան աղանդաւորները հալածող հաւատաքննիչներու գլխաւոր առաջնորդն էր:

կան օդուուած է, իր ժամանակին «Ընդրկմ Մանիֆեցւց», (Contra-Manicheans) անուն իր քառահատոր գիրքերուն մէջ: Ինչպէս նաև Պետրոս Սիկիւցին, որ անձամբ այցելած է Պաւղիկեաններու միջնաբերդը Էղող Տիվրիկը, Յ. Տ. 868-ին, միջնորդելու վերջիններուս մօտ որ աղաստ արձակեն Քիւզանդիոնէն առած իրենց զինուորական գերիները: Իր «Պատմութիւն Մանիֆեցւց» անուն գիրքը ձօնուած է Պուլկարիոյ Արքեպիսկոպոսին, ուր Պաւղիկեանները Միսիոնարներ կը զրկէին:

Հստ այս հեղինակներուն՝ Պօղոս Սամոսաթացին, (որ Կալինիկէ անունով Մանիքէցի կնոջ մը որդին էր) իր Յովհաննէս անուն եզրօր հետ Հայուստան կուգան իրեն Միսիոնար, եւ կը հաստառուին Ֆանարիի Եպիսկոպոսի գիւղին մէջ ու անկէ կ'սկսին տարածել իրենց աղանդը Փոքր Ասիոյ Յունական շրջաններուն եւ Հայ ժողովուրդին մէջ: Սակայն այս աղանդին գլխաւոր հիմնադիլը եւ մեծագոյն առաջնորդը եղած է իրզումի նահանգի, Մանանազի գաւառակին Կոստանդիանոս անուն ջորիպան մը: Օրին մէկը Պարոկական գերութենէ ազատած Ասորի եկեղեցական մը հիւր կ'ըլլայ այս Կոստանդիանոսի տունը: Վերջնոյն Հայկական անմըրցելի ասմինջականութենէն այնքան լաւ տպաւորութիւն կը կրէ, որ իր մեկնելուն ատեն անոր կը նուիրէ նոր Կտակարան մը, եւ կը թելաղիրէ որ կարդայ զայն: Կոստանդիանոս, 'ի բնէ կրօնասէր եւ Ճշմարտավոյզ մէկը, մէծ յափշտակութեամբ կը սկսի կարդալ զայն եւ կ'ըմբուշինէ անոր կենսատու պատգամները: Ու ինքը, ըլլալով ջորեպան մը, իր կարգացած եւ հասկցած ճշմարտութիւնները կը հաւորդէ ամենուն: Անիկա իր վարդապետութիւննե-

ըը առաւելապէս կը հիմնէ Զորս Աւետարաններու եւ Պօղոս Առաքեալի թուղթերուն վրայ: Եւ իր վը-րայ առնելով Պօղոս Առաքեալին ընկեր եղող Սիղ-ուանոսին անունը՝ կ'սկսի եկեղեցիներ հիմնել Քոսթրոնի, Քէօհու-հիսարի եւ Կիպոսայի մէջ, զորոնք, Պօղոս Առաքեալի հետեւողութեամբ Մա-կեդոնիոյ Եկեղեցիները կ'անուանէ: Իր յաջորդնե-րը կ'ըլլան Սիմոն, որ ինքինքը Տիտոս կ'անուանէ, Կէկնէսս, (որ Հայ մըն էր) Տիմէքնս անունը կը առնէ. Յովսէփը՝ Եպափրոդիտոս, Զաքարիա, պա-անէս եւ Տիւքիկոս մականուանեալ Սարգիսը: Ի-րենց հիմնած եկեղեցիներուն ալ նոր Կտակարանա-յին անուններ կը տրուին: Այսպէս – Մանանաղի եկեղեցին կը կոչուի՝ Աքիայի եկեղեցի, Արկէօնի եւ Սինօքորի եկեղեցին՝ Կողոսացոց, Մոփուսթա-յին՝ Եփեսացոց եւ այլն:

Փող եւ Պետրոս Սիկելացին հետեւեալ քանի մը դէպքեր եւ տեղեկութիւններ կոստան անոնց մա-սին: Կ'ըսեն թէ Երզրումցի Կոստանդիանոսը, այս տղանդին Հայ հիմնաղիքը, նահատակուեցաւ Յ.Տ. 684-ին Սիմէօն անուն Բիւլանդական պալատակա-նի մը ձեռքով որ զրկուած էր Կոստանդին Փոկոնա-տոս կայսեր կողմէ այս շարժումը ճնշելու նպատա-կաւ: Բայց Սիմէօնը այնքան կ'արդուի իր զոհին հաւատքին ու քաջութենէն, որ Պոլիս վերադարձին՝ կ'փոխուի, դարձի կուգայ, կ'ձգէ իր պալատական կեանքը, կ'վերադառնայ Հայաստան եւ այդ շար-ժումին զլուխն կ'անցնի եւ, հուսկ յետոյ, Յուստի-նիանոս Բ-րդ կայսեր հրամանով կ'մարտիրոսուի Յ.Տ. 690-ին:

12 տարի վերջ Հայազգի Պօղոսը որ այս հայտ-ձանքներէն փախած էր Եպիսփարիս, կ'ընտրուի

Պաւղիկեաններու առաջնորդը: Իր որդին Կէկնիոսը Յ.Տ. 722-ին Պոլիս կը տարուի ուր կը յաջողի բա-րեկամանալ Պատկերահալածներու պաշտպան Լեւոն Խաւորացի կայսեր: Կէկնիոսը կ'մեռնի Յ.Տ. 745-ին եւ իրեն կը յաջորդէ Եպափրոդիառոս կոչուած Յով-սէփը որ կ'աւետարանէ Փոխլիան եւ կը մեռնի Պի-սիդիայի Սնտիւքի մօտ տեղ մը 775-ին:

752-ին Կոստանդիանոս Ե-րդ կայսրը շատ մը Պաւղիկեաններ—որոնք քաջ կուտողներ էին — Մա-լաթիայէն, Էրզրումէն եւ Կիլիկիայէն Թրակիա կը տեղափոխէ պաշտպաննելու իր կայսրութեան սահ-մանները Պուլիար եւ Մըստան ցեղերու յարձակում-ներուն դէմ:

Մակայն Պաւղիկեան Հայերու կրօնական շար-ժումի մնջակոյն առաջնորդը եւ ամէնէն շատ դործ տեսնողը կ'ըլլայ Տիւքիկոս կոչուած Սարգիսը, որ Բ-րդ գարու սկիզբները ոգտուելով Նիկոփորոս կայսեր բարեացակամութենէն, կ'սկսի իր պալքե-լութիւնը եւ Աւետարանի ղիտութեամբը կը լեցնէ ամբողջ Հայաստանը: Իր թուղթերէն մէկուն մէջ, որ կորսուած է դժբաղդաբար, այսպէս նկարագրած է եղեր իր գործունէութիւնը. «Արեւելքէն Արեւ-մուտք, Հիւսիսէն Հարաւ վազեցի, մինչեւ որ ծուն-կեր յոզնեցան՝ եւ Քրիստոսի Աւետարանը քարո-ղեցի»:*)

Բիւլանդիոնի Հայազգի Լեւոն Ե-րդ կայսրը, թէեւ պատկերահալած մէկը, չի համակրեցաւ այս Պաւղիկեան Հայերուն եւ նոր Հալածանք մը սկսաւ անոնց դէմ, եւ պատճառ դարձաւ յեղափոխութեան մը իրեն դէմ, Սինոսքորայի մէջ՝ ուրկէ շատերը

(*) The Key of Truth p. liii.

Եմալաթիոյ քովը գտնուած Սարակինոսաց հողը ապաստանեցան։ Այս Պաւղիկեան Հայերը յաջորդ 50 տարիներու մէջ այնքան զօրացան, որ շարունակ կանոնաւոր փոխվրէժի պատերազմ մղեցին Բիւդանդական կայսրութեան դէմ։ Թէեւ իրենց առաջնորդ Սարգիսը գտատապարտեց այս փոխվրէժի պայքարը, բայց չի յաջողեցաւ կասեցնել զայն։

Պաւղիկեաններու ամէնակատաղի հալածիչը եղաւ Թէոդորա կայսրուհին (Յ. Տ. 842-857), որ մօտաւորապէս 100,000 Պաւղիկեան Հայեր կախեց, խաչեց, ծովամոյն ըրաւ կամ զիսատել տուաւ։ Աղատուածները փախան, Ամբար եւ Տիվրիկ եւ հոն կազմակերպուելով Կարպիսս եւ Քրիստէյր անունով հրամանատարներու ձեռքին տակ՝ սաստիկ նեղեցին Բիւզանդական կայսրութիւնը մինչեւ Յ. Տ. 873-ը, երբ Վասիլ կայսրը յաջողեցաւ սպաննել Քըրիսոքէյրը եւ գրաւել Տիվրիկ միջնարերգը եւ հիմնայատակ կործանել զայն։

Տիվրիկի կործանումէն վերջ, սակայն, երբ նոյները կարծեցին թէ Պաւղիկեաններու կրօնական շարժումը այլեւս վերջ գտած էր, անիկա վերակալմուած ու զօրացած՝ նոր անունով մը երեւան եկաւ Վան քաղաքի Հիւսիս-Արեւմտեան կողմ գրանուած Քաջրերունեաց նահանգի Տիատին գիւղաքաղաքի քով գտնուած Թոնիրակ կամ Թոնտարակ անուն աւանին մէջ, եւ այդ իսկ պատճառաւ աղանդին հետեւողներն ալ Թոնդրակեցիներ կոչուեցան եւ տարածուեցան Արեւելեան Եփրատի եւ Ալանաց երկրին մէջ։ Այս ատենները Թոնդրակեցիներու աղանդը շատ զօրացաւ Բաղրատունեաց նախարարութեան անուանի առաջնորդներէն Սմբատ Բագրատունի Սպարապէտի առաջնորդութեան ներքեւ, որ

կազմակերպեց նոր աղանդի եկեղեցին ու անոր նը-ուիրուած պաշտպաններէն մէկն եղաւ։ Այդ իսկ պատճառաւ Հայ եկեղեցականները զինքը մատնեցին տիրող Սրբար իշխանութեան։ Այնպէս որ Պաղ-տատի Խալիֆան, Վանի ծովակին Արեւմտակողմ գտնուած Ախլաթ բերգին մէջ գտնուած ատեն, Սմբատ Բագրատունին իր առջևը բերել տուաւ եւ դաւաճանօրէն զայն չղթայի զարնելով՝ Միջագետ-քի Սամարա քաղաքը զրկեց, ուր Սմբատ Բագրա-տունի Սպարապէտը — ըստ պատմիչներու, «Սուրբ Աւետարանն ու Աստուածային գիրքերը ձեռքին» հահատակուեցաւ։

Սմբատ Բագրատունիէն վերջ 170-200 տարիներու ըրջանի մը մէջ Էօթը յաջորդներ ունեցաւ այս շարժումը, ըստ Գրիգոր Մաղիստրոսի վկայութեան, որ Միջագետքի եւ Վասպուրականի գուքսն էր, եւ որը Կոստանդիանոս Մոնքամոս կայսեր հը-րամանաւ եւ օգնութեամբ հարստահարեց ու կեղեց այս Թոնտարակեցիները Յ. Տ. 1040-ին։ Այս թուականէն 50 տարի վերջ անոնք աւելի շատցան Ակրիփոյ եւ Կիլիկիոյ մէջ, ինչպէս կը վկայեն Ներ-սէս Շնորհալին եւ Ներսէս Լամբրոնացին։

Ժ-րդ զարուն Վասպուրականի Նարեկ վանքի վանահայր Գրիգոր Նարեկացին — Նարեկ գրքին Հեղինակը — ամբատանուեցաւ իրրեւ հետեւող Թոնդրակեցիներու աղանդին, մինչեւ որ վերջինս ստիպուեցաւ Կաւայ վանքի Վանահօր ուղղեալ իր մէկ գրութեամբը հերքել իրեն եղած վերագրումները։ Ժ-րդ զարուն Արիստակէս Լատիվերգցին եւ Պօղոս Տարոնացին նոյնիմաստ գրութիւններ ստո-րագրած են Թոնդրակեցիներուն դէմ։ Այս երկու դարերուն մէջ (Ժ-րդ) Թոնդրակեցի Հայերու պը-

րոպականտը լեցուց ամբողջ Հայաստան աշխարհը :

Եւրոպայի Խաչակիրները երբ Պաղեստին արշաւ-
ւեցին Ս. Երկիրը գրաւելու Սարակինոսներու ձեռ-
քէն՝ բազմաթիւ Թոնդրակեցի Հայերու հանդիպե-
ցան Սիւրիոյ և Պաղեստինի մէջ որոնք իրենց էին
Պալքինքան անունովը կը ճանչցուէին : Թ-րդ դա-
րու վերջին կիսուն անոնք արդէն իսկ տարածուած-
էին Պուլկարիոյ մէջ, որ 969-ին Յովհաննէս Զմշ-
կիկ կայսրը անոնցմէ նոր պազութ մը կազմեց Փի-
լիպպէի մէջ : Խաչակիրներու արշաւանքին ժամա-
նակն էր, որ Գերման կայսրը՝ Փրէտէրիք Պարսպա-
րոսան, 1189-ին զանոնք գտաւ շա՞մ զօրաւոր վի-
ճակի մէջ : Ասոնք էին որ Հիմք գրին Պոկոմիլ կոչ-
ուած աղանդին Պուլկարիոյ մէջ, որ ապա սկսաւ
տարածուիլ ու համնիլ մինչեւ Հարաւային ֆրան-
սա և Հոն միանալ Ալախիմէնեան կամ Գադարի ա-
զանդին, որ երկար ժամանակ անհանդիստ վիճակի
մէջ պահեց Կաթոլիկ եկեղեցին, մինչեւ որ Պապե-
րը, Սարակինոսներու դէմ եղած խաչակրութեան
յարեւնման խաչակրութիւն մըն ալ այս Ալպիմէն-
եաններու գէմ հանեցին, ու զանոնք ջարդ ու փշուր
րրին :

Եւրոպացի հեղինակներէն ոմանք կը հաւաստեն
թէ Գերմանիոյ մէջ երեւան եկած ԺԶ-րդ դարու
Բարեկարգութեան շարժումը, որ սարսեց Պապա-
կան եկեղեցին, ու ծնունդ տուաւ Բնողքական Յա-
րանուանութեան՝ իր ծագումն ու մնունովը առաւ
Պալքիեան-Թոնդրակեցի Հաւատաւոր ու Ջերմեա-
սանդ Պրոպականտիստներէն, որոնք լեռ ու ձոր
ծով ու ցամաք կարելով՝ Աւետարանի քարոզու-
թեամբ լեցուցին Հարաւային Եւրոպա:

ԺԲ-րդ դարէն վերջ, Հայ հեղինակներու գրու-

թեանց մէջ, այլ եւս չենք հանդիպեր Թոնդրակե-
ցիներու մասին ոնչէ ակնարկութեան՝ մինչեւ ԺԼ-
րդ դարը, երբ անոնք կրկին կը յայտնուին իրենց
կեղրոնավայրին Թոնդրակի մէջ, եւ ուրկէ զաղթե-
լով կովկաս՝ կ'ենթարկուին Էջմիածնի հալածանք-
ներուն, ինչպէս տեսանք :

ԱՆՈՒՅ ՎԱՐԴԱՊԵՏՈՒԹԻՒՆԸ

Գալով Պաւղիկեան-Թոնդրակեցիներու հաւա-
տալիքներուն՝ իրենց Բանալի ծշմարտութեան ա-
նուն գրքոյկէն զատ, որուն կարեւոր մասերն ալ-
ինչպէս տեսանք — կորուած, հանուած էին, շատ
քիչ բան գիտենք, ի բաց առեալ այն մի քանի թըշ-
նամական փաստերէն՝ որոնք շատ ալ արժանահա-
ւատ չեն կրնար ըլլալ :

(ա) Շատերը Մանիքէցիները և Պաւղիկեանները
կը նոյնացնեն իրարու հետ : բայց, Պաւղիկեաննե-
րը կը նզովէին Մանիքէցիներու առաջնոր-
դը : Հետեւաբար սիսալ է զանոնք Մանիքէցիներ կո-
չէլ : Գրիգոր Մագիստրոսը 1040-ին, կ'ամբաստա-
նէ Թոնդրակեցիները որ իրը թէ կը սորվեցնեն թէ
«Մովսէս զԱստուած չի տեսաւ Սինա լեռան վրայ՝
այլ դեւը», ու ատկէ կը հետեւցնեն թէ անոնք Մա-
տանան կ'ընդունին իրբեւ երկինքի ու երկր՝ ինչ-
ողէս նաեւ մարգկութեան Արարիչը :

Բանալի ծշմարտութեանը ընդհակառակն կը
սորվեցնէ թէ Աղամ ու Եւայի անկումէն յետոյ, ա-
նոնք — ինչպէս նաեւ իրենց զաւակները — Սատա-
նայի կերիներ զարձան՝ մինչեւ նորաստեղծ Աղամի
—Յիսուս Քրիստոսի—գալուստը (*) : Գրիգոր Մա-
գիստրոսը կ'ըսէ թէ անոնք կրկնաստուածեաններ

(*) The KEY of TRUTH, pp. 10-11.

(dualist) էին : Բայց իրմէ զատ ոչ մէկ Հայ հեղիսնակ Պաւղիկեաններու dualism-ին վրայ շեշտ կը դրնէ : Յովհ : Օձնեցի Կաթողիկոսը ակնարկութիւն իսկ չըներ այդ մասին :

(բ) Անոնք, կ'ըսուի, կը մերժէին կոյս Մարիամը, այլաբաննելով զայն իրբեւ Վերին Երևանադէմը, ուրուն մէջ Յիսուս եկաւ եւ որմէ դուրս ելաւ . եւ կը մերժէին Հաւատալ թէ Ան, իրապէս, Մարիամէն մարմին առաւ : Յովհ : Օձնեցին կը տեղեկագրէ թէ է-րդ գարուն Հայ ուղղափառ եկեղեցւոյ մէջ, չատերը կ'ընդունէին թէ Քրիստոս մարմին եղաւ կոյս Մարիամին մէջ, բայց ո՛չ ԻՐՄէ, եւ սոսոյդ է թէ Պաւղիկեանները կը բաժնէին այս կարծիքը :

(գ) Անոնք կ'այլաբանէին Հաղորդութեան Խորսչուրդը, եւ կը մեկնարանէին Հաց եւ գինին, որոնց մասին խօսեցաւ Յիսուս իր աշակերտներուն, ըսելով, «Առէ՛ք ու կերէ՛ք», «առէ՛ք ու խմեցէ՛ք», իրբեւ պարզ խօսքեր : Հետեւարար պէտք չ Հաց եւ գինի մասակարարել իրբեւ խորհուրդ եւ յիշատակ Քրիստոսի մահուան : Ըստ Գրիգոր Մագիստրոսի՝ Թոնդրակեցիները կ'ընկունէին թէ «Յիսուս վերջին Ընթրիքին ատեն, ո՞չ թէ պատարագ մատուցանելու մասին խօսեցաւ, այլ ամէն մեղանի մասին» : Ասկէ կարելի է Հետեւցնել թէ Պաւղիկեանները պարզապէս Յոյն եկեղեցին վերաբերեալ Հաղորդութեան ծէսերն ու վարդապետութիւններն էր որ կը մերժէին : Ըստ Մագիստրոսի՝ Թոնդրակեցիները կ'ըսէին, «Մենք նիւքի երկրպագողներ չենք, այլ Աստուծոյ : Մենք խաչը եւ եկեղեցին, ինչական բարչական շուրջաները եւ պատարագը անարժէ՛ք կը նկատենք եւ շեշտ կը դնենք միայն ներքին խորհուրդին վրայ :

(դ) Անոնք կը յարձակէին խաչին վրայ, ըսելով թէ «Քրիստոսն է խաչը, եւ թէ մենիք պկտք չէ որ խաչափայտը պաշտէնք, քանի որ անիկա անէծքի գործիք մըն է» : Յովհաննէս Դ-րդ Օձնեցի Կաթողիկոսը եւ ուրիշ Հայ հեղինակներ միեւնոյն բանը կը գրեն Հայ Պաւղիկեաններու կամ Թոնդրակեցիներու մասին, եւ կ'աւելցնեն թէ անոնք ուր որ խաչ մը տեսնէին՝ ջարդ ու վշտուր կ'ընէին :

(ե) Կ'ըսուի թէ անոնք կը մերժէին Պետրոս Առաքեալը՝ զինքը Քրիստոսուրաց կոչելով, եւ չէին ուղեր անոր ապաշխարութիւնն ու արցունքը անկեղծ ընդունիլ : Եւ իրենց գրուածներէն մէկուն մէջ կ'ըսէն եղեր, «Ո՞վ Պետրոս, ու ընկերոյ Պօրունի ալ դատապարտուեցար սխալելուդ համար, ինչպէ՞ս մարդիկ կ'ըսեն թէ Քրիստոս Պետրոսի վրայ շինեց Եկեղեցին : Տէրը չ'ըսաւ անոր ՔՈՒ ՎԵՐՍՒԴ պիտի շինեմ Եկեղեցին, այլ ԱՅՍ ՎԵՄԻՆ ՎԵՐՍՅՅ :» Ասոր Համար Գրիգոր Մագիստրոսը կը տեղեկագրէ թէ Թոնդրակեցիները կ'ըսէն եղեր թէ «մենիք կը սիրենիք Պօղոսը եւ դուրս կը փայնենիք Պետրոսը » Սակայն Բանալի ծշմարտութեան մէջ Պետրոսի Հանդէպ այս ծայրայեղ ատելութեան Հետքն իսկ չի տեսնուիր : Հոն միայն կ'ըսուի թէ բոլոր Առաքեալները միասնին կը կազմէն տիեզերական եկեղեցին եւ ո՞չ թէ Պետրոսը միանալ : Եւ Թոնդրակեցիներու բնարութեան (Election) արարողութեան ատեն, արարողապետը կ'առնէր Պետրոսի ծխոտկան անունը : Եոյնանման արարողութիւն մը գոյութիւն ունէր Գաղարիներու մէջ ԺԲ-րդ դարուն, ուր իւրաքանչիւր երկցը (Presbyter) Պետրոս մըն էր :

(զ) Անոնք իրենց ժողովները կարուղիկի Եկեղեցի կ'անուանէին, եւ իրենց հաւաքատեղիները՝ Ա-

զօթարաններ (Պրոսուլսայ) : Թոնդրակեցիները նմանապէս կը մերժէին եկեղեցի անունը տալ քարէ կամ վայսէ շինուածքներուն, այլ իրենց խումբը, կամ հաւաքալանութիւնը կ'անուանէին եկեղեցի :

(է) Անոնք շատ շեշտ կը դնէին Մկրտութեան խորիուրդի վրայ : Ու թէեւ կը մեղադրուէին իբր թէ եկեղեցիի մկրտութեան ջուրը «պարզ լուացուելու ջուր» կը համարեն, եւ իրական ջուրը Քրիստոսը կը սեպէն որ բաւ, «Ես եմ կենդանի ջուրը,» այսուամենայնիւ ոեւէ ապացոյց չունինք թէ անոնք կը խուսափէին ջուրի մկրտութիւնը : Արդի Թոնդրակեցի Հայեր, որոնցմէ ոմանք դեռ կան ներկայ Հայաստանի Շիրակ գաւառին մէջ, գետերու մէջ կը մկրտուին, եւ ԺՄ-ըդ գարուն երբ Գրիգոր Մագիստրոս կը հարցնէ անոնց թէ «Ինչո՞ւ կանուխէն չեն մկրտուիր», անոնք կը պատասխանէն, «Դուք մկրտութեան խորիուրդը չէ հասկնար : Մենի չենի անապարեր մկրտուելու, որովհետեւ մկրտութիւնը մահ է :» Անոնք անտարակոյս կը յետաձգէին մկրտութիւնը, թէեւս անոր համար, որ կ'ընդունէին թէ մկրտութենէ վերջ գործուած մեղքը աններելի էր այլեւ :

(ը) Պաւղիկեանները արտաքնապէս կը համակրէ-ին տիրապետող եկեղեցիին, եւ կը հաւատային թէ Քրիստոս պիտի ներէր իրենց այդ բանը : Միեւնոյն բանը կ'ընէին նաև Թոնդրակեցիները, —Հայաս-տանէաց Առաքելական եկեղեցիէն չէին բաժնուեր, բայց իրենց առանձին հաւաքոյթներն ու ժողովներն ալ կը շարունակէին ունենալ :

(թ) Անոնք կը մերժէին եկեղեցւոյ կարգերը, եւ եկեղեցականներու համար միայն երկու տատիճան-ներ կ'ընդունէին, այսինքն Շրջիկ Աւետարանիներ

(Պործ. Ճ.թ. 29) եւ Ընդօրինակողներ, — Դպիրուեր (Copyists) : Անոնք իրենց չորս գլխաւոր հիմնադիր-ները — Կոստանդիանոսը, Պողոսը, Տիրքիկոս մա-կանուանեալ Սարգիսը եւ Սմբատ Բագրատունի Ապարանիկոսը Առաքելայներ եւ մարգարէներ կ'ան-ուանէին, ախտղոսներ՝ որոնք Բանալի ձշմարտու-քեան մէջ ալ արուած են իրենց առաջնորդ ընտր-ուողներուն : Թոնդրակեցիները դէմ էին նոյնպէս եկեղեցական սքեմին եւ ամէնքը միատեսակ կը հագ-նուէին :

(ժ) Անոնք կ'ընդունէին Զորս Աւետարանները եւ թուղթերը — Յայտնութեան զիրքի բացառութեամբ թէերեւու : Թէեւ Յոյն Հեղինակները կը պնդէին թէ Պաւղիկեանները կը մերժէին նոյնպէս Ա. եւ Բ. Պետրոսի թուղթերը :

(ժա) Անոնց Քրիստոսաբանութիւնը (Christology) հետեւեալն էր, թէ Քրիստոս խաչուեցաւ ու թաղ-ուեցաւ եւ յարութիւն առաւ ու երկինք համբար-ձաւ : Քրիստոս սոսկ արարած էր, եւ «Աստուծոյ Որդի» տիտղոսը ընդունեց Աստուծոյ պատուէրները լիուլի կատարելուն իբր վարձատրութիւն : Սակայն Բանալի ձշմարտութեան կ'ըսէ թէ Քրիստոս Աստը-ւած եղաւ իր Մկրտչիթենէն եծթլ : Անոր՝ Վասն Ս. Մկրտութեան հասուածին մէջ այսպէս կը կար-դանք, «Նախ, Տէրն մեր Յս. Բս. մկրտեցաւ իրա-վանաւն Հօրն երկնաւորի, երեսուն ամեայ, որպէս տւրքն զուկաս յայտնեալ զամս նորա . . . Արդ, ՚ի ժամանակի կատարելութեան էաւ զմկրտութիւն, էաւ ա'նդ իշխանութիւն, էաւ զբանայապետու-թիւն, էաւ զբազալութիւն, եւ զիովուապետու-թիւն : Դարձեալ ա'նդ ընտրեցաւ, ա'նդ պիրեացաւ, ա'նդ զօրացաւ, ա'նդ յարգե-

ցաւ, ա'նդ պայմանադրեցաւ, ա'նդ փառաւորեցաւ, ա'նդ գովիցաւ, ա'նդ կրծուեցաւ, ա'նդ փայլեցաւ, ա'նդ քերկրեցաւ եւ ա'նդ ուրախացաւ։ Խոկ արդ ա'նդ եղեւ զուլս երկնաւորաց, եւ երկրաւորաց, ա'նդ եղեւ լոյս աշխարհի, ա'նդ եղեւ համապարհ նւմարտութիւն, եւ կեանի. ա'նդ եղեւ զուն երկնից, ա'նդ եղեւ Վէմ ամյալը ելի ի դրանց դժոխաց, ա'նդ եղեւ հիմն մերոյս հաւատոյ, ա'նդ եղեւ Փըրկիչ մեզ մեղաւորացս, ա'նդ ԼՅԱՒ ԱՍՏՈՒԱԾՈՒԹՅՈՒՆ, ա'նդ ԿՆՔԵՑԱՒԻ, ա'նդ օծեցաւ, ա'նդ ձայնեցաւ, ա'նդ եղեւ սիրելի, ա'նդ եղեւ պատառեալ ՚ի երեշտակաց, ա'նդ եղեւ Գիտն անարատ։ Նա եւս ա'նդ զգեցաւ զուսեղէն պատմուհանն զառաջին զոր կորոյս Աղամն ՚ի դրախտին։» (*)

Որով, բայ Բանալին, Քրիստոս այն ատեն Արդի ճանչցուեցաւ՝ երբ մկրտուեցաւ եւ երկինքն իր որդիութիւնը վաւերացուեցաւ։

Իսահակ Կաթողիկոսէն զրուած զրութիւն մը կայ, ի-րդ զարէն մնացած, որ կը կոչուի՝ «Պարսաւանին ընդդէմ Հայոց», (An Invective against the Armenians), որոն մէջ անիկա կ'ամփոփէ Պաւղիկ-ևաններու հաւատամքը, որ հետեւեալն է —

(1) Քրիստոս երեսուն տարեկան էր երբ Մկրտուեցաւ. հետեւաբար անկէ առաջ մկրտուելու չէ։

(2) Քրիստոս իր մկրտութենէն վերջ չ'օծուեցաւ զմուռնով կամ սուրբ միւռոնով, հետեւաբար պէտք չէ զմուռս եւ սուրբ միւռոն զործածել։

(3) Քրիստոս աւազանի մէջ չի մկրտուեցաւ, այլ զետի մէջ. հետեւաբար պէտք չէ աւազանի մէջ մըկրտուիլ։

(*) Բանալի Ճշմարտութեան, էջ 5, 6, Լուսուն 1868:

(4) Քրիստոս երբ մկրտուելու մօտ էր, Նիկիոյ 318 Հայրապետաց հաւատամքը չի կրկնեց, հետեւաբար անմիկա կրկնուելու չէ։

(5) Երբ Քրիստոս մկրտուեցաւ, զինքը չի դարձուցին դէպի Արեւուտով «Ճրածարիմֆ ի Սատանայէ» ըսելու եւ Անոր վրայ փչելու, եւ ո՛չ ալ յետոյ դէպի Արեւելք դարձուցին Աստուծոյ հետ միանալու, որովհետեւ ինչը նշմարիտ Աստուծ էր։ Հետեւաբար այս բանը պարտադրելու չէ մկրտուող-երուն։

(6) Քրիստոս իր մկրտութենէն վերջ չի հաղորդուեցաւ, հետեւաբար մկրտուողինը հաղորդուելու չեն։

(7) Քրիստոս, իր մկրտութենէն վերջ, միայն 40 օր ծոմ պահեց, եւ 120 տարիներէ ՚ի վեր այս աւանդութիւն պահուեցաւ եկեղեցւոյ մէջ։ Ուստի մենք ալ 50 օր ծոմ կը պահենք Զատիկին առաջ։

(8) Քրիստոս մեզի չ'աւանդեց Հաղորդութեան հորիուլոյ մատակարարել եկեղեցիին մէջ՝ այլ հասարակ տան մը մէջ եւ հասարակ սեղանի մը շուրջ։ Հետեւաբար Հաղորդութիւնը եկեղեցիին մէջ ընելու չէ։

(9) Ընթրիքէն վերջն էր որ մինչ իր աշակերտները կշտացեր էին, Քրիստոս իր մարմինէն տուառուելու։ Ուստի, նախ կերակուր ուտելու եւ կշտանալու է, եւ անկէ վերջ՝ Հաղորդութեան Ս. Խորհուրդին մասնակցելու է։

(10) Թէեւ Քրիստոս մեզի համար խաչուեցաւ, եւ սակայն չի պատուիրեց մեզի խաչը պաշտել. ուրեմն խաչափայտը պաշտելու չէ։

(11) Քրիստոս ո՛չ ուսնոց, ո՛չ շուրջառ, ո՛չ փիլոն եւ ո՛չ ալ վեղար զործածեց. ուստի այս բանե-

թը գործածելու շեն եկեղեցականները:

Այս բոլոր բոռւածներէն կարելի է եղբակացնել հետեւեալը, թէ Պաւղիկեան-թոնդրակեցի Հայերու շարժումը, որուն համար պատմագէտ կտուըրտ Կիւղընը կ'ըսէ թէ «շարժեց Արեւելքը եւ լուսաւորեց Արեւմուտքը»,» առաւելապէս ուղղուած էր Յոյն եւ կաթոլիկ եկեղեցեաց ծիսապաշտական դրութեանց դէմ, եւ միաժամանակ բարեկարգութեան համար եղած փորձ մըն էր Հայաստանեայց Առաք. եկեղեցին ներս: Եւ թէ եւ իր խորքին մէջ Աւետարանական, եւ իր ընդարձակութեան մէջ ուժեղ, չի յաջողեցաւ արմատ կապել Հայ հողին վրայ եւ տալ բաղացուած օգուտը: Նոյնիսկ իր վարդապետութիւններէն ոմանք թէ եւ յար եւ նման մեր արդի Աւետարանական լրբանումներուն, չատ մը կէտերու մէջ բոլորովին անհնամ են անոնց: Ամենայն հաւանականութեամբ Հայաստանեայց Առաք. եկեղեցւոյ լայնախոհ աղատամատութիւնը եւ ուամկավարական ողիին մերձեցում՝ արդիւնք կարելի է համարել, որոշ չափով, այս շարժումէն վերջ որդեգրուած ներու ողամիտ եւ թոյլատու ողիին, որ զլիսաւոր յատկանին մէկն է այժմ Հայաստանեայց Առաք. եկեղեցւոյ, եւ օգնած է անոր՝ վարերով պահել իր գոյութիւնը իբրեւ առաջին աղքային Քրիստոնեայ եկեղեցին Մերձաւոր Արեւելքի մէջ:

Այսու ամենայնիւ այս Պաւղիկեան-թոնդրակեցի Հայերու քաջութիւնը եւ հաւատքի սքանչելի օրինակներու ցուցադրութիւնը ամէն գովասանքէ վեր է: Իրենց հաւատաճքին եւ Քրիստոնէական վարդապետութեանց մէկ կարեւոր մասը յար եւ նըման են մեր արդի Աւետարանական լրբանումներուն. եւ այժմ, մենք Հայ Աւետարանականներս,

իրաւունք ունինք հպարտութեամբ յիշելու թէ Հայ Աւետարանական. շարժումը օտարամուտ շարժում մը չէ ինչպէս յաճախ մեր երեսին կուտան Առաք. Եկեղեցւոյ մեր եղբայրները, այլ ծագում առած է Հայաստանի մէջ, Հայ հողին վրայ 1250 տարուան սկատկառելի անցեալի մը մէջ: Իրը ազգ առաջին անդամ Քրիստոնէութիւնը ընդունողները Հայեր էին: ԺԶ-րդ դարու Բարեկարգութեան շարժումը սկսողները, ամենայն հաւանականութեամբ, այս Հայերն էին Պաւղիկեան-թոնդրակեցի անուններու տակ: Մեր Անի մայրաքաղաքը «1001 եկեղեցիներու» անունով կը ճանչցուէր միջին դարերու մէջ: Իսկ ԺԹ-րդ դարու վերջերը եւ ներկայիս մանաւանդ, Հայ ազգը —իր մարտիրոսներով ու նահատակներով—ծանօթացուցած է ինքզինքը աշխարհի: Կրօնքը անցեալի ամէնափառաւոր կտակը եղած է Հայ ազգին: Նահատակ ազգի մը մնացորդներս մոռնալու չենք այս անվիճելի իրողութիւնը, եւ աշխատելու ենք միշտ բարձր պահել Հայ անունն եւ Քրիստոնէական կրօնը:

Ֆառւլը, Քալիֆ.

ԱՐՄԵՆ Ա. ԿԵՕՐԿԻԶԵԱՆ

————— (*) —————

ՀԱՅ ԲՈՂՈՔԱԿԱՆՈՒԹԵԱՆ ՊՏՇՈՒՂՆԵՐԸ

Հայ Աւետարանական շարժումը՝ ինչո՞ւ եւ ի՞նչ-պէս ծագում առաւ, ասիկա մեր նիւթի սահմանէն վուրս կը մնայ: Խորհողներ եղած են եւ կան, ուրոնք կը խորհին թէ Հայ Աւետ: շարժումը Հայ աղջին համար օգտակար եղած չէ: միւս կողմէն, խորհուղներ ալ կան, որոնք կը խորհին թէ Հայ Աւետ: շարժումը հայութեան համար ոչ միայն օգտակարութիւն ունեցած է, հասկա մեծ օրհնութիւն մը եղած է: Հայ Աւետ: շարժումը քննադատովներ, միայն աղջայնական տեսակէտէ է որ անոր վրայ կը յարձակին, բոլորովին անտեսելով այն բազմաթիւ առաւելութիւնները եւ բազմապիսի օգտակարութիւնները, որոնք ծնուեն առած են Հայ Բողոքականութեան ծոցէն: Թէ որ Հայ Աւետարանականներ աղջայնական զգացումով բազմատարար թոյլ եղած են, ատոր գլխաւոր պատասխանատուն ո՞վ եղած է, այս մասին, քիչ ետքը, մի քիչ ըսելիք պիտի ունենամ:

Մեր Տէրը ճշդրիս եւ ափեզերական սկզբունք մը մէջտեղ դրաւ երբոր ըսաւ, «իրենց պատովներէն սկիտի ձանչնաք զանոնք:» Աեւէ շարժում կամ կադամակերպութիւն կրնաս լաւագոյնս զատել իր պըտուղներէն: Եթէ պատուղները լաւ եղած են, ըսել է թէ շարժումը լաւ եւ օգտակար եղած է, եթէ պըտուղները գէջ եղած են, ըսել է թէ շարժումը գէջ եւ լինասակար եղած է: Ասոր համար մեր արդի ուսումնասիրութեան առարկան պիտի ըլլայ «Հայ Բողոքականութեան Պտուղները:» Պտուղները տեսնե-

էն վերջը, կը ձգենք որ ամէն անձ իրեն համար ապա արդար վճիռը:

Բուն նիւթիս չանցած պարտք կը համարեմ պարզել սա կէտը թէ Ամերիկան Միսիոնարներ ունեէ կէրպով պատասխանութու եւ այլանելի չեն, Հայ Բողոքականութեան Մայր մարմինէն եւ Եկեղեցիէն անջատուելուն համար: Պատմական տուեալներ եւ իրողութիւններ, ոմանց կողմէն տածուած այս գաղափարը չեն հաստատեր: Ճշմարտութեան սիրոյն համար պէտք չ շատ որոշ կերպով գիտնանք թէ Միահիօնարքներ Հայերը հաւատափոխ ընելու չեկան, «ա զատ եկեղեցի մը հաստատելու գաղափարը ունէն ի սկզբանէ: Արդարեւ, առաջին Միահիօնարքները հակառակ էին Եկեղեցին մէջ բաժանում յառաջ բերելու, եւ անոնց բուն փափաքն էր Մայր Եկեղեցին մէջ նոր բարեկարգութիւն եւ կենտունակութիւն մը յառաջ բերել: Առաջին Միահիօնարքներէն, Մր. Կուտէլ ըսած է, “We tell them frankly, you have sects enough among you already, and we have no design or setting up a new one, or of pulling down your churches or drawing away members from them in order to build up our own.” As helpers, never as antagonists, the missionaries of the American Board went to meet the Armenian people and their Church.

Սակայն՝ քանի Միահիօնարքներ անհատներու հետ աեսնուեցան, եւ Աւետարանի լոյսով անոնց միտքերը լուսաւորեցին, անոնք ինքնաբերաբար տեսան աւելորդապաշտական բաները, որոնք մուտ գործած էին Մայր Եկեղեցին մէջ, եւ անոնք պահանջեցին որ այդ մասին բարեկարգութիւններ տեղի ունենան: Եւ հազիւ թէ բարեկարգութիւնն պահանջը ներկայացուեցաւ, Մայր Եկեղեցիի առաջ-

ւակներու ծառայութենէն զրկուած են. եւ վերջէն ալ զիրենք պախարակած են իրենցմէ բաժնուելուն և զիրենք չսիրելուն համար:

Ժամանակը կը լուծէ եւ կը հարթէ անցեալին մէջ գործուած շատ մը սխալները: Բարեբազզարար, Մայր Եկեղեցին տեսած է անցեալին մէջ իր գործած սխալները, եւ Բողոքական համայնքին հանդէպ աւելի թոյլատու եւ մտերմական դիրք մը բոնած է: Եւ Բողոքականներն ալ փոխազարձարար Մայր Եկեղեցին հանդէպ աւելի բարեացաւկամ եւ համակիր դիրք մը կը բոնեն, եւ թէպէտեւ գեռ միաձուլուած չեն, բայց երթալով իրարու կը մօտենան, եւ իրարու կ'երկարեն սիրոյ եւ գործակցութեան ձեռքը:

Թիւրքիոյ մէջ Աւետարանական շարժումի ծառարումը խիստ ուշադրու եւ հետաքրքրական է: Երանի թէ ժամանակ ունենայինք այդ պատմութեան մի ամփոփ նկարազրականը ընելու: Սակայն ըստիպուած ենք նիւթին այս մասը բոլորովին զանց տոնել, եւ անմիջապէս անցնիլ մեր բոն նիւթին:

Հայ Բողոքականութեան պատուղները ինչ եղան: Արտադրուած պտուղներէն մի քանի հատը հակիր-ձօրէն թուեմ:

1. Բողոքականութիւնը, մէկ դարէ պակաս շըր-ջանի մը մէջ, աչքառու եւ խոշոր համայնք մը յա-ռաջ բերաւ: Հայ Աւետ. համայնք մը ստեղծուեցաւ, Թիւրքիոյ մէկ ծայրէն մինչեւ միւս ծայրը, տարածելով իր ճիւղերը ամէն մէկ նահանգ: Այս համայնքի թիւին եւ ծաւալին մասին, Ամերիկեան Պօրտ Բնկ հան 1910-ի վիճակազրութիւնը հետեւ-եալ թիւերը կուտայ:

MISSIONS:- European Turkey; When established 1859

Number of stations 5, Outstations 51, Places of meeting 57, Organised churches 19.

Western Turkey; Established 1819, Number of stations 8, Outstations 98, Places of meeting 126, Organised churches 44.

Central Turkey; Established 1847, Number of stations 4, Outstations 56, Places of meeting 46, Organised churches 33.

Eastern Turkey; Established 1836, Number of stations 5, Outstations 109, Places of meeting 84, Organised churches 45.

MISSIONS (cont.):- European Turkey; Communicants 1,454, Adherents 4,047, Sun. School membership 2,512, Native contributions \$7,692, Total native laborers, 109.

Western Turkey; Communicants 4,704, Adherents 16,771, Sun. School membership 10,981, Native contributions \$72,238, Total native laborers 408.

Central Turkey; Communicants 5,561, Adherents 15228 Sun. School membership 24,479, Native contributions \$30,227, Total native laborers 320.

Eastern Turkey; Communicants 3,050, Adherents 14,132, Sun. School membership 7,134, Native contributions \$17552, Total native laborers 304.

Բնել է թէ 1910-ին, ամբողջ Թիւրքիոյ մէջ կա-յին, 22 Միսիոնարական կայաններ, 314 հնթակա-յաններ (Outstations), 313 ժողովատեղիններ, 141 կազմակերպեալ Եկեղեցիններ, 14369 հազորդական անդամներ, 50,178 ժողովուրդ (adherents), 45,106 Կիր. Դպրոցի ուսանողներ, 127,709 տորարի հոգե-ւոր տուրք տեղացիններէն, 1,144 տեղացի գործիչներ, որոնց 88 հատը ձեռնադրուած պաշտօնեաններ էին:

Այս վիճակագրութիւնները բաւական ուշադրաւ եւ պատկառելի թիւ մը կը ներկայացնեն, եւ կը պատկերացնեն մարմին մը որ լաւ կաղմակերապուած, գործօն, ուժեղ եւ յարածուն է։ Անդուսնուած ու հալածուած պզտիկ խումբ մը, մէկ դարու ընթացքին եղաւ յարկուած եւ աչքառու կաղմակերպութիւն մը, որ առաջնակարգ դիրք կը դւրաւէր շատ մը ասպարէզներու մէջ, մահուանդիմացական եւ հոգեւոր մարզերու մէջ։

2. Հայ Բողոքականութիւնը Հայութեան տուառ դպրոց եւ դասախրակութիւն։ Երրոր սուածին Միսիօնարները թիւրքիոյ մէջ սաք կոխեցին, այս բերու համար շատ քիչ դպրոցներ կային. եւ անոնք աշխատ մասամբ նախնական, իսկ կիններու համար մէկ դպրոց իսկ չկար. եւ անոնք ամբողջ թիւրքիոյ մէջ չկրցան գտնել մէկ Հայ կին մը, որ կրնար կրուել ու կարգալ։ Յայտնապէս՝ դպրութիւնը կիններու համար չէր, անոնք ընկերութեան բանաւրները, բեռնակիրները եւ խաղալիկներն էին։

Առաջին օրէն Միսիօնարներու գործը եղաւ դպրոցներ բանալ, եւ ժողովուրդին միտքը եւ հոգին լուսաւորել, եւ զանոնք ազտաել տգիտութեան ու նախապաշարումի գերութենէն։ Բողոքականուաթիւնը ուր որ գնաց, հոն դպրոց հաստատեց։ Եւ գանի Հայ ժողովուրդին մէջ ուսման եւ գիտութեան քափաքը աւելցաւ, դպրոցներն ալ աւելցան, զարդացան, մինչեւ որ երկրի կարեւոր կեղրոններուն մէջ Գոլէճներ հաստատուեցան, սրոնք եղան լուսոյ ու դաստիարակութեան վառարաններ ու ներչնչաւ բաններ։ Առաջին հաստատուած դպրոցներէն մին բաններ։ Առաջին հաստատուած «Պէպէկ»ի եղաւ։ Տր. Սայրը Համլինի հիմնադրած «Պէպէկ»ի մեծարանը, որ գիտութիւն ուսուցանելէ զատ, մաս-

նաւորապէս նպատակ ունէր հոգեւոր պաշտօնեաներու պատրաստութիւնը։ Յետոյ, Պօլիս Աստուածաբանական դաստիարակութեան համար յարմար կեղրոն մը չնկատուեցաւ, եւ գաւառին մէջ աստածաբանական դպրոցներ հաստատուեցան ի Խարբերդ, Մարզուան, Մարտաւ եւ Մարտին, եւ այս դպրոցներու մէջ պատրաստուեցան ապագայ հոգեւոր պաշտօնեաները։ Պէպէքի ճեմարանը գոյուեցաւ 1862-ին եւ յաջորդ տարին հիմնադրուեցաւ Իսպէրթ Գոլէճը, որուն չնչերը գործածութեան մէջ դրուեցան 1871-ին։ Այնթապի Կ. Թ. Գոլէճը հաստատուեցաւ 1874-ին, Տօգ. Թրօպըրիճի ճեռամբ։ Խարբերթի Եփրատ Գոլէճը՝ 1878-ին։ Խարբերթի Աստուածաբանական ճեմարանը հաստատուած էր ասկէ բաւական առաջ, եւ Քրօսպի Հ. Հուկիլըրի առաջնորդութեան տակ, անիկա 1884-ին, արդէն 48 շրջանաւարտ երիտասարդներ տուած էր Հայ Աւետարանականութեան։ Պէյրութի «Սէրելն Փրոթէսթանդ Գոլէճ»ը աւելի կանուխ հաստատուեցաւ, 1884-ին, Տր. Տէնիրլ Պիլսի ճեռամբ։ Պարբերաբար հաստատուեցան նաև Զմիւրնիոյ «Ինթըրնէ-շնէլ Գոլէճ»ը Մարզուանի «Անաթոլիա Գոլէճ»ը, եւ Ցարսոնի «Սէյնթ Փոլ Գոլէճ»ը։ Յետոյ հաստատուեցաւ Գոնիայի Գոլէճը, Տօգ. Հայկագեանի ճեռամբ։ Կրթութեան այս բարձրագոյն կեղրոններուն օդտակարութիւնը եւ ազգեցութիւնը բառերով բացատրել կարելի չէ։ Այս Գոլէճները իսկապէս ազգեր կերտեցին, անոնց ուղղութիւն տուին, անոնց ճակատագիրը դարձնեցին։ Եւ ոչ միայն ուսանողները, հաւա նաև բնդհանուր ժողովուրդը անոնցէ օդտակարութիւն։ Այս Գոլէճները ընդհանուր համայնքին վրայ խորունկ ազգեցութիւն թողուցին,

ժողովուրդին մէջ ուսման ու հմտութեան փակութը
ստեղծեցին, եւ ժողովրդական դասախոսութեանց
միջոցաւ, ընդհանուր ժողովուրդի իմացական մա-
կարդակը բարձրացուցին: Այս Գոլէճներէն շըր-
ջանաւարտող ուսանողները, իրենց հմտութիւնը ի-
րենց խեղճ ու զրկեալ ժողովուրդին տալու իղձով
եւ փառատենչութեամբ տոգորուած էին. եւ անհնց-
մէ շատեր գացին իրք գաստիարակներ, գիւղերու եւ
աւաններու մէջ, եւ մէծ զոհովութեամբ ու անձ-
նութրութեամբ, կրթութեամն լոյսը սփռեցին այդ
մթին ու մուցուած անկիւններու մէջ:

Իգական սեպի դաստիարակութեան մասին ար-
դէն քիչ ասած յիշատակութիւն մը ըրի: Կիներ բու-
րբովին դուրկ էին կրթութեան արտօնութենէն,
Յողովականութիւնը անոնց առջեւ ալ բացաւ դաս-
տիարակութեան գուռը եւ անոնց ալ ընծայեց միեւ-
նոյն բարիքները, որոնք ցարդ միայն այրերուն վե-
րապահուած էին: Առաջին աղջկանց ձեմարանը
բացուեցաւ Զմիւնիոյ մէջ՝ 1836-ին: Բերայի
աղջկանց գիշերօթիկ զպրոցը Հմնուեցաւ 1845-ին:
Ենթապի Աղջկանց ձեմարանը սկսաւ 1860-ին:
Պոլսոյ Աղջկանց գիշերօթիկ զպրոցը, որ վերջէն
կոչուեցաւ «Եմերիքըն Դալէն ֆօր Կըրլզ», բացուե-
ցաւ 1872-ին: Պարբերաբար, Ատարազարի, Խար-
բերթի, Մարաշի, Մարզուանի եւ ուրիշ կեղրոննե-
րու մէջ հաստատուեցան աղջկանց բարձրագոյն
վարժարաններ եւ Գոլէճներ: Եւ աղջիկներու դաս-
տիարակութեան իրաւունքը հաստատուեցաւ, իգա-
կան սեպի մակարդակը զգալապէս բարձրացաւ, եւ
անոնց աղատագրութիւնը ապահովուեցաւ:

Թիւրքիոյ մէջ դաստիարակութեան ծաւալին
մասին հետեւեալ վիճակագրական թիւերը կընան

պազակար մը տալ: 1910-ին, Թիւրքիոյ մէջ կա-
յին, 5 աստուածաբանական ճեմարաններ՝ 25 ուսա-
նողներով. 7 Գոլէճներ՝ 1,300 ուսանողներով, 43
կիշերօթիկ եւ բարձրագոյն վարժարաններ՝ 3,282
աշակերտներով, 417 այլ դպրոցներ՝ 24,716 աշա-
կերտներով: Ըսել է թէ ընդամէնը, Բողոքական
դպրոցներու մէջ կ'ուսանէին 30,000է մօտ երկուու
ուսանողներ:

Բողոքականութիւնը ոչ միայն Բողոքական հա-
մայնքը դաստիարակեց, հասկա անուղղակի կուսա-
ւորչական համայնքն ալ դաստիարակելու համար
գրգիռ մը եղաւ: Բողոքականաց դպրոցներ, օրի-
նակ, ներշնչում, միաում եղան, մեր կուսաւորչա-
կան եղբայրներուն. անոնք ալ տեսան կրթութեան
արժէքը եւ կարեւորութիւնը, եւ իրենց կրթական
հաստատութիւնները շատցուցին, կանոնաւորեցին,
զարգացուցին, բարձրացուցին:

Ահա այս կերպով Բողոքականութիւնը անուա-
ժողովուրդ մը՝ ուսեալ շինեց, ոչ կրթեալ ժողո-
վուրդ մը կրթեալ շինեց, իստարամած ժողովուրդ
մը լուսաւորեալ շինեց: Ոչ մէկ ժողովուրդի մէջ,
իմացական մակարդակը այնքան որընթաց եւ զար-
մանակի կերպով բարձրացած է, որքան չայութեան
մէջ: Եւ Հայութիւնը այս անօրինակ յառաջդիմու-
թիւնը կը պարտի Բողոքականութեան:

3. Բողոքականութիւնը Հայութեան տուաւ դա-
տարաբարբառ գիրշ եւ գրականութիւնը: Միահօ-
նարներ առաջին օրէն խոկ ըմբոնեցին գրականու-
թեան կարեւորութիւնը եւ համոզուեցան թէ դրո-
ւած ճշմարտութիւնն է, ժողովուրդը կրթելու,
լուսաւորելու, աւետարանելու լաւագոյն միջոցը:
Ուստի առաջին Միսիօնարներու գալէն երկու տարի

գերջը, 1822-ին, կը տեսնենք տպարանի մը հաստատութիւնը Մալթա կղզին վրայ, ինչու որ Թիւրքոյ մէջ ուեէ տեղ տպարանի հաստատութիւնը ապահով չէր: Եւ հոն Միսիօնարներ սկսան տպել իտալերէն, արդի Յունարէն եւ հայտառա թուրքերէն բարբառներով: Տասը տարուան ընթացքին այս տպարանն գուրս եկած էին 350,000 հրատարակութիւններ, զրքեր, Սր. Գրքեր, տետրակներ, թերթիկներ: Անշուշտ, ասոնց ամէնքն ալ կրօնական հանգամանք ունէին. եւ քանի ժողովուրդը կը կարգային այս բաները, անոնց մաքերը կը բացուէին եւ հոդիները կը լուսաւորուէին: 1833ին պարագաները բաւական բարեփոխուած էին, այնպէս որ Մալթայի այս տպարանը Պէյրութ փոխադրել ապահով նկատուեցաւ:

Թիւրքիոյ մէջ առաջին տպարանը հաստատուեցաւ Զմիւնիոյ մէջ, 1826-ին: Որը վերջէն փոխադրուեցաւ ի Պոլիս, եւ Պայալ Հառլիսացաւ միսիօնարական գործին ու տպագրական ձեռնարկին կեղունավայրը: Հոս Սր. Գրքը թարգմանուեցաւ Թուրքերէնի եւ աշխարհաբար Հայերէնի: Այս գործին մէջ Անդղիական եւ Ամերիկան Սր. Գրոց Ընկերութիւնները, իրենց աշխատակցութեան ու նըսպաստի կարեւոր բաժինը բերին: Եւ Սր. Գրքը շատ աժան գինով, եւ յաճախ ձրիաբար, ժողովուրդին մէջ ցրուեցին. եւ ժողովուրդն ալ զայն անյափ անշով կարգաց. եւ Սր. Գրքը ժողովուրդին համար եղաւ նոյն ատեն, դասազիրք, դասարան եւ դաստիարակ: Եւ ժողովուրդը Սր. Գրքը ուսանելով, մտաւորապէս կրթուեցան ու լուսաւորուեցան, եւ հոգեւորապէս ներշնչուեցան, մարզուեցան, վերանորոգուեցան: Կիներու դպրոցներուն մէջ «Պայ-

պը Ուամիլներ պատրաստուեցան, որոնք սկսան Սր. Գրքը ծանօթացընել իրենց քոյրերուն, եւ Սր. Գիրքը ուսուցանել Հայ կիներուն թէ՛ առանձնապէս եւ թէ՛ իմբովին: Սր. Գրքը սուաջին Բողոքականներուն ամէնէն շատ սիրած եւ կարդացած գիրքն էր: Թէ որ Միսիօնարներ, Սր. Գրքը մեղի մեր համար լեզուով տալէ զատ ուրիշ ծառայութիւն մը մատուցած ըլլային, ասիկա ինքնին բաւականաչափ մեծ եւ արժէքաւոր ծառայութիւն մը եղած պիտի ըլլար:

Խրիմի պատերազմէն անմիջապէս վերջ, Տօդ. Տուայթ սկսաւ Հրատարկել «Աւետարեր» կիսամանայ պարբռաթիրթը, որ եղաւ Բողոքականնութեան պաշտօնական օրկանը, եւ շինիչ ու դաստիարակիչ գեր մը խաղաւ, Հայ հասարակական կեանքին մէջ:

Բողոքական տպարաններէն դուրս եկան անթիւ գրքեր, դասագրքեր, տետրակներ, թերթիկներ, եւ ամէն առասակէն առողջ եւ օգտակար դրութիւններ, որոնց էջերը միլիոններու կը հասնին: Այս յորդահոս տպագրութիւնները չէին կրնար իրենց կրթէչ ու աղնուացուցիչ ազգեցութիւնը չթողուլ Հայ համայնքի վրայ:

4. Բողոքականնութիւնը նոր եւ դարավերջիկ հիւանդանոցներու հաստատութեամբ, Հայ ժողովուրդին Փիղիքական վիճակը բարուքեց, եւ անոնց սորվեցուց առողջապահական սկզբունքները: Միսիօնարաց գալէն առաջ, Թիւրքիոյ մէջ, մանաւանդ ներքին դաւաներու մէջ չկար ուեէ կանոնաւոր բժիշկ եւ հիւանդանոց: Եւ առողջապահական կանոններու մասին սոսկալի տղիտութիւն կը տիւրէր: «Ազար ոու քիր թութմաղ» ասացուածը ժողովուրդի ծայրահեղ տղիտութեան արտայայտիչն

է : Դար մը առաջ շատեր «միքրոպ» բառը լսած չէ-
ին, եւ հիւանդութեանց ինչպէս փոխանցուիլը չէին
գիտեր : Եւ այս տղիտութեան պատճառաւ անթիւ
հոգիներ ժանախաներու եւ վարակիչ հիւանդու-
թեանց զոհ կ'երթային :

Միսիօնարներ անգին ծառայութիւն մը մատու-
ցին Հայ ժողովուրդին, անոնց տալով հմուտ բժիշկ-
ներ եւ բժշկական գիտելիքներ : Առաջին Միսիօ-
նարներէն ոմանք բժիշկ-միսիօնարներ էին, եւ ա-
նոնք ժողովուրդը կրթեցին առողջապահական ըս-
կղբունքներու մէջ : Եւ անոնք կարեւոր կեդրոննե-
րու մէջ, խոշոր, մաքուր, գարավերջիկ հիւանդա-
նոցներ բացին, եւ անթիւ հոգիներու ձրիխարար ծա-
ռայեցին, առանց յարանուանական խորութեան :
Այս բժշկներէն ոմանք, ինչպէս Տօդ. Շէփրտ,
Տօդ. Տատ, Տօդ. Բշր, իրական եւ անձնուէր սուր-
բեր էին, որոնց յիշատակը ինկելի եւ անմոռաց պի-
տի մնայ մինչեւ վերջը :

Ամերիկան գեղեցիկ հիւանդանոցներ կառուց-
ուած էին հետեւեալ քաղաքներու մէջ . Վան, Էրզ-
րում, Մարտին, Տիարպեքիր, Խարբերդ, Մարտակերտ,
Մարգուան, Ալիքաս, Ալտանա, Այնթապ :

Հիւանդապահութիներ պատրաստելու համար
«Training School»-ներ հաստատուած էին ի Վան,
Մարզուան, Կեսարիա, Խարբերթ եւ Այնթապ :

Թիւրքիոյ համար տեղացի հմուտ բժշկներ
պատրաստող լաւագոյն բժշկական զպրոցը հաս-
տատուած էր ի Պէյրութ, ուրկէ կրթեալ բժիշկներ
կացին ամէն կողմ, բժշկական եւ առողջապահական
գիտելիք տարածելով բոլոր ժողովուրդին :

5. Բողոքականութիւնը ծառայեց Հայութեան,
խեղճ եւ կարօտ Հայերուն նպաստներ բաշխելով,

եւ բիւրաւոր Հայերը ազատելով ստոյգ կորուստէ :
Երբոր Հայկական պատմութիւնը աչքէ կ'անցնենք,
կը տեսնենք որ ամէն մի քանի տարի անգամ մը դըժ-
բաղդութիւն կամ տղէտ մը եկած է մեր գլխուն :
Կ'երեւի թէ մենք սկիզբէն ի վեր գժրաղդ ազգ մը ե-
ղած ենք, չարարազդ երկրի մը մէջ : Մեր վրայ ի-
րարու ետեւէն եկած են ժանտամահներ, ժանտախտ-
ներ, սովեր, տառապանքներ, հարստահարութիւն-
ներ, ջարդեր, տարագրութիւններ, եւն . եւ մեղ ձը-
գած են մերկ եւ բաղմակարօտ : Այս բոլոր գժրաղ-
դութեանց մէջ Միսիօնարներ մեղի կարեկից եւ բա-
րեկամ եղած են, մեղի տէլ եւ պաշտպան կանգնած
են, եւ ամէն կերպով ջանացած են մեր վէրքերը ա-
մոքել եւ մեր կարօտութիւնները լեցնել : Եթէ Մի-
սիօնարաց այս օգնութիւնը մեղի չհասներ, բազմա-
թիւ Հայեր, որոնք այսօր կ'ապրին, կորսուած պի-
տի ըլլային : Միսիօնարներն էին որոնք մեր հազա-
րաւոր անուէր որբերը հաւաքեցին, եւ անոնց կե-
րակուր եւ կրթութիւն տուին : Միսիօնարներն էին
որ մեր վտարանդի Հայութեան բեկորները ավատե-
ցին եւ ինամեցին : Անոնք միլիոնաւոր տոլարնե-
րու համար նպաստներ բաշխեցին, եւ առանց կրօ-
նական ու յարանուանական խորութեան, եւ առանց
ջանք մը թափեւու որ այս միջոցաւ նպաստընկալ-
ները հաւատափոխ ընեն : Հայութիւնը, Եթէ ոչ ու-
րիչ բանի համար, գոնէ այս հսկայ օգնութեան հա-
մար, այս մարդասիրական ծառայութեան համար,
ողէտք է երախտապարտ ըլլայ Ամերիկեան միսիօ-
նարութեան :

6. Բողոքականութիւնը Հայերը յարաբերութեան
մէջ զրաւ արեւմտեան քաղաքակրթութեան ու բար-
ձրագոյն մշակոյթի մը հետ : Ասիկա այնքան ծա-

նօթ եւ ինքնայայտ իրողութիւն մըն է, որ պէտք չեմ տեսներ ինդիրը ընդլայնել: Բաւ է ըսել որ Միսօնարներու գալովը, մեր ճաշակը զարգացաւ, մեր կենցաղավարութիւնը բարեփոխուեցաւ, մեր ապրելու մակարդակը բարձրացաւ, եւ մենք տիրացանք Արեւմտեան մշակոյթի լաւագոյն առաւելութիւններուն:

7. Բողոքականութիւնը մեղ ծանօթացուց Ամերիկայի հետ, եւ Ամերիկայի ճամբան մեր առջեւ լացաւ: Ասիկա եղաւ Միսիօնարներու գալուն անուղղակի բարիքներէն մին: Քանի մեր երկրին մէջ անտեսական տապնապը եւ քաղաքական հալածանքը ասատկացաւ, շատ մը Հայեր Թիւրքիայէն փախան եւ Ամերիկա ապաստանեցան, ազատութեան եւ առատութեան այս երկիրը: Եւ հոս եկողները ոչ միայն աղէտներէ ապատեցան, հապա այս երկրի մէջ յառաջ դացին եւ նիւթապէս բարզաւածեցան: Թէ որ Միսիօնարներ մեր երկիրը եկած չըլլային, բարձաթիւ Հայեր, որոնք այսօր ողջ եւ գոհ են այս երկրին մէջ, շատոնց փճացած պիտի ըլլային: Մեր այսօրուան գոյսութիւնը եւ բարօրութիւնը կը պարաբնաք Ամերիկեան Միսիօնարութեան:

8. Հայ Բողոքականութիւնը Հայութեան մէջ հոգեւոր նոր կեանք մը ներմուծեց: Անշուշտ, գարերէ ի վեր Հայեր Քրիստոնեայ ժողովուրդ մը եղած էին: Մենք միշտ կը պարձենանք, եւ արդարապէս, որ առաջին Քրիստոնեայ աղզը եղած ենք: Սակայն, ստիպուած ենք ընդունիլ, որ ժամանակի ընթացքին, Քրիստոնէութիւնը մեր մէջ կորսնցուց իր առուգութիւնը եւ կենսունակութիւնը եւ սովորական (conventional) ու ձեւական երեւոյթ մը առաւ: Քրիստոնէութիւնը արարողական ու ծիսական ընոյթ

մը ստացաւ, եւ կորսնցուց իր ներքին ուժը: Բողոքականութիւնը կարսուած այս տարրը ես բերաւ: Քրիստոնէութեան արտաքինէն աւելի ներքինը չեւտեց: Քրիստոնէական փորձառութեան ուժ տուաւ, եւ Քրիստոնէութիւնը ապրող ու տիրական ուժի մը վերածեց: Եւ ըստ իս, ասիկա է Բողոքականութեան ամենակարեւոր ծառայութիւնը եւ ամենամեծ ընծայաբերումը մեր հասարակական կեանքին: Հոգեւոր կեանքն է, կենցաղի ու վարչի վերածուած Քրիստոնէութիւնն է, Բողոքականութեան “genius”-ը: Բողոքականութիւնը ձեւական ու արարողական Քրիստոնէութեամբ չբաւականանար, այլ կը ջատագովէ Քրիստոնէութիւն մը որ ներքնափուխ, կենդանի, ուժեղ, ամեցուն է:

Բողոքականութիւնը Քրիստոնէական կեանքի մակարդակը եւ բարոյական չափանիչը բարձրացուց Հայութեան մէջ: Բողոքականութիւնը սորվեցուց ու արդարութիւնը, ճշմարտութիւնը, ուղղամտութիւնը, պարփեշութիւնը, ատաքինութիւնը, Քրիստոնէական կեանքի անբաժան մէկ մատն է, եւ անոր բնական մէկ պտուղն եւ արտայայտութիւնն է: Բողոքականութիւնը սորվեցուց որ կեանքի ու զործքի չվերածուած կրօնասիրութիւնը անմմաստ եւ ունայն է: Բողոքականութիւնը ջանաց Քրիստոնէութիւնը փրկել իր ձեւականութիւններէն, եւ մարդիկը կենդանի յարաբերութեան մէջ դնել, կենդանի Քրիստոսի հետ: Բողոքականութիւնը բարձրացանութիւնը, նկարագիրը, մարդկութիւնը դրաւ աղբայնութիւնէ վեր: Եւ յայտարարեց թէ ամէնաձեկան բանը Քրիստոնեայ բարձր է, եւ մարդ ըլլալ է, ոկղբունքի եւ նկարագրի տէր մարդ:

Առաջին Բողոքականները Քրիստոնէական այս

կեանքը եւ նկարագիրը ցոյց տուին շատ ցայտուն եւ օրինակելի կերպով։ Եւ այս իսկ պատճառաւ, Բողոքականութիւնը իր սկզբնական շրջանին մէջ արագորէն ածեցաւ եւ ծաւալեցաւ։ Երանի՛ թէ Բողոքականութիւնը կարենար իր այս ուժը եւ կենսունակութիւնը պահել մինչեւ վերջ։ Ասիկա է Բողոքականութեան բարձրագոյն կոչումը, այսինքն հոգեւորութեան ու կենսական Քրիստոնէութեան արտադրութիւնը եւ մշակումը ։ Հայ զանդուածին մէջ։ Երբոր Բողոքականութիւնը իր այս կոչումին մէջ կը թերանայ, իր գոյութեան իրաւոնքը կը կորսնցնէ։ Երբոր Բողոքականութիւնը հազեւոր ու կենսանորոգ ուժ մը ըլլալէ կը գագրի, ըլլայ ալ նէ կը ըլլայ, չըլլայ ալ նէ, թէրեւս չըլլայ աւելի լաւ կը ըլլայ։ Քանդի այն ատեն Բողոքական եկեղեցին կը գառնայ բրածոյացած ու ձեւական անպէտ ու աւելորդ կազմակերպութիւն մը։

Բողոքականութիւնը կենսական ու գրական բարեկարգութիւն մը մացուց Հայութեան մէջ, եւ անկէ օգտուեցաւ ոչ միայն Բողոքական եկեղեցին, հազար նաեւ Լուսաւորչական եկեղեցին։ Բողոքականութիւնը խթանեց եւ արթնցուց Մայր Եկեղեցին։ Անիկա դրդում մը եղաւ որ Մայր Եկեղեցին խորհի բարեկարգութեան մասին, եւ բարեկարգչական ծրագիրներ մշակի։ «Լուսաւորելոց» եւ «Քը լիստոսսամիրաց» շարժումներ, որոնք ծնունդ առին Մայր Եկեղեցւոյ ծոցէն, զուտ հագեւոր շարժումներ էին, աւետարանական սկզբունքներով տողորուած։ Ահա այս կերպով Բողոքականութիւնը ծառայութիւն մը մատոյց նաեւ Մայր Եկեղեցիին։

Ամփոփելով մեր ըսածները, Հայ Բողոքականութիւնը Հայութեան տուաւ ոչ-անդունելի հա-

մայնք մը, դպրոց եւ դաստիարակութիւն, աշխարհաբար գիրը, գրականութիւնը եւ Սբ. Գիրքը, հիւանդանոյներ եւ առողջապահական գիտելիքներ, նպաստամատոյց մարմին մը, բարձրագոյն մշակոյթ մը, Ամերիկայի մատչելիութիւնը, հոգեւոր ու կենաւունակ Քրիստոնէութիւն մը։

Այժմ, ձեր դատողութեան կը ձգեմ որպէս զի կուք վճռէք թէ Բողոքականութիւնը Հայութեան համար օգտակա՞ր եղած է թէ վնասակար, օրհնութիւն մը եղած է թէ անէծք։

Լօս Անձելը

Բ. Ս. Լեհունեան

————— (*).—————

ԺԶՐԴ. ԴԱՐՈՒ

ԲՈՂՈՔԱԿԱՆ ԲԱՐԵԿԱՐԳՈՒԹԻՒՆԸ

Ամփոփօրէն հետեւեալ Յ կէտերը նկատի առնենք։
Ա. Բողոքական Բարեկարգութեան նշանակութիւնը եւ զայն յառաջ բերող պղդակները։

Բ. Բաղդատութիւն մը Բողոքական եւ Կաթոլիկ բժրոնումներուն մէջտեղ եւ անոնց իրարմէ ունեցած ապրերութիւնը։

Գ. Բողոքականութեան թերութիւնք ու առաւելութիւնք։

Ա. Բողոքական Բարեկարգութեան նշանակութիւնը եւ զայն յառաջ բերող պատճառները։

Բաս ոմանց, «Բողոք. Բարեկարգութիւնը ընդհանուր յեղաշրջում մը յառաջ բերաւ Արեւմտեան Եւրոպացիներու կեանքին մէջ, որով փոխանցումը տեղի ունեցաւ միջին դարէն նորին։»

Ուրիշներ ալ կը խորհին թէ, Բողոքական Բարեկարգութիւնը երեւոյթ մըն է այն ուշագրաւ ընթացքին, որով մարդկութիւն կը փոխուի տակաւ ու տակաւ։

Կան պատմիչներ ալ՝ որոց ըմբռնումին համաձայն, Բողոքական Բարեկարգութիւնը բաղադրեալ շարժում մըն է, արդիւնք բազմաթիւ պատճառներու ու ապդակներու, որոցմէ միայն աշքառու եւ գլխաւորներն են հետեւեալք։

1. Բարոյական - 12-րդ դարէն սկսեալ՝ շատ մը ականաւոր եկեղեցականեր ու աշխարհականեր խօ-

սեցան, պահանջ գրին որ եկեղեցին բարեկարգութ, բայց ի զուր, անոնց ձայնը անլսելի մնաց, բարեկարգութիւնը տեղի չունեցաւ, որովհետեւ ժամանակը դեռ հայու հասունցած չէր, պատրաստ չէր։ Դէպէքէր դեռ սերտօրէն իրարու հետ շղթայուած, կապուած չէին այդ պահանջուած արդիւնքը յառաջ բերելու։ Պատմութենէն մէր սորուած դասերէն մէկն ալ այս է, մէնք չենք կրնար ստիպիլ, պահանջել եւ բանադատել որ դէպէքէրը հասունան եւ մեր պահանջած արդիւնքն տան։ Եթէ շատ պահանջկոտ ըլլանք եւ ջանքէր ընենք այդ ուղղութեամբ, մէր պահանջած ու ցանկացած խնդիրը կամ ծրագիրը պիտի վիճէ բոլորովին։

Պատմութեան մէջ շարժում մը յառաջ բերելու, վոփոխութիւն մը ընելու համար, բազում եւ այլադան ապդակներ կան։ Եթէ բոլոր ապդակներն ալ կանոնաւոր եւ բնական վիճակով զործան դէրի մէջ ըլլան, ամէն ինչ յաջող ընթանայ, վերջի վայրկեանին, աննշան դէպէք մը կրնայ բալորովին վիժեցնել այդ շարժումը՝ եթէ անակնակալօրէն դէպէքէրու նոր շղթայում մը տեղի չունեայ ի նպաստ այդ շարժումին։ Այս կէտը Բողոքական Բարեկարգութեան շարժումով շատ լաւ լուսարանուած եւ որոշ եղած է։

1115-1511 ինը հատ Ընդհանուր Փողովներ եղած են։ Այս ժողովներուն մէջ առաջին տեղ ըրունող խնդիրը՝ եկեղեցական բարեկարգութեան խընդիրնեղած է. բայց երեք դարերու ջանքերն ու բաղձանքներ ջիրականացան, որովհետեւ խնդիրը դեռ հասունցած չէր, եւ դէպէքէր ու դէմքեր նպաստաւոր կերպով իրարու հետ շաղկապուած չէին։

Բարեկարգութիւնը պահանջող անձինքն ալ ականաւոր եկեղեցականներ եղած են, ինչպէս Կար-

տինակ Սուրբ Պէնավէնդուրա (^(*)) (1221-1274) եւ կարտինալ Հէկ աը Սէնդ Շէր (1260): Այս երկու կարտինալներ պահանջեցին որ եկեղեցին յոտից ցգլուխ բարեկարգուի, բայց անլսելի մնացին, ուրովհետեւ դէպքեր ու դէմքեր գեռ սերտօրէն իրաւու հետ շղթայուած չէին, ինդիրը հասունցած չէր:

14-րդ դարուն մէջ, կիօմ Տուրանդ անունով եպիսկոպոս մը սարսափելի գոյներով կը պատկերացրնէ իր դարու գեղծումները: Կ'ըսուի թէ 1215-ի ժողովին մէջ յառաջ բերուած ու շեշտուած զեղծումները շատ աւելի էին քան 1512-ի մէջ բերուածները: Այսուամենայնիւ նորէն բարեկարգութիւնը չիրականացաւ, որովհետեւ խնդիրը գեռ հասունցած չէր, դէպքերու ու դէմքերու շղթայումը ի նրանաստ բարեկարգութեան դեռ տեղի ունեցած չէր:

Կուտակիրօնութիւնը բարոյական անկման պատճառ եղած է եկեղեցին մէջ: 1397-ին, Լօնտոնի հիւսիսային արեւմտեան կողմ գտնուած Հէրիֆօրտ անունով թեմին մէջ 287 ծուխեր կային: Այս թեմին մէջ 52 կղերներ հարձերը կը պահէին:

Օքսֆօրտի Նախագահն, Քասկօյկ, թէեւ մեծ հակառակորդ մըն էր Ուկֆլիֆին, բայց կը պատմէ թէ Ս. Ասաֆի (Ֆլինդշայրի Մայր Եկեղեցին քաղաքը, Ուէլսի հիւսիս) եպիսկոպոս մը տարին 400 մարք (25,000 տոլար) դրամ կը շինէր իր թեմի կրդերներուն հարձերը ունենալու արտօնագիրը ծախելով:

^(*) Սէքսոթոս Դ. Պապը (1482), Պէնավէնդուրա կարտինալը սուրբ հոչակեց, եւ Սէքսոթոս Ե. Պապը (1587), զայն Եկեղեցւոյ 6-րդ մեծ Վարդապետ հոչակեց: Տանթէն կը դնէ այս կարտինալը ի շարս որբոց իր Արքայութեան մէջ:

Սիէնայի Ս. Պէրնարտինոս (1380-1444) որ 300 զանքեր հաստատեց իտալիոյ մէջ, կ'ըսէ թէ իր ուրով շատեր երկնքի ու դժոխքի չէին հաւատար եւ Ս. Գիբքը կը նկատէին սոսկ հետաքրքրական շինծու պատմութեանց գիրք մը, կղերներուն անբարույական կետնքին պատճառաւ:

Սիէնայի Ս. Կատարինէ (1347-1380) մատնանցեց թէ իր դարուն մէջ՝ կղերներուն մեղքերուն (vices) պատճառաւ, աշխարհականներն ալ վատթարցած ու ինկած էին:

Լուտերի Բարեկարգութիւնն շատ առաջ, բոզոքներ եղան թէ պատարագի, թէ Ս. միւռնի չարաչար գործածութեան եւ թէ աւելորդ կիրակիներու բաղմանալուն դէմ, եւ թէ ներովութեան կոնդակներուն վաճառման, բայց ի գուր, որովհետեւ զեր դէպքեր ըստ արժանաւոյն իրաւու հետ շղթայուած չէին:

Լուտերէն շատ առաջ՝ ուժգին բոզոքներ եղան զեղծումներուն եւ իշխանութիւնն չարաչար գործածելուն դէմ, նորէն ապարդիւն, ձիզդ միեւնոյն պատճառներով:

13-րդ դարուն, Փէէր ար Պոււա, ժամանակակից Ֆլունայի թագաւոր Ֆիլիպ Գեղեցիկին, այս մարդը ուժգին կերպով բոզոքեց Պապերու ձեռքին մէջ կեղրոնացած կրօնական ու քաղաքական իշխանութեանց համար: Բայս, «Հաստատութիւններ պէտք է որ յարմարին փոխուած կացութեան: Անոնք որ կը հակառակին այս տեսակ փոփոխութեանց, Սատանային են եւ ստախոս:»

Փէէր ար Պոււա իրեւ ձարսար օրէնսդէտ մը թէլագրեց որ կալուածները առնուին կղերներէն որ անոնք հարկագրուած աւելի ժամանակ տան հոգե-

որ գործերու եւ խաղաղութեան յառաջացման վը-
րիստոնէից մէջ, որոց համար մեռաւ ինք Քս.ը:
«Մէկ մը իրաւունք չունի ինքինք եկեղեցին պետ
ու գլուխ հռչակելու: Պետրոս երբէք չոռմ եկած չ»
ըստ:

Միջազգային խաղաղութեան համար թելադր-
ուց ունենալ Միջազգային Ատեան մը: «Այս ատ-
եանին անսաստողներ զրկուելու են Պաղեստին, ան-
հաւասաներուն դէմ կոռւելու»:

14-րդ դարուն, Փատոյայի Մարսիկլիոն բողո-
քեց իր դարու զեղծութներուն դէմ: Իր գործակցին
հետ, 1324-ին արտազրեց «Խաղաղութեան պաշտ-
ոպան» երկասիրութիւն մը: Ինք կ'ըսէր, «Խաղա-
ղութիւն եւ միմիայն խաղաղութիւն է մայր բոլոր
բարձրագոյն արուեստներուն, եւ խաղաղութեամբ
միայն կարելի է ժողովուրդին վիճակը բարելաւել
եւ յառաջդիմութեան ոյժ տալ»: «Պապեր, իրենց
ընդարձակ կալուածներուն համար, նորանոր պա-
տերազմներուն պատճառ կ'ըլլան, ուստի անոնց զօ-
րութիւնը տկարացնելու է»: «Եկեղեցի կը նշանա-
կէ բոլոր հաւատացեալներ փրկուած Յս.ի արեամբ
... Պապեր իրաւունք չունին հաւատացեալներուն
պետ ըլլալու»: Մարսիկլիո կը կասկածէր թէ Պետ-
րոս երբէք չոռմ եկած է, «Եթէ եկած ալ է», կ'ը-
սէր, «այդ չը նշանակեր որ ինք իշխանութիւն տը-
ռաւաւ միմիայն չոռմի եպիսկոպոսին, իշխելու բոլոր
քրիստոնէից վրայ»: «Օրէնադիր իշխանութիւնը կը
պատկանի բոլոր քաղաքացիներուն, անոնցմէ գե-
րագոյն օրէնսդիր չը կայ: Եթէ ժողովուրդ մը յի-
մար է, նորէն իրենք են որ գիտեն իրենց ընդհանուր
պէտքը: Մասնաւոր դասակարգ մը հարկադրուած
է անձնասէր ըլլալու ինչպէս որ Պապերն են»:

Ս. Գրոց մասին Մարսիկլիո կ'ըսէր, «Ս. Գիրքն
է խարիսխ մեր հաւատքին: Աւետարաներուն հա-
մաձայն, ո՛չ ոք իրաւունք ունի բոնադատել կամ
հարկադրել ո՛ւ եւ է մէկ, այս կամ այն կերպով հա-
ւատալու եւ կամ մասնաւոր դաւանանք մը ընդու-
նելու: Ո՛ւ եւ է կդեր կամ եպիսկոպոս իրաւունք
չունի բոնադատել մինչ իսկ հերետիկոս մը՝ իրենց
պէս հաւատալու: Եկեղեցական կալուածներ պէտք
է որ աշխարհականացուին, Պապի զօրութիւնը
ունաք է որ խորտակուի:»

Յովհ. Աւելիիֆ (1324-1384) ուժգին կերպով
րողոքեց Պապին դէմ եւ արդիլեց Պապին տուրք
տալը: Աւելիիֆ նկատեց Պապական դրութիւնը
թունալից, ինք մերժեց Գոյափոխութեան Վարդա-
պետութիւնը, ընդունեց Ս. Գիրքը իրեւ բարձրա-
դոյն հեղինակութիւնը կրօնական հաւատքին մէջ:
Թարգմանեց Ս. Գիրքը Անգղերէն լեզուի: Իր թարգ-
մանած Ս. Գրոց կտօները իր գրութեանց հետ, աղ-
քատ քահանաներուն միջոցաւ ըրջաբերութեան մէջ
դրաւ ժողովուրդին մէջ: Աւելիիֆ մեռաւ իր ընա-
կան մահով: Բայց վերջէն իր գերեզմանէն գուրս
հանուեցաւ, դատապարտուեցաւ, խարոյիկի մատ-
նուեցաւ, եւ անոր փոշին զետին մէջ թափուեցաւ:

Աւելիիֆի վարդապետութեան հետեւեցաւ Պո-
համիացի Յովհ. Հիւսոր, 1369-1415: Յովհ. Հիւս-
ոփէտոր էր Փրակի համալսարանին թէջ: Այն իր
քարոզութեանց ու վարդապետութեանց համար,
Յուլիս 6, 1415, ողջ ողջ խարոյիկի դատապարտուե-
ցաւ, կուտարէն զար մը առաջ: Կ'ըսուի թէ իր
դատապարտութեան ատեն ըստ, «Եթէ կարապի մը
ձայնէն այսպէս ահարեկեցաք, ի՞նչ պիտի ընէք երբ
արծիւ մը կառանչէ»:

Իտալիոյ մէջ Հերոնիմոս Սավօնարուլա (1452—1498) արդարութեան անվախ ու անկաշառ քարոզիչ մը եղաւ Ֆլորէնսի մէջ։ Իր քարոզութիւններ եղան ազգու ու արդիւնաբեր։ Պապ նախ խոստացաւ տալ իրեն կարտինարութեան աստիճան որ ինք լուէ, բայց չը լոեց, յետոյ սպառնաց իրեն, նորէն անօդուտ։ Վերջապէս օր մը իր ընկերներուն հետ ձերբակալուեցաւ, բանտարկուեցաւ, դատապարտուեցաւ կախաղանի, և յետոյ խարոյիի ու անոնց աճիւնը գետ նետուեցաւ։

Հակառակ դարուց ի դար եղած բողոքներուն ու զոհարձրութեանց դեռ բարեկարգութիւնը չ'իրականացաւ, տեղի չունեցաւ, որովհետեւ դէպքեր ու դէմքեր դեռ կենսունակօրէն իրարու հետ չղթայուած չէին, ժամանակը հասուն եղած չէր։

2. Վարդապետական։ Միջնադարեան եկեղեցիի վարդապետութիւն խիստ ահարեկիչ էր։ Քարողներ գտօնիքի բոցերով ու սպառնալիքներով լիցուն էին։ Պէրհօլութ նման նշանաւոր քարոզիչ մը, որ ըստ Ռօմէր Պաքոնին իր դարու ամենէն նշանաւոր քարոզիչն էր, կը վարդապետէր թէ 100,000-էն հազիւ անձ մը կարող պիտի ըլլայ փրկուելու։ Հակառակ այս սպառնալից բողոքներուն ու վարդապետութեանց՝ ժողովուրդին մեծամասնութիւնը գեռ անտարբեր էր։

Կղերներուն ձգած տիսուր ազգեցութեանց համար հերետիկոսներ երթարով կը շատոնային։ Հաւրաւային Ֆրանսայի մէջ՝ անոնց թիւը ուզզափառուներու թիւէն աւելի չատ էր։ Անոնց զժքազդութիւնն էր որ իրենց վարդապետութիւնը յատակ ու որոշ չէր։ Հաւրաւայննութեամբ ու խաչակրութեամբ անոնք բնախնջուեցան։

Վերածնունդն ալ նպաստեց բարեկարգութեան։ Ճնորհիւ գրական վերածնդեան (ըլնէսան), ալուպագրական գիւտին, երկրագործներ իսկ այն աստիճան լուսաւորուեցան որ սկսեր էին խօսակցութեան ու վիճաբանութիւնը, ներման կոնդակներուն արժէքը, հեթանոսներուն դատապարտութիւնը կամ ոչ։

3. Տնտեսական։ Հողերուն մէկ հինգերորդէն մինչեւ մէկ երրորդը եկեղեցիներուն կը պատկանէր, հետեւաբար Պապին, և տուրքերէն զերծ չին։ Պապին ալ՝ այս լնդարձակ հողամատըրը մաս առ մաս եպիսկոպոսներուն վարձու կուտային դրամով։ Ինսո Սիրվիոն, որ վերջէն Պապ եղաւ Պիոս Բ.անունով, 1458—1464, ըսած է։ «Ո.ոանց դրամի բան մը չես կրնար ձեռք բերել Հոռմի մէջ»։

Կաշառակերութիւնը սովորական ու լայնածաւալ դարձած էր։ Հաւատագննութեան ատեաները այնչափ ծախսարար գարցան, որ իշխաններ ու դուքսներ այլ եւս անկարող եղաւ անոնց ծախքերը հազար։ Աւտով որոշեցին որ անկից յետոյ դատապարտուածներուն կալուածները դրաւուի, որպէս զի հաւատագննութեան գործը շարունակուի։

Ահա այս տեսակ պատճառները, բարոյական, լուսաւորութեան, տնտեսական, վարդապետական կամաց կամաց գետինը սպատրաստեցին բարեկարգութեան։

4. Վաղաքական։ Միջին դարերուն՝ եկեղեցին էր որ կը կառավարէր կեանքը ամբողջութեամբ, թէ քաղաքական, թէ կրօնական եւ թէ ընկերական փուլերուն մէջ։ Պապը ամէն ինչ էր, թէ՛ օրէնսդիրը, թէ՛ օրէնքներուն մէկնիչ, թէ՛ դատափարակ եւ թէ՛

Աստուծոյ կամաց արտայայտութիւնը : Զըկար
բան մը որ խուսափէր եկեղեցին կամ Պապերուն
ձեռքէն : Բոլորն ալ Պապին հնազանդելու էին . իշ-
խաներ , գուքսեր , թագաւորներ եւ կայսրեր : Հակա-
ռակ պարագային՝ Պապը բանագրանքով մը անոնց
հպատակները իրենց հնազանդութեան ու իստէն ան-
պարտ կը կացուցանէր եւ իրենց տէրերուն դէմ կը
հանէր : Օրինակի ալզագաւ .

1205-ին Անդղիոյ մէջ Քէնդրապրիի վանականե-
րը առանց թագաւորին հաճութեան վանահայր մը
ընտրեցին եւ չուտով Հոռմ զրկեցին Պապէն վաւե-
րացուելու : Անդղիոյ Յովհաննէս թագաւորը երրոր
լուեց այս , ստիպեց վանականները նոր ընտրութիւն
մընեն , եւ իր գանձապահն ընտրեն իրրեւ Արքեպիս-
կոպոս Քէնդրապրիի : Իննօսէնդ Գ . Պապը երկուքին
ընտրութիւնը մերժեց եւ հրամայեց որ Ստեփանոս
Լանկթըն , կարող անձ մը , Քէնդրապրիի Արքեպիս-
կոպոս ընտրեն : Ասոր վրայ՝ Անդղիոյ Յովհաննէս
թագաւորը զայրացաւ , վանականները դուրս վորն-
եց Անդղիայէն : Իննօսէնդ Գ . Պապը ամբողջ Անդ-
ղիան բանագրանքի տակ դրաւ : Հրամայեց որ բո-
լոր եկեղեցիները զոցուին , պաշտամունքները դադ-
րեցուին , եւ կտրեց Յովհ . թագաւորը անդամակ-
ցութենէն եւ սպառնաց անոր զահը Ֆրանսայի թա-
գաւորը Փիլիպսոս Օգոստոսին տալ , եթէ ինք չ'ա-
պաշխարէ : 1213-ին Յովհ . թագաւորը խոնարհու-
թեամբ հպատակեցաւ Պապին : Իր հպատակութեան
մէջ այն աստիճան յառաջ զնաց որ ամբողջ Անդղիա
Պապին յանձնեց եւ անկից ետ առաւ , իրեւ Պապին
հպատակ , ճորտ մը , եւ խոստացաւ ի նշան հպատա-
կութեան տարիէ տարի տուրք տալ Պապին :

Պէնէտիկոս Տրդ Պապը . (Boniface VIII. 1302)

ըստծ է , «Բոլոր մարդկային էակներ Պապին հպա-
տակներն են իրենց հոգիներուն անհրաժեշտութեան
եւ կրկութեան համար : »

Կղեմէն Տրդ Պապը (Clement V.) 1309 , Հրամա-
յամայեցին որ իրենց հակառակորդ Վենետիկցիք գերի ծախ-
ութին :

Գրիգորիոս ԺՄ-րդ Պապը եւ Սեքիստոս Դ , Հը-
րամայեցին որ իրենց հակառակ կեցող Ֆլորէնսի քո-
ւոր ժողովուրդ գերի ծախութին եթէ վերջապէս չը
պիտի հնազանդին :

Յուլիոս Բ . Պապը նոյն բան հրամայեց որ ի
գործ դրուի Ֆլորէնսի եւ Պոլօնիոյ անհնաղանդ ժո-
ղովուրդին :

Նիկոլաս Ե . Պապը 1442ին քաջակերէց Փօրթու-
կալցիք սեւերու գերեվաճառութեան մէջ :

Պոլոս Գ . Պապը հրամայեց բոլոր Անդղիացիք
գերի ծախութին եթէ պիտի օգնէին Հէնրիկոս Բրդ
թագաւորին :

Մարթին Լուտերէն շատ առաջ ըմբոստութիւն-
ներ ծայր տալ սկսեր էին Պապականութեան դէմ :
Շատ անձինք Լուտերէն առաջ ընդունած էին թէ Ս .
Գիրքն է մինակ հեղինակութիւն ու առաջնորդ՝ հա-
ւատոյ ինդիքներուն մէջ : Կային անձինք ալ որոնք
կ'ընդունէին թէ տիեզերական ժողովները գերիվե-
րոյ են Պապէն եւ կարող են մինչիսկ զահաղուրկ ընել
Պապերը : Այս տեսակ հրատարակիչներ կը թելա-
դրէին որ կիներ ալ ընդունուին բարձրագոյն Ժո-
ղովներուն մէջ :

Հակառակ խնդիրներուն այս աստիճան յառա-
ջացման ու լուսաւորութեան , բարեկարգութիւնը
դեռ չիրականացաւ , որովհետեւ գեռ ամբողջ դէպ-
քիր ու դէմքիր այն տեսակ կերպով շղթայուած չէ-

ին, պարագաներ հասունցած չէին, բարեկարգութիւնը իրական դարցնելու:

5. Պատականութեան բաժանումը, 1377-1444, տկարացուց Պատական ազգեցութիւնը եւ նպաստեց բարեկարգութեան դատին:

6. Կրօնական կացութիւնը.— Բառ Ս. Օգոստինոսին եւ անկից առաջ Սաղմոսերգուին (Սաղմ. 42: 1, 2) մարդ ծովու մը ալիքներուն նման անհանդարտ է մինչեւ որ գտնէ զԱծ. Մարդուն կարօտութիւնն Ած. ն. է: Սակայն միջնադարեան եկեղեցին ընդառաջ չեկաւ մարդուն այս կարօտութեան, փոխանակ հոգեւոր սնունդը տալու, նախապաշարումներով ու աւելորդապաշտութեամբ սնուց զժողովուրդ: Սուրբերուն թիւը շատցուց իբրեւ միջնորդ Աստուծոյ ու մարդոց մէջ եւ անոնց մասունքներուն ոպաշտամունքը: Մըրսց մասունքները հաւաքուեցան, ամենէն շատ հաւաքող ամենէն աւելի բարեպաշտ կը սեպուէր ըլլար անձ մը կամ քաղաք մը: Սաքսոնիոյ կայսրնոտիրը, Ֆրէտէրիկ Իմաստուն, որ վերջէն Լուտերին պաշտպանն եղաւ 5000 սրբոց մասունք հաւաքած էր: Ատոնց մէջ կը դանուէին Մովսէսին գաւաղանը, այրուած մօրենին կտոր մը, Ս. Կոյս Մարիամին մանած թելէն մաս մը եւն.: Մէնցի կայսրնոտիրը, աւելի հաւաքած էր, 5000է աւելի: Իր հաւաքածներուն մէջ կը դանուէին 42 սուրբերուն լման մարմիները, կտոր մըն ալ ա՛յն հողին՝ որմէ Ած. ստեղծեց մարդը: Եկեղեցին կ'ուսուցանէր թէ ազօթքներ, սրբոց բարեխօսութիւնք, ուխտագնացութիւնք, պատարագներ, ողորմութիւնք, եւ բարի գործեր միասին հաւաքուելով, հոգեւոր ծոխ գանձարան մը կ'ըլլան գործածուելու հաւատացելոց փրկութեան համար Պատին ձեռքով, ճիշդ

այնպէս ինչպէս որ հարուստ մէկ մը իր ունեցած մեծկակ գումարին որ պանքայի մէջ զըած է, չէքերով ամէն մէկուն բան մը կուտայ իր կարօտութեան ու պէտքին չափով, կամ որչափ որ ինք կը կամենայ:

Մինչ եկեղեցին այսպէս կը վարդապետէր, Վերածնունդն (Պընէսանս) տեղի ունեցաւ, տպագրական դիւտն եղաւ: Այս երկութիւն չնորհիւ, մարդիկ լուսաւորուեցան: Ոմանք սկիզբանի զարցան, ոմանք ալ անկեղծ հաւատացողները, որոնք իբրեւնց կրթուած ու լուսաւորուած միաքը կրօնական ուղղութեամբ գործածեցին մարդուն հոգեկան կարօտութեան իրական աղբիւրն զանելու եւ անով յագեցնելու մարդուն հոգեւոր ծարաւն ու անօթութիւնը:

7. Ընկերական սկզբունք.— Մարդկային ցեղին սկամմութիւնը ճօճանակի մը պէս զարցած է երկու կէտերուն մէջտեղ, անհատականութիւն ու հաւաքականութիւնը: Երբեմն անհատական իրաւունքները չեցաւուած են ի վնաս ընկերական հաւաքական կեանքին ու իրաւունքներուն, երբեմն ալ ընկերական, հաւաքական կեանքին շահերը իրաւունքները նկատի առնուած են ի վնաս անհատականութեան: Օրինակի համար,-

Հին ատեներ, Յունական շրջանէն առաջ՝ ցեղն էր ամէն ինչ, անհատ անարժէք էր բացի այն պարագային՝ երբ կը մատուցանէր աչքառու ծառայութիւն մը ցեղին:

Յոյն-Հումէկական քաղաքակրթութեան վերջին շրջանին անհատին իրաւունքը նկատի առնուեցաւ ու չեցաւուած, եւ հասարակական ցեղային կեանքը քայլայուի սկսեց: Գլխաւոր առաքինութիւնը սեպ-

ուեցաւ՝ «Ծանիր զքեզ», մարդիկ այլեւս դադրեցան ճառելու տիեզերքի ծագման ու վախճանին մասին, սկսեցին խոկալ ու ճառել մարդոց ապրելակերպին վրայով ըսելով «Ո՞րն է լաւագոյն ապրելուն կերպը»։ Յառաջ եկան նորանոր բարոյական դրութիւնները, Rationalism, Epicurianism, Stoicism. Քրիստոնէական քարոզիչներն ալ Աստուծոյ թագաւորութիւնն աւելի շեշտ դրին անհատի փըրկութեան ու յաւիտենական հրանութեան վրայ։ Իրարեւ արդիւնք այս նոր միացեալ շարժման, Յոյն Հոսոմէական բարոյազիւսութեան եւ Քրիստոնէութեան, պետական կազմը քայլայուիլ սկսեց։ Խնկաւ գասական քաղաքակրթութիւնը, քառսային վիճակ մը տիրեց։ Լեռն Ա. Պապը, (390-461) որ Մեծ ալ կոչուեցաւ վրկեց աշխարհը այս քառսային վիճակէն, կարդ կանոն մացուց, կազմակերպեալ ընկերութեան չահը գեր ի վերոյ դասեց անհատական չահէն, ճօճանակը անհատէն ընկերութեան, կազմակերպուած եկեղեցին դարցուց։ Միջնադարեան Եկեղեցին եղաւ ամէն բան եւ ամէն բանին գլուխ։

Սակայն խաչակրութիւնը, ընդարձակուած առուտուրը, գրական ու գեղարուեասից վերածնունդը, տպագրական գիւտար, գարերու ընթացքին բարեկարգութեան ի նպաստ բարձրացուած պահանջները, Պատկերուն գեղծումները, ժողովուրդին կալուածալրկութիւնը եւն. ասոնք բոլոր կամաց ժողովուրդը արթնցուցին եւ գիտակից դարցուցին իրենց իրաւունքներուն։ Հիմա շարժումը սկսեց այլ եւս դէպի անհատը, անհատական խզմին արդառութիւնը, ուշագրաւ խնդիր մը դարցաւ եւ հետզհետէ գետին պատրաստուեցաւ անհատական ազատութեան։ Բողոք. Բարեկարգութիւնը անհատին իրա-

ւունքին ճշդումն է։ 16-րդ դարու բարեկարգութիւնը, ճօճանակը հաւաքականէն, ընկերութենէն դէպի անհատ դարցուց բնական աղդեցութեան եւ հակադդեցութեան սկզբունքին համաձայն։ Այս շարժումը զօրաւոր թափ առաւ նախ Գերմանիոյ մէջ։ Պատճառու, որովհետեւ Գերմանիոյ մէջ անհատականութիւնը չըտկարացաւ ի շահ համայնական հաւաքական կեանքին։ Գերման կայսրութիւնը, անուանական էր, երբէք չըդօրացաւ չը կեզրոնացաւ եւ զօրաւոր աղդեցութիւնը չանեցաւ։ Մօտ 300-ի անկախ իշխանութիւններ ինքնավար քաղաքներ կային Գերմանիոյ մէջ։ Գերմանացիք գէշ կղզային որ իրենց զրամները եկեղեցին միջոցաւ կը յորդէր դէպի չըսում։ Երգիծաբանութեամբ կ'ըսէին, «Մինչ իտալացի կղերներ Հոսոմին մէջ Գերման զրամով հաւումով ու գինով կը պարարտանան, անօթի Գերմանացիներուն վրայ պահը եւ ծոմ կը պարտադրեն»։ Գերմանիոյ մէջ անհատականութիւնը ճնշուած, ճզմուած չ'ըլլալով, Գերմանիան եղաւ առաջնորդ անհատական ազատագրութեան, Բողոքական շարժումով։

8. Մարթին Լուտեր. Իրաւամբ ըսուած է, «Ագդերու պատմութիւնը, անհատներու պատմութիւնն է»։ Ո՛եւէ շարժում կրցած չէ արմատ ձգել ու իրականանալ առանց անհատի մը կամ մասնաւոր անհատներու նուիրման ու ջանքերուն։ Անհատներն են որ կը խտացնեն իրենց հոգիներուն ու մտքերուն մէջ դարուն ընդհ. պահանջը եւ զայն արտայարակուու ու անոր ջատագով հանդիսանալու կորովն ու քաջութիւնը կ'ունենան։ Բողոք. Բարեկարգութիւնը համար Մարթին Լուտեր եղաւ առանկ անձ մը։

Լուտեր կարծես թէ սեղծուած, չինուած եւ

սատրաստուած էր ատանկ շարժումի մը առաջնորդ ըլլալու : Ինք ուսեալ, կրօնասէր ու գործնական անձ մըն էր : Բնաւորութեամբ ուրախ, յուսալից եւ ան- լոսնջ աշխատող մըն էր : Փոթորիկներ սիրող անձ մըն էր : Բարձր մտաւորական ու փիվլիսովիայ մը չէր բայց կը յանկար կրօնական հաւատքին միջոցաւ փիվլիսովիայի մը խաղաղ ու անվրդով կեանքն ունե- նալ : Լուտեր ամէն բանէ առաջ փրկութեան ցանկա- ցող անձ մըն էր : Ցորչափ կը կրէր իր մէջ չը փրկու- ուած հոփի մը, անհանդարս ու անհանդիսա էր : Մի- ջին գարսւ եկեղեցին յանձնարարած բոլոր միջոց- ները, օրէնքները, կարգ ու կանոնն խստիւ ու հաւա- տարմութեամբ կատարեց ի գործ դրաւ վրկութեան խաղաղութիւնը ստանալու, բայց չունեցաւ : Երբոր Ս. Գրոց ընթերցանութեան առաջնորդուեցաւ, սի- սահար դարձաւ Պօղոսի թղթերուն եւ գտաւ, թէ փրկութիւնը Հաւատենվ է ոչ թէ գործով ու եկեղե- ցական ծէսերուն միջոցաւ : Լուտեր այսպէս զտնե- լով հոգեկան խաղաղութիւնը շարունակեց իր գո- սախօսութիւնք եւ ուսուցչական գործը Աւիթնալրկի մէջ առանց երբէք իր մտքէն անցնելու թէ օր մը պի- տի ընդվկի Պապին դէմ ու խոչ իր յարաբերութիւնը իր սիրած եկեղեցին հետ : Լուտեր այդ ըմբռուտա- կան գիրքին մզող երեք իրողութիւններ, ինոքիներ կային որոնք բոլորովին գրաւած էին իր հոգին ու միտքը եւ ինք յօժար չէր՝ նշանակէծ մը անտնջմէ կոնխելու : Այդ երեք իրողութիւններ Լուտերին հա- մար էին :

ա. Փրկութիւնը Աստուծոյ ձրի սպարգեւն է որ Յի- սուս Քրիստոսով մարդոց տրուած է հաւատքին, ոչ թէ գործքերու ծէսերու եւ ներողութեան կոնդակ- ներուն միջոցաւ :

բ. Փրկութիւնը ուղղակի եւ անհատական է, ա- ռանց եկեղեցիի միջորդութեան :

գ. Կրօնքին մէջ՝ միակ ու բացարձակ հեղինա- կութիւն ու իշխանութիւն Ս. Գիրք եւ անհատին խղձմտանքն է :

Քիչ առաջ ըսկնք, Լուտեր Նախախնամօրէն, իրմէ ստեղծուած ու պատրաստուած էր Բողոք . Բարե- կարգութեան առաջնորդ ըլլալու, ոչ այնչափ իր հմտութեան ու խորունկ հոգեւոր տեսութեան հա- մար, այլ իր բնական խառնուածքին : Սյօ կէտը չա- փով մը լուսաբանելու համար բազզատութիւն մը ը- նենք Լուտերի եւ իրեն ժամանակակից տիտանեան ճէծ մտքի մը, Երասմոսին հետ :

Երասմոս Լուտերէն աւելի տեսաւ եկեղեցիին պա- կաները, եկեղեցականերուն հակառիքիստոնէական արարքները : Երասմոս Լուտերէն աւելի կարող կեր- պով ու երգիծարանօրէն ձաղկեց գանոնք, բայց Ե- րասմոս կարող չեղաւ բարեկարգութեան առաջ- նորդն ըլլալու : Երասմոս թարգմանեց Նոր Կտա- կարանը բացատրութիւններով միասին, եւ Հար- ուածեց անինայ կերպով Աստուածաբանն : րուն սր- իալները, բայց բարեկարգիչ չեղաւ եւ չէր կրնար ըլլալ : Երասմոս իր բոլոր կարողութեամբ ջատա- գով հանդիսացաւ սա գաղափարին, թէ Ս. Գիրքը յողովորդին հասկանալի լեզուով թարգմանուելու է եւ ամէն անհատին ձեռք դնելու է : Հատու երգի- ծաբանութեամբ մը կը լըսէր, «Կարծեն թէ Քրիստոս և Առաքելաններ խրթին անհասկանալի լեզուներով խօսեր են, դժուարիմաց վարդապետութիւնք սոր- վեցուցեր են, անոր համար է որ մարդիկ կը հակա- ռակին Ս. Գրոց աշխարհէիկ լեզուներու թարգմա- նութեան : Կարծես թէ Քրիստոնէութեան ապահո-

վութիւնը կը կայանայ տղիտութեան մէջ» :

Երասմոս կը ծաղրէր ուխտագնացութիւնները, ծէսերը արարողութիւնք իրեւ միջոց փրկութեան :

«Ֆողովուրդ մը», կ'ըսէր Երասմոս, «կրնայ ունենալ խաղաղութիւնը միայն այն ատեն, երբոր քիչ տոկմաներ ունի» : Երասմոս իր ունեցած գրական հմտութեան համար, կը կոչուէր «Թագաւոր Գրականութեան» : Այսուամենայնիւ այս մեծ միաքը չը կրցաւ բարեկարգիչ ըլլալ իր բնական խառնուածքն ու իր կազմած հոգեկան ու մտաւոր ըմբոնումներուն համար : (ա) . Երասմոս հակառակ էր Պապին գէմ ըմբոստանալուն : Ասանկ քայլ մը ինք յոյժ աղիտարեր կը գտնէր : Լուտեր բնաւ Երասմոսին համամիտ չէր : Ինք պատրաստ էր ուժգին հարուած տալու ո՛ւեւէ իշխանութեան, կազմակերպութեան, որ կը նկրտէր անհատական խղճի աղատութեան եւ Ե . Գրոց տեղ բանելը : (բ) . Երասմոս յոլովութեական մըն էր (Էվոլիւզնիսը), կը հաւատար որ մարդիկ տակաւ առ տակաւ պիտի լուսաւորուին : Լուտեր՝ յեղափոխական մըն էր, պատրաստ քանգելու հինը, նորին տեղ ընելու համար : (գ) . Երասմոս կը հաւատար թէ կրթութեամբ, ժամանակուան ընթացքին, չարիքներ կամաց կամաց պիտի անհետին առանց մեծ ցնցումներու : Լուտեր կը հաւատար թէ մարդուն բնութիւնը այն աստիճան ախտաւորուած վատթարացած է, որ ո՛ւեւէ կերպով կարելի չէ դարձանել : Մարդը՝ Ասոուծոյ վերանորոգող փրկարար ձիթ չնորհքին պէտք ունի հաւատքին միջոցաւ, որ պէսզի փրկուի : (դ) . Երասմոս որչափ որ կը քննադատէր խստիւ, եկեղեցական ծէսերն ու աւելորդապաշտութիւնք, սակայն անյոյս չէր, կը հաւատար թէ անոնք ժամանակուան բնթացքին պիտի փոխ-

ուին : Լուտեր բացարձակօրէն անյոյս էր անոնց աստիճանական փոփոխութիւննէն : Անոր համար կ:ուզէր զանոնք մէջտեղէն վերցնելը : (ե) . Երասմոս բնաւորութեամբ լուրջ, խաղաղ եւ ինքնազուած էր : Լուտեր գիւղագրգիւ, խթօտ, հրաբուրուք բնաւորութեան տէք անձ մըն էր, հրաբուխ մըն էր, պատրաստ բոնիկելու : Ահա այսպէս, հոգեկան ու մտային տքածակլութիւնք, ոչ թէ հոգեկան ու մտային պաշարները խորունկութիւնն պատրաստ չին բարեկարգութեան առաջնորդները, ոահնվիրանները :

9. Անհեռատես գործունէութեան եղանակը եւ ներման կոնդակներն ալ պատրաստեցին գնախն բարեկարգութեան : Մինչ Լուտեր Ռեիթինուպրկին մէջ խաղաղօրէն զբաղուած էր իր ուսուցչական զործով, Տէցէլ սկսեց ընդալից կերպով ներման կոնդակները ծախու հանել : Ս. Պետրոսի եկեղեցին լրացնելու համար, Պապը դրամի պէտք ունէր : 1517-ին Մէնցի Արքեպիսկոպոսը 10,000 տուկաս (§22,850) Պապին կաշառք տալու խոստացաւ, եթէ Պապ երեք արքեպիսկոպոսական թէմերը իրեն յանձնէր, ինք արդ դրամը ներման կոնդակներով պիտի զոյացնէր : Ըստած է : «Եթէ Պապը հասկնար թէ ներման կոնդակները ինչ կերպով կը ծախուէին՝ ինք պիտի նախադատէր Ս. Պետրոսի եկեղեցին կիսակատար թուլնորէր Ս. Պետրոսի եկեղեցին դեռ բերել : Վան թէ այդ կերպով դրամը ձեռք բերել» :

Ներման կոնդակներուն դէմ բողոքներ եղոծ էին, 1250-էն սկսեալ : Պերիօդտ ավ Տօկէնզպրի (13-րդ դարուն) ըստած է : «Հաղարաւոր հոգիներ գժոիիք կը երթան որովհետեւ կը խորհին թէ հեշտիւ կրնան ներման կոնդակ մը ձեռք բերել փէննի արժէք ունեցող քարոզիչներէն» :

1450-ին Օքսֆօրտի տեսուչ Քամկօյան բանձ է,

«Մեղաւորներ սովոր են ըսել, հոդ չէ որչափ ալ որ
մեղք գործեմ, դիւրաւ կընամ ներման կոնքակ մը
ձեռք բերել քէնիս մը խաղալով»:

1517-ին երբ Տէցէլ սկսեց վաճառել ներման կոն-
դակները, տեսակ մը անհեթեթ ու արտասովոր բա-
ցատրութիւններով, Լուտեր բռնկեցաւ, 95 յօդ-
ուածներով հակառակեցաւ անոնց վաճառման եւ
հարպարակային վիճաբանութեան մը հրաւիրեց զա-
նոնք, ներման կոնդակներ վաճառողները: Լուտերի
95 յօդուածներ շուտով Գերմաններէնի թարգման-
ուեցան եւ շրջաբերութեան դրուեցան: Պապը նախ
կարեւորութիւն չընծայեց, կղերներու վէճ մը սե-
պեց: Երբոր խնդիրը ուշազրաւ եւ ընդհանրական
դարցաւ, միջամուխ եղաւ: Նախ, ջանաց լուեցնել
Լուտերը կարտինալութեան պաշտօն մը տալով ի-
րեն: Երբ ատով չկրցաւ սիրաշահիւ, սպառնաց
Լուտերին: Երբ անոր մէջն ալ չը յաջողեցաւ, Յու-
նիս 15, 1520-ին կոնդակով մը կտրեց Լուտերը ե-
կեղեցին եւ զատապարտեց Լուտերին բոլոր դրու-
թիւնք: Լուտերն ալ իր կարգին, նոյն տարին 1520
Դեկ. 10-ին հրապարակաւ խարոյիկի զատապարտեց
Պապին կոնդակը եւ եկեղեցական կանոնագիրը:

Պապը դրաւ Գերման Կարոլոս Ե. կայսեր վրայ՝
պատժելու Լուտերը: Կայսր իրեւ հաւատարիմ ու
մոլեռանդ կաթոլիկ մը պատրաստ եղաւ Պապին Հը-
րամանը ի գործ դնել: Գերման իշխաններ անմի-
ջապէս պաշտպան հանդիսացան Լուտերին ըսելով.
«Ապօրինի է մէկու մը դէմ վճիռ արձակել առանց
իրմէն լսելու»: Կայսր կայսերական ժողով մը դու-
մարեց եւ այդ ժողովին հրաւիրեց Լուտերը, խա-
զաղութեամբ ու քաղաքավարութեամբ, խասա-
նալով անոր ապահով ճամբորգութիւն մը: Լուտեր

ընդունեց հրաւիրը եւ զնաց ըսելով. «Որմսի տա-
նիքներուն վրայ եղած կղմինտիրներուն չափ սա-
տանաներն ալ հօն ըլլան, պիտի երթամ»: «Եախ ես
Պապը Աստուծոյ փոխանորդ կը սեպէի, հիմա՝ Սա-
տանային»:

Անգղիոյ Հէնրիկոս 8-րդ թագաւորը գերք մը գը-
րեց ընդ դէմ Լուտերին, Պապի կողմէն կոչուեցաւ
«Վահան Հաւատոյ» իր այս երկին համար: Իսկ Լու-
տերին պատասխանն եղաւ՝ «Հէնրի, Հէնրի, ոչ քու
դրչէդ եւ ոչ ալ քու սուրէդ կը վախնամ»:

Այդ Որմսի վեհաժժողովին մէջ՝ Լուտեր իր սկզ-
բունքներուն վրայ անխախտ մնաց ըսելով. «Եթէ իմ
սիրաներս Ս. Գրոց միջոցաւ չը ցուցուին ինձի,
նշանախէծ միսկ գրութիւններէս փոխելու պատ-
րաստ չեմ»: (Յէնէ Լուտերին աղօթքը, ժողովին
ներկայանալէն առաջ): Լուտերի այս յայտարա-
րութեան վրայ, Կայսր հրամայեց որ ժողովը փակ-
ուի: Գերման ասպետներ իրենց սրերով կամար մը
շինեցին որու տակին Լուտեր դուրս հանեցին, եւ
Յաքոնիոյ կայսրնարին միջոցաւ իր բերգերէն մէ-
կուն մէջ բանտարկեցին, ապահովութեան համար:
Կայսր հրամայեց որ Լուտերի բոլոր դրութիւններ
դատապարտուին, ոչնչացուին: Բողոքականութիւնը
իր սաղմնային վիհակին մէջ պիտի խեղիուէր, երէ
քաղաքական նորանոր դէպիէր տեղի չունենային եւ
Կայսեր ուշադրութիւնը տարբեր կողմ չը դարձելին:

10. Ժամանակակից նպաստաւոր պայմաններու
դէպիէր. Կարոլոս Ե-րդ կայսր, Ժառանդութեամբ
ու կայսերական թագին շնորհիւ տէր եղած Եր գը-
րեթէ Եւրոպայի կիսուն: Աւոտրիոյ, Գերմանիոյ,
Պէլճիկայի, Հոլանդայի, Սպանիոյ, Իտալական
կարգ մը քաղաքներու եւ ֆրանսայի մէջ Պուրկօն-

տայի գքսո. թեան։ Կարոլոս Ե-րդ կայսը որոշած էր իր կայսերական ու արքայական բոլոր ուժեր ի գործ դնել Լուտեր ու անոր չարժումը փճացնելու։ Ինք պիտի յաջողէր եթէ քաղաքական նորանոր դէպքերն ու չարժումները իր ուշադրութիւնը Գերմանիային դուրս չը դարցնէին։

Կարոլոս Ե-րդին թշնամի ու մրցակից էր Ֆրանսայի Ֆրանսիա Ա. թագաւորը։ Կարոլոսի եւ Ֆրանսիսի մէջ պատերազմ ծագեցաւ այս ատեն, Պուրկօնայի գքսութեան, Միլանի եւ Իտալական կարգ մը քաղաքներու մասին։ Պատին ալ վախճախով Կարոլոս Ե-րդ զօրութենէն՝ Ֆրանսիս Ա.ին միացաւ ջախջախելու Կարոլոսին զօրութիւնը։ Իրաց այս կացութեան մէջ, Կարոլոս Ե. խոհեմութիւն չը սեպեց Հետապնդել Որմսի վճիռը ի գործ դնելու։

1530-ին երբ Կարոլոս պահիկ մը դարեցաւ Իտալական պատերազմներին, Սպանիական զօրքերուն միջոցաւ աշխատեցաւ Հիմա ի գործ դնել Որմսին վճիռը ընդդէմ Լուտերին, ու անոր սկսած չարժումին։ Սակայն Ֆրանսայի Ֆրանսիս Ա. որ կը հալածէր բողոքականները իր երկրին մէջ, Հիմա Գերմանիոյ բողոքականներուն հետ դաշնակցեցաւ ընդ դէմ կայսեր։ Սոոր Համար Կարոլոս Ե. կայսը ստիպւեցաւ 1555-ին Ալկոպրիի դաշինքով խաղաղութիւնը կնքել Գերման Բողոքականներուն հետ, արտօնելով մնննց (ա) իրաքանչիւր իշխան կամ դուքս սղատ է որոշելու ընդունիլ կամ կաթոլիկութիւնը եւ կամ Լուտերականութիւնը իրեւ կրօնք իր իշխանապետութեան։ Փողովուրդը ո՛եւէ ձայն ու իշխաւոնք չունէր, Հարկադրուած էր ընդունիլ իր իշխանին կրօնքը։ (բ)։ 1552-ին առաջ Բողոքականացած եկեղեցապատկան կալուածներ կրնային իւրաց-

ուիլ, բայց 1555-ին յետոյաս'եւէ դուքս կամ իշխան երբ Բողոքական կը գառնայ եկեղեցապատկան կալուածները կաթոլիկութեան վերաբարդուելու էին։ Եւս դաշինքին մէջ՝ Բողոքականութիւն ըսելով Լուտերականութիւնը կը հասկցուէր։ Ճիշտ այս երկու անորոշ կէտերուն համար, գետին պատրաստուեցաւ ապագայի սաստիկ արխնհեղութեան կաթոլիկներուն ու բողոքականներուն մէջտեղ։ Արովհետեւ, Լուտերականութիւնին զատ ուրիշ բողոք։ Չարժումներ ալ մտան Գերմանիոյ մէջ։ Լուտերն ալ պարագաներուն բերմամբ փոխուեցաւ, հարժարեցաւ իր ծայրանեկութիւնն։ Գիւղացին՝ բուն ծայրահեղ ապամբութիւնը ընդգուռմ մը յառաջ բերին իր մէջ։ «Զարկէ՛ք, սպանեցէ՛ք, այդ ապամամբներ որոնք Թիւրքերէն աւելի գէ են»։ ըստ։ Զուինկլիի հետ, հացին ու գինիին փոխուելու ըր փոխուելու իմնդրոյն չուրջ չը համաձայնելով պառակառում յառաջ բերաւ Բողոքականութեան մէջ, Լուտեր այն աստիճան մեղմացուց իր ծայրահեղութիւնը որ արտօնեց եկեղեցիներուն ունենան իրենց եղիսկոպոնները եւ Պապն ալ իրեւ նախագահ։ Երբ Բողոքականներ կը կազմակերպուէին իրենք զիրենք պաշտպանելու, Հէսի իշխանը Ֆիլիպ, խոստացաւ իրենց կողմ անցնիլը եթէ իրեւ արտօնուի երկու կին ունենալ։ Լուտերը ու Մելանկթոն արտօնեցին։ Սակայն հակառակ ասանկ տատանումներուն, որոնք արտաքոյ կարդի պարագաներուն ծնունդն էին, Լուտեր անկեղծ հաւատացոյ մըն էր, եւ անսպաս կորովի տէր անձ մը։ Իր անսպաս ոյժին զաղանիքը իր հաւատքին մէջն էր։ Յունիս 30, 1530 երբ գետ Ալկոպուրիի ժողովը կը շարունակէր ունենալ իր նիստը, Լուտեր գրեց Մելանկթոնին կոչում ընելով Յովհ. 16. 33 բաելով

«Փնջո՞ւ վախճանք պարտուած աշխարհէն, «որ կը
խօսի որպէս յաղթող»: Իր երգը, «Աստուած մեր
բերդն է հաստատուն,» ինքնին ապացոյց մըն է իր
զօրաւոր հաւատքին:

11. - Ժամանակակից Պատգերուն խստութիւնը -
ինչպէս որ տեսանք, բարեկարգութեան պահանջը՝
կուտերէն Յ դար առաջ բարձրացուած էր բայց Պա-
պէր անտես ըրին: Լուտերին ժամանակակից Պա-
պէրը, Լեւոն 10-րդ որ զարգացած բարձր ժաման-
լական մըն ը, եւ անոր յաջորդը, Աստրիան Յ-րդը որ
բարի, պարկէշտ եւ կրօնակը անձ մըն էր, եթէ այս
անձինք բարեկարգութիւն մը ըրած ըլլային, կարդ
մը զեղծումներուն դէմ առած ըլլային, կացութիւնը
կը փրկուէր եւ եկեղեցին պառակտումէն կ'ազատ-
ուէր: Մինչ Լուտեր Վարպըրկին մէջն էր, Լեւոն
10-րդ Պապը մեռաւ, իրեն յաջորդեց Հատրիան Յ-
րդ: Այս անձը անկեղծութեամբ ընդունեց թէ Գեր-
ման կրօնական յեղափոխութիւնը արդիւնքն է եւ
Աստուծացին պատիժը այն բոլոր մեղեքրուն, զորս
բարձրատիճան կդեռներ գործեր են: Հակառակ
այս խոստովանութեան քայլ մ'իսկ չառաւ բարե-
կարգութիւն ընելու: Ամենչն առաջ իր պահանջն ե-
ղաւ որ Լուտեր ճգմուի: «Այն Թիւրքերէն աւելի
վատ թշնամի մըն է Քրիստոնէութեան» կ'ըսէր:
Այս կերպով Հատրիան Յ-րդ Պապը կորանցուց պա-
տեհութիւնը եկեղեցին փրկելու պառակտումէն:

12.- Այլազան պատճառներ - կուտերին սկսած
կրօնական յեղափոխութեան գործը իր սկզբնական
քայլին մէջ պիտի խեղուէցը, եթէ տարբեր տարբեր
մարդիկ այլազան շարժառիթներով նպաստաւոր
զերք մը բոնած չըլլային իր շարժումին հանդէպ:
Գերմանացի իշխաններէն ոմանք զուտ ազգասիրու-

թեան հոգիէն մզեալ կուտերի շարժման ոյժ տուբն,
ստար լուծէն, Պապին իշխանութենէն, իրենց երկի-
բը ու ժողովուրդը ազատելու համար : Ամանք ալ
երբ տեսան իրենց հակառակորդները Պապական իշ-
խանութեան համամիտ են, եւ հակառակ կուտերին,
անոնք կուտերին կողմ անցան մէկ պատճառու, ի-
րենց անձնական վրէժն առնելու իրենց հակառա-
կորդներէն : Ժողովուրդէն ոմանք կուտերական ե-
ղան, իրենց տէրերուն դէմ ըմբռոտանալու համար :
Կղերներէն ոմանք ալ կուտերական եղան ամուս-
նանալու նպատակաւ : Երրէք անտես առնելու չենք
ոմանք ալ կուտերական եղան կրօնական անկեղծ
համոզումով ու հաւատքով : Այսպէս զանազան
շարժառիթներով մարդիկ միացան սկսուած նոր
շարժումին, եւ զօրացուցին զայն :

Բայց այս բոլորը, չը պիտի կրնային յաւելքացը
նել այդ շարժումը եւ նոր եկեղեցիներ յառաջ բերէ-
ին՝ եթէ քաղաքական պարագաներ նպաստած չ'ըլ-
լային։ Ինչպէս որ տեսանք այդ քաղաքական պարա-
գաներն էին որ Ֆրանսայի թագաւորը Ֆրանսուա,
կամ Ֆրանսիս Ա. միմիայն քաղաքական նախատակաւ
ոգնեց Գերման Բողոքականներուն ընդ դէմ Կարոլոս
Ե. կայսեր։ Միեւնոյն նպատակաւ Պապ ինքնին դէմ
զարցաւ Կարոլոսին անոր հօր քաղաքական իշխա-
նութիւնն վախճակաւ համար։ Այլապէս Կարոլոս Ե.
իբրև նուիրուած կաթոլիկ մը, որոշած էր իր ար-
քայական ու քաղաքական բոլոր գօրութիւն ի գործ
դնել կուտեր եւ անոր շարժումը ձգմէլու ու վերջա-
ցընելու։ Վերջապէս Պապին ու Կարոլոսին եւ Փր-
բանսայի թագաւորին մէջտեղ եղաւ խաղաղութիւ-
նը։ Կարոլոս հիմա այլեւս ազատ էր իր փափաքը
իրազործելու գերմանիոյ մէջ եւ վերջացնելու կու-

տերական շարժումը, ևթէ քաղաքական նոր ու վիթիարի շարժում մը տեղի ունեցած չ'ըլլար: Այս նոր շարժումը տեղի ունեցաւ Թիւրքերուն միջոցաւ:

Օսմանցիք իրենց արագ յառաջացումով ու ահարկու ոյժով սարսափեցուցեր էին Եւրոպա: Մինչ Կարոլոս կը ջանար Բողոքականութիւնը արմատախիլ ընել Գերմանիոյ մէջ, Օսմանցի Թիւրքեր ահարկու ոյժով ու նոր հրետանիներով եկան ու Վիեննա պաշարեցին: Կարոլոս հարկադրուեցաւ հաշտութիւն մը կնքել Գերմանիոյ Բողոքականներուն հետ, միացեալ ոյժով Թիւրքերուն զէմ կոռւելու համար: Բողոքականութիւն այսպէս արմատ կապած Գերմանիոյ մէջ՝ սկսեց ծաւալել հիմա ոչ Հոռմէտականացած երկիրներուն մէջ, Անդղիոյ, Սկովտիոյ, Զուբցերոյ, Հունատայի, Տանիմարքայի եւ վերջէն Սկանտինատեան թերակղղին մէջ:

Բ:— Բողոքականութիւն ու Կաթոլիկութիւն բաղդատուած :

1. Բողոքականութիւն կը հաւատայ թէ փրկութիւն Աստուծոյ ձրի պարզենի է Յիսուս Քրիստոսի միջոցաւ արուած հաւատքին միջոցաւ առանց ո'եւէ խորհուրդի միջամտութեան:

Բատ Կաթոլիկութեան՝ այս պարզեւը կը արուի մարդոց սուրբ Խորհուրդներուն մատակարարութեամբ:

2. Բողոքականութիւն կ'ընդունի եկեղեցին իրեւ միջոց մը Աստուծոյ թագաւորութեան իրականացման:

3. Բողոքականութիւն կ'ընդունի կիրեւ հոգիւ մը ուսուցիչմը որ իր նկարագրին, կրթութեան եւ Սուրբ Հոգւոյն կոչմամբ կանչուած է հովուելու եկեղեցին եւ մնուցանելու ժողովուրդը ճշմարտու-

թեամբ: Բողոքականութիւնը կարեւորութիւն չ'ընծայէր առաքելական ձեռնադրութեան, այլ առաքելական չնորհքն ունենալուն:

Կաթոլիկութիւն կ'ընդունի թէ կղերը ձեռնադրութեամբ զատ գասակարդամը եղած է, որոց արուած է չնորհքը, որով անոնք կարող են Ս. Խորհրդոց մատակարարութեամբ բաշխել ժողովուրդին հողեւոր չնորհքները, առանց նկատի առնելու իրենց ժարմնոյն մէջ գործուած մէղքերն ու յանցանքները որոնք չեն կարող ազդել իրենց արուած առաքելական չնորհքին ձեռնադրութեամբ իրենց փոխանցըրուած: Հիմա Կաթոլիկներուն անսակետով նկատի առնենք թէ ինչ է տարրերութիւն Բողոքականաւթեան ու Կաթոլիկութեան մէջ:

Բատ Ֆատըր Ճէօ, Թիրէլի, (Տես «Թիր Քրիստիւնիրի էք ք-իր Քրոս Ռօու») Բողոքականութեան ու Կաթոլիկութեան տարրերութիւններն են՝

Ա. Բողոքականներ կրօնքին մէջ շեշտ կը դնեն բարոյական կեանքին վրայ, արմատացած Աստուծոյ վրայ եղած հաւատքով եւ որ կ'ածի Աստուծոյ համեմելու: Բատ Բողոքականութեան, Աստուծոյ թագաւորութիւնը մարդոց ներսին է: Բողոքականներ հողովութական են (Եվգիիլյանիրի): Կաթոլիկներ՝ զերբնականութեան կը հաւատան: Կը հաւատան յափառնական գժողըի եւ երկինքի:

Բ: Բողոքականներ կը հաւատան թէ աշխարհոն չորքին ու բարիին պայքարին թատերաբեմն է: Մարդուն կոչումն է բարին ընելով յաղթել չարին: Մարդուն ջանքին ըլլալու է մաքրել ինքինք անասնական կիրքերէն, յաղթող հանդիսանալ անոնց վրայ:

Կաթոլիկներ կը հաւատան Աստուծոյ եւ Սատանային: Իրենց համոզումն է որ կղերներուն չնորհք

տրուած է աղօթքով գեւերը վտարել (Էֆսօրսիս) եւ տեղ ընել Ս. Հոգւոյն։ Լեւոն 13-րդ Պապ ամէն օր կ'աղօթէր որ Սատանան Հոռմէն գուրս վտարուի։

Գ. Բողոքականեր կը հաւատան թէ իրենք Աստուծոյ որդիքի կ'ըլլան իրենց բարի կեանքով։ Բողոքականեր եկեղեցական խորհուրդներ կ'ընդունին իրբեւ պարզ նշաններ մարդուն Աստուծոյ հանդէպ բըռնած դիբջին։ Բայ իրենց գատումին, խորհուրդներուն միջոցաւ զօրութիւն չը փոխանցուիր մարդուն։ Բողոքականեր կը հաւատան թէ, իրենք՝ բարոյական ու հոգեւոր զօրութիւն ձեռք կը բերեն իրենց ձտնջենական պայքարով ու հսկողութեամբ։ «Մենք Աստուծմէ զօրութիւն կ'ընդունինք, մեր հաւատաքին չափով»։ կ'ըսեն։

Կաթոլիկներ կը հաւատան թէ իրենք Աստուծոյ որդիներ կ'ըլլան Ս. Խորհուրդներուն միջոցաւ։ Այդ խորհուրդներուն միջոցաւ հոգեւոր զօրութիւն կ'շտեմարանուի մարդուն հոգիին մէջ, մահուան պարագային այդ զօրութիւն ի յայտ կուզայ։ Մկրտութեամբ Սատանան զուրս կը վտարուի մարդէն եւ մարդ Աստուծոյ զաւակ կ'ըլլայ։ Այս բնութեան գործն չէ, Աստուծոյ չնոյնքն է։

Դ. Բողոքականեր չեն կարող որոշ գիծ մը քաշել մարմնոյն ու հոգիին մէջտեղ զանոնք իրարմէ անջատելով։ Ոմանք մարմին հոգիին արտայայտութիւն կը սեպէն եւ ոմանք ալ կը նոյնացնեն։

Կաթոլիկներ կը նկատեն մարմին իրբեւ սպասաւոր ու թշնամի հոգիին։ Երկուքն ալ թէ մարմին եւ թէ հոգին, փոփոխութեան պէտք ունին։

Ե. Բողոքականեր կ'ընդունին Ս. Հաղորդութիւնը իրբեւ խորհրդանշան մը։ Կաթոլիկներ կ'ընդունին Ս. Հաղորդութիւնը իրբեւ կենաց հացը, իրբեւ հա-

կաթոյն (Էնքիտադ) մահուան եւ կերակուր հրեշտակային բնաւորութեան։

Զ. Բողոքականեր չեն հաւատար ծէսերով ու արարողութեամբ զԱստուծած պաշտելուն, այլ հոգւով ու ճշմարտութեամբ։ Կաթոլիկներ կը հաւատան՝ ծիստկան արարողութեամբ զԱստուծած պաշտելուն, բնելով։ Յիսուս գնահատեց տաճարն ալ Սինակօկն ալ որով յարգեց իր նախահարց կրօնքը։

Ի. Յաւիտենական կեանքը, բայ Բողոքականերուն անման, զարգացման եւ զեռ ըլլալու կեանք մընէ։

Կաթոլիկներուն համար յաւիտենական կեանքը՝ աշխատութենէն հանգստանալու, Աստուծոյ երեսին վրայ խորհելու ու յափշտակութեան կեանք մընէ։

Ռ. Բողոքականեր չեն հաւատար սրբոց միջնորդութեան, բարեխօսութեան։ Կաթոլիկներ կը հաւատան եւ կ'ընդունին թէ սրբոց գէմ եղած հալածանքը պիտի արարացնէ Աստուծոյ թագաւորութիւնը՝ որ ուժով, կարծես փոթորիկով պիտի առնուի։

Փ. Բողոքականութեան թերութիւնք եւ Առաւելութիւնք։

Թերութիւնները։

1. Բողոքականութիւնը այն աստիճան չեշտ դրաւիսիձի ազատութեան վրայ որ մոսցաւ թէ խոզի ապատութիւնը միջոց մըն է ո՛չ թէ կէտ նպատակակէտր։ Բողոքական ապատութիւնը չարաչար գոռծածուելով, յառաջ եկան շատ մը տգէտ ինքնահաւան, ինքնակոչ անձեր, որոնք Պապերէն աւելի քննադատու խիստ զիրք մը բանեցին իրենցցէ տարբերողներուն հանդէպ, զանոնք դժոխքի որդիք եւ մարդկութեան թշնամիներ կոչելով։

2. Բողոքականութիւնը անտեսեց մարդուն զդա-

ցումներուն գերը մարդկային կեանքին եւ անոր նկարագիրը կերաելուն մէջ : Մոսցաւ թէ մարդ զուտ բանական էակ մը չէ, այլ զգայնական ալ :

3. Բողոքականութիւնը անտեսեց աւանդութեանց եւ անցեալ յիշատակներուն բարերար գերը մարդկային կեանքը կերտելուն մէջ : Անցեալի սովորութիւնք, կազմակերպութիւնք աւնին իրենց զսպիչ, կրթիչ եւ առաջնորդող գերը մարդկային կեանքին մէջ : Կախում ունի թէ մարդիկ ինչպէս պիտի վարուին անսնց հետ, այդ անցեալի յիշատակներուն ու սովորութեանց եւ աւանդութեանց : Անհնք կրնան գործածութիւն իրեւ արգելք կամ գրգապատճառ Աստուծոյ թագաւորութեան յառաջացման :

4. Բողոքականութիւն այնչափ շեշտ գրաւ անհատական փրկութեան վրայ որ մոսցաւ թէ Քրիստոնէութեան կենսական կէտն է Աստուծոյ թագաւորութիւնը : Անհատ կը փրկուի Աստուծոյ թագաւորութեան մէջ հաւատարիմ սպասաւոր մ'ըլլալու : Անձնասիրութիւնը զգուելի է ամէն բանի մէջ, ալ աւելի կրօնքին : Փրօֆ. Հըքալիի նման անձինք այդ ատեն կրնան զգուանքով ըսել, «Երկինքն ալ պէտք չունի անձնասէր հոգիներու» :

Դժբաղդաբար Քրիստոնէութեան մէջ՝ անհատական փրկութիւնը այն աստիճան շեշտաւած ու Աստուծոյ թագաւորութիւն անտեսուած է որ շատ մը կարող մարդիկ կամ կուսակրօնութեամբ եւ կամ կղզիացմամբ ձեռք քաշած են աշխարհէս եւ թոյլ տուած են որ «Տափիւթալիզմ» եւ անոր ներհակ եւ զած շարժումները մ ա ր դ կ ու թ ի ւ ն ը իւրարու գէմ թշնամացնեն եւ ընկերական պայքարը ահարկու գարցնեն : Աշխարհս քիչ տուժած չէ այս տեսակ միակողմանի բմբոնումէն :

Բողոքականութեան Առաւելութիւն :

ա. Բողոքականութիւնը ջատագով հանդիսացած է խղճի ու մաքի ազատութեան իբրեւ միջոց մարդկային յառաջդիմութեան : Առանց այս տեսակ ազատութեան, մարդկութիւնը կը հանայ հոգեւորապէս ու մտաւորապէս և կը մահանայ : Բողոքականութիւն կը հաւատայ թէ Աստուծած գեռ շատ լրյուր ունի տալու մեղի Ս. Գրոց եւ Յիսուսի կենաց միջոցաւ :

բ. Բողոքականութիւնը կը հաւատայ թէ Աստուծած ինքինք յայնած է, իր կամքը որոշ ըրած է մարդուց, բնութեան օրէնքներուն միջոցաւ : Ասոր Համար Բողոքականութիւնը էութեամբ ջատագով է ընական գիտութեան յառաջդիմութեան, որուն միջոցաւ մարդիկ իրազեկ կ'ըլլան կերպերուն, միջոցներուն, վտարելու հիւանդութիւնք, ցաւերը, նախապաշտումները եւ երջանկացնել մարդկային էակը :

գ. Բողոքականութիւնը կը հաւատայ Աստուծոյ տիեզերական Հայրութեան, մարդկային եղբայրութեան, եւ ուրիշ կաօնքներուն իրաւունքին : Մենք կանչուած չենք հալածելու մ'եղմէ տարբեր խորհողները եւ հաւատացողները, այլ բարեկամանարու եւ միջոց մը գտնելու գործակցութեան, որպէսզի ատանկով մարդիկ մօտէն ծանօթ ըլլան Յիսուս Քըրիստոսի փրկարար չնորհքին ազգեցութեան մարդուց կենաց մէջ :

դ. Բողոքականութիւն չ'ընդունիր թէ եկեղեցական իշխանութիւնը պէտք է որ կեդրոնանայ մէկ քաղաքի կղերի մը ձեռքին մէջ : Բողոքականութիւնը Ս. Կիպրիանոսին պէս (Յ-րդ դարուն) կ'ընդունի բոլոր կղերներուն, եպիսկոպոսներուն հաւատարութիւնը : Բողոքականութիւնը Քաղկեդոնի նահանգին Փողովին պէս (418) չ'ընդունիր թէ ո՛ւել լուրջ իրն-

գիր մը ուեւէ եպիսկոպոս կամ կղեր իրաւունք ունի վճռելու առանց նահանգի եկեղեցիներու Միութեան ժողովին եւ եթէ հարկ պահանջէ ընդհանուր կը հաւատայ Ս. Յերոնիմոսին հետ (374) թէ Հոռմի եկեղեցին տարբեր չէ միւս բոլոր եկեղեցիներէն, Գաղփոյ, Պրիտանիոյ, Ափրիկէի, Պարսկաստանի: Բոլոր եկեղեցիներ միւնոյն Քրիտասոսը կը պաշտեն, միւնոյն Հաւատոյ կանոնին կը հետեւին: Ուրեմն ուր է հեղինակութիւն կամ իշխանութիւնը: Աշխարհս չառաւելի մեծ է քան թէ քաղաք մը: Ուր որ կայ եպիսկոպոս մը, Հոռմ, Պօլիս կամ այլուր, հոն կայ քան Հանայական վսեմութիւնը: Բոլորն աւ Առաքելոց յաջորդներն են: (Կիսէպըրդ, Քրիսնիենիքի փեաք Ենտ փրեգին):

Բողոքականութիւնը կը ձայնակցի Մրիմեան Հայրիկին ըսելով, «Ո՞վ սքանչելի Սէր եւ սիրոյ Բժիշկ, Պետրոսի Յուրացութեանց վէրքը, սիրոյ ամենազեղ սպեզանիովդ բժշկեցիր, եւ որ զրկուած էր Առաքելական պաշտօնէն, սէրլ երաշխաւոր առիր եւ ներելովդ կրկին յանձնեցիր նմա Աւետարանին տընտեսութեան պաշտօնը: Այլ Պետրոսի պանծացող պահականեր, այնպէս կարծեցին թէ դուն միայն Պետրոսի ձեռքը անսահման իշխանութեան գաւառ մը տուիր որ նա ի Հոռմ նստի իրբեւ աշխարհակալ մի, տիրապետէ քու աղաս հօտիդ եւ իւր հաւասար եղբայրները ճնշէ: Քա՛ւ թէ Դուն այնպէս կամ մեցար: Քա՛ւ թէ Պետրոսն այնպէս հասկցաւ եւ միւր առաքելութեան պաշտօնին մէջ այնպէս վարուեցաւ: Այս տիրապետութեան հոգին աշխարհին է, քու հեղ հոգին չէ, Յիսուս»:

Տր. Ուիլերմ Լ. Սրլիվըն, որ կրթուած էր իրբեւ ձիգութական կղեր մը, բայց վերջէն Բողոքական

հոգիւ մը եղաւ, այսպէս կ'արտայայտուի Բողոքականութեան մասին. «Բողոքականութիւնը Գիրք մը տառապէս դիտնալու նոր դպրութիւն մը չէ: Բողոքականութիւնը հասարակաց պաշտամունքին վեհութիւնը, վաեմութիւնը վերջնող կրօնք մըն ալ չէ: Բողոքականութիւն կրօնք մըն է, որ ունի պատմական հիմ մը ու հոգեւոր սկզբունք մը: Այդ պատմական հիմն է թէ Յաւիտենական Աստուած դբապէս իր կամքը յայտնեց աշխարհիս Յիսուս Քրիտոսի միջոցաւ: Հոգեւոր սկզբունքն է թէ, մենք կը պաշտենիք Պետրուած Յիսուսին պէս ուղղակի, անձնաւու եւ անմիջապէս: Բողոքականութեան տառնի ըսկրունքն է անձը, ոչ թէ ծէսը կամ հաստատութիւն մը: Ճիշդ ինչպէս որ հոլովոյթը (Եվոլիւշըն) իր ընթացքին մէջ կը յանդի վերջապէս ապրող անհատի մը, ճիշդ ինչպէս որ պատմական ընթացքը կը հասնի իր գէնիթին յառաջ բերելով մարդ մը, որ նոյնացուած չէ զանգուածի մը անոր աննշան մէկ մաս կազմելով, այլ կը կենայ շիփ շիտակ իրբեւ պատանձնաւորութիւն մը:» «Բողոքականութիւնն ալ» իր հոգեւոր և զարգացման ընթացքին ճիշդ նոյն կերպով կը հասնի իր զարգաթնակէտին, երբ զարգացած մշակուած հոգի մը յառաջ կուղայ եւ կը կենայ դէմ չանդիման Աստուծոյ առանց միջնորդի մը: Ոչ մէկ սիսթեմ, ոչ մէկ հաստատութիւն կրնայ կամ Աստուծոյ եւ կամ հոգիի տեղ բռնել: Բողոքականութիւնը վերանորոգուած, այլակերպուած եւ փառարձնած անհատներով է, որ այլակերպուած ընկերութիւն մը յառաջ պիտի գայ: Մինչ իսկ տառապանքի, վշտի ու մահուան վրայ յաղթութիւնը տանելու պատեհութիւն կայ: Ինչպէս որ անհուն ու հունաւոր հոգին Յիսուսի մէջ միանալով յառաջ բե-

րին չնորհագեղ կեանք մը, Բողոքականութիւնը ա-
նոր համար կը չեշտէ թէ այդ տեսակ կեանքն է կա-
րեւոր, «չ թէ համարներու, կարգ ու սարքի վրայ
եղած վիճաբանութիւնը»:

Բողոքականութիւն մասնաւոր դաւանանք մը, ե-
կեղեցական որոշ ձեւ ու նուիրապեսութիւն մը չէ:
Բողոքականութիւնը կը կայնի Աստուծոյ տիեզերա-

ն Հայրութեան, մարդոց ընդհ. Եղբայրութեան,
բոլոր կրօնիներուն հանդէպ տածած յարգանքին,
անհատական խղճին ու մտքին ազատութեան եւ եղ-
բայրական գործակցութեան վրայ, որպէսզի մեր
կեանքը աճի ու զարգանայ այս կերպով եւ աշխար-
հը ալ ըլլայ հաճելի, բարեկամական եւ յառաջդի-
մական վայր մը ապրելու: Բողոքականութիւնը՝
մէկ վարդապետութեան վրայ չեւտ կը դնէ, Անհա-
տին Աստուծոյ հետ ունեցած փորձաւութեան, Յի-
սուսին հետեւելով, Անոր կենդանի Հոգոյն հետ ու-
նեցած հաղորդակցութեամբ: Բողոքականութիւնը կր-
սէ, «Հետեւէ Յիսուսին: Եթէ Անոր հետեւելով
փորձաւութար կը գտնես թէ մեղքէն կազատուիս,
զինք կոչէ Փրկիչ: Եթէ Անոր հետեւելով կուսանիս
հոգեպարար նորանոր ճշմարտութիւնք, կոչէ զինք
վարդապետ, Աւսուցիչ: Եթէ Անոր հետեւելով փոր-
ձով իրազեկ կ'ըլլաս թէ մութ ճամբար կը լուսաւոր-
ուի, կոչէ զինք Առաջնորդ: Երբ Անոր հետեւելով
իրազեկ կը գտնաս Աստուծոյ ներկայութեան, կոչէ
զինք Որդի Աստուծոյ: Երբ Անոր հետեւելով փոր-
ձառու կ'ըլլաս նոր կեանքի մը եւ նոր ուրախութեան
մը, զորս մարդկային բառերով չէ կարելի արտա-
յալտել, ուրեմն լոիկ մնջիկ Անոր հետեւէ ու հոգե-
ւին երգէ «Միշտ երգեմ Անոր մեծ սէրը»:»

Սան Ֆրանսիսկո

Ե. Խ. ԱՇՏՈՒԻՆԻ

ԶՈՒԳԱԿՇԻՐ ՀԱՅ - ԱՌԱՔԵԼԱԿԱՆ

Եւ

ՀԱՅ - ԱԻԵՏԱՐԱՆԱԿԱՆ ԵԿԵՂԵՑԻՆԵՐՈՒՆ

Երեք կարեւոր հարցեր մեզ կը դիմաւորեն այս
կշիռքէն առաջ. Առաջինն է ներկայ «Հայ-Առաքե-
լական» եկեղեցին Առաքելակա՞ն է իր գաւանան-
քով, ծէսերով ու վարչաձեւով: Ներկայ «Հայ-Աւե-
տարանական եկեղեցին» Աւետարանակա՞ն է իր գա-
ւանանքով, պաշտամունքով ու վարչաձեւով:

Երկրորդ՝ եկեղեցի մը կրնա՞յ առաքելական ըլ-
լալ, բայց ոչ-աւետարանական, կոմ աւեւարանա-
կա՞ն ըլլալ, բայց ոչ-առաքելական: Երրորդ՝ եթէ
«առաքելական» բառը յաջորդութիւնը կը չեշտէ եւ
«աւետարանական» բառը հաւատալիքը, ո՞րքան բա-
նաւոր է զուգակշուկ երկու տարբեր, անհման եղ-
րեր: Այս հարցերուն վրայ խորհինք ու անցնինք
մէր նիւթին: Զուգակշունք երկու եկեղեցիներն:

1. Իրենց ծագումին մէջ: «Հայ-Առաքելական ե-
կեղեցին ծնաւ Աւետարանով, սնանեցաւ Աստուա-
ծաշունչով ու աձեցաւ Քրիստոնէական կրօնի ծա-
ւալումով: Թագէսովի եւ Բարթողիմէսոսի աւանդա-
կան քարոզութիւններով «բազումք հաւատացին ի
Քրիստոս»: Անակի որդոյն Պարթեւազն Գրիգոր Լու-
սաւորչի քարոզութիւններն ալ զուտ Քրիստոնէա-
կան էին, «միւս կողմանէ համը կուռքերու պաշտե-
լութեան անիմաստ զործը կը խայտառակէր, դի-
ւական խարէութեան զոհ նկատելով բոլոր հեթա-
նուները»: Գրիգոր Լուսաւորիչի կեանքն ու քարո-

զութիւնները Հայերու մեծ բազմութիւններ խաւա-
րէն լրոյսի, կուռքերէն Քրիստոսի առաջնորդած է-
ին : Հայ-Առաքելական եկեղեցին կազմուած էր զուտ
Աւետարանական Հիմներու վրայ առանց ազգայնա-
կան կամ քաղաքական գունաւորումներու :

Հայ-Աւետարանական եկեղեցին ծագումն ալ զուտ Աւետարանական էր : Տօք. Սայրըս Համլին թուրքիա զրկելու առիթով, 1839-ին Ամերիկան Պօրտը հետեւեալ կերպով արտայայտուած էր - «Ա-րեւելեան եկեղեցիներուն մեր առաքելութեան նը-պատակն է, նախ՝ անոնց ճէջ Աւետարանի գիտու-թիւնն ու ողին արթնցնել . երկրորդ անոնց միջոցով Մահմետականներուն աղբել : Զուտ Քրիստոնէու-թեան հուրը արքէ վերարձարծուի այդ Քրիստոն-եայ սեղաններուն վրայ : Արեւելեան եկեղեցիներն իրենց հեռաւոր եղբայրներուն օգնութեան պէտքն ունին : Զանոնք նորահաւատ ընելու համար չէք զրբ-կուիր : Թող Հայը Հայ մնայ, յոյնը յոյն, եթէ կ'ուղին նեստորականը նեստորական, արեւելցին ա-րեւելցի : Զեր մեծ զործն է Աւետարանի մեծ վար-դապիտութիւններն ու պարտականութիւններն սոր-վեցնել » : Տը . Ճօքէֆ Կրին, ամենէն հին միսիօնար-ներէն մին, հետեւեալը կը գրէ իր զրքերէն մէկուն ճէջ - «Միսիօնարներ թուրքիա չպացին եկեղեցա-կան Եշտանութիւններ արհամարհելու, կամ սիսալ ուսուցումներու և հակասուածաջնչական սովո-րութիւններու վրայ յարձակելու համար, այլ ան-կեղծօրէն կը փափաքէին Արեւելեան եկեղեցիներուն շինարարութեան օգնելու, և զանոնք Քրիստոնէա-կան հաւատութիւններին մէջ զօրացնելու» : Նոյն իսկ առա-ջին Հայ-Աւետարանական եկեղեցին կազմուած ա-ռեւն (1846 Յուլիս 1) երբ Ամերիկացի միսիօնարը

կը հարցնէք ժողովուրդին թէ ի՞նչն յարանուանութեան կուզեան կ'ուզեն յարիլ, անոնք պատասխանեցին . . «Պէտք չունինք մասնաւոր յարանուանութիւն մը ուրոշելու, կամ ուեւէ օտարա զբութիւն մը որգեզբեցու. կը փափաքինք մէր մայրենի եկեղեցին իր նախկին առաքելական ուղղափառութեան ու մաքուր պարզութեան վերածել, վասնորոյ, որոշած ենք Հայոստաննեաց Աւետարանական եկեղեցի կաղմուիլ եւ ոչ ուրիշ բան»: Հայ-Աւետարանական եկեղեցին ալ Աւետարանով ծնաւ, անով մնանեցաւ ու սնով զօրացաւ: Ամեն տեղ Կիրակինօրեայ գլուցներ հիմնուեցան, Սուրբ Գրոց ուսումը անհատական, բնաւանեկան եւ եկեղեցական կեանքերու մէջ մեծ թափ մտացաւ: Հայ եկեղեցւոյ բարձրաստիճան կղերներէն ոմանք կը խոստառվանէին թէ ամենէն հասարակ Բողոքականը իրենցմէ աւելի տեղեակ է Ս. Վրական ճշմարտութիւններուն: Հայ-Աւետարանական եկեղեցին ալ չինուած էր զուտ Աւետարանական հիմերու վրայ առանց ազգայնական կամ քաղաքական գումարումներու: Երկու եկեղեցիներուն ալ ծագումը Աւետարանական էր:

2. Հայ-Առաքելական եկեղեցին Աւետարանչական
էր : Հայերը Քրիստոնէութիւնը ազգովին ընդունելէ
գերջ (Յ. Տ. 301) Աւետարանի լոյսը ուրիշ ազգերու
աւ տարին : Ազգաթանգեղոսի վկայութիւնն է թէ
Լուսաւորիչն «Զամենայն աւուրս կենաց խրոյ ա-
ռաքելաբան առաքելագործ վարեալ լուսաւորէր» :
Գրիգորի առաքելական պաշտօնը տարածուեցաւ
Վրաց եւ Աղուանից երկրներու վրայ աւ : Վրաս-
տան զրկուեցան հովիւ մը եւ եկեղեցական պաշ-
տօնեաներ, իսկ Լուսաւորչի թոռը Գրիգորիս Աղ-
ուանից վրայ Կաթողիկոս կը ձեռնաշրուի Լուսա-

որքի ձեռքով։ Միջակետքի եւ Ատլապատականի մէջն ալ Հայեր Աւետարանը կը քարոզէին եւ այս աեղերու եպիսկոպոսներն ալ Գրիգոր Կուտաւորիչէ ձեռնադրուեցան։ Այսպէս, Հայ-Առաքելական եկեղեցին իր գոյութեան առաջին դարերուն ներքին ու արտաքին առաքելութեամբ գրաղած էր։ «Գացէք ամրող աշխարհ ու աւետարանը քարոզեցէք բոլոր ստեղծուածներուն» կը հաւատային Հայ-Առաքելական եկեղեցիներուն հայրերն ու հայրապետները։

Հայ-Աւետարանական եկեղեցին ալ Աւետարան-շական էր։ Մեր Աւետարանական հայրերը տունէ տուն, գիւղէ գիւղ, քաղաքէ քաղաք Աւետարանի լոյսը կը տանէին, երբեմն անհատաբար, երբեմն հաւաքաբար, բայց միշտ հաւատարմաբար։ Ամեն մէկ եկեղեցւոյ անդամ գործող մ'էր։ «Ան որ կը լսէ թող լսէ եկուր»-ի կը հաւատային անոնք։ Քարոզիչներն վերնատան փորձասութիւնն ունէին, եկեղեցիներն Պենտեկոստէի։ Սարկաւագներուն մէջ Ստեփաննասներ կային, Աւետարանիչներուն մէջ՝ Փիլիպպոսներ։ Մէրը կը տիրէր սրտերու մէջ։ Մէր իրարու հանդէպ, սէր հոգիներու հանդէպ։ Կրնային երգել-«Եղբայր ենք մենք մէկ Հօր որդիք, չը կայ մեր մէջ մէծ կամ պղտիկ։ մէկ ուսուցիչ ունինք Յիսուս, մէկ մեր հաւատք եւ մէկ մեր յոյս»։ Սըխարհն ալ կը վկայէր անոնց սիրոյն ու կը հաւատար անոնց երգին։ Զարմանալի չէ, ուրեմն, եթէ Հայ-Աւետարանական եկեղեցին անդամներու այնքան պատկառելի թիւ մը կը ներկայացնէր իր գոյութեան առաջին 40 տարիներուն մէջ։

3. Հայ-Առաքելական եկեղեցին կրակի մկրտութենէ անցաւ։ իր գոյութեան գրեթէ ամրող ըրջանին հալածուած է ան։ Առաջին դարու կոստաշու

Սանատրուկի սրածութիւններէն մինչեւ չորրորդ դարու Տրդատի հալածանքները հայերը հայերէն կը ջարդուէին իսկ առաջին դարին մինչեւ 20 բգ դար, Հրէայ մանուկներու ջարդէն մինչեւ Հայ մանուկներու ջարդը։ Խամայի կոծէն մինչեւ Հայաստանի սուգը, Հերովդէսէն մինչեւ Համբաւ, Աստուածամբ իմ, այդ ո՞րքան արցունք ու արիւն, որքա՞ն սուր ու հուր ու մուր ու ամօթ ու աւերակ։ Անունդ սիրեմ, Հայ եկեղեցի։ ի՞նչպէս անվկանդ քալեցիր արիւններու ու աւերակներու մէջն, որբերը գրկեցիր, որբեւայրիները ինամեցիր։ զարնուեցար, վիրաւուեցար, բայց չինկար, ինկար, բայց չկործանեցար, որովհետեւ ՎէՄԻ վրայ հաստատուած էիր։ Հայ եկեղեցին ամրող քսան դարեր արիւաբար պաշտպանեց իր գոյութիւնը, որով ապահովեց մեծ չափով, Հայ աղգին գոյութիւնը, աղգին որ կորսնցուց իր թագերն ու թագավարդ Վլուխները, Հրոկայ բանակները, փառաւոր տաճարները, իսկ ինքը մնաց անպարտելի, վիրաւոր ու անմահ։

Հայ-Աւետարանական եկեղեցին ալ, թէեւ անրազիատելիօրէն սահմանափակ առումով, սոսկալի հալածանքներու ենթարկուեցաւ Հայ-Առաքելական եկեղեցին առաջնորդներուն կողմէն։ Մատթէոս Պատրիարք Պոլսոյ 1846-ին նոր դաւանանք մը գծեց և պահանջեց որ ամեն Աւետարանական Հայ ընդունի զայն ու ստորագրէ։ Աւետարանականներն չընդունեցին ու չսառարագրեցին։ Ասկէ վէրջ Աւետարանականներուն գէմ սկսաւ հրապարակային նախամինք, ծէծ, խոշտանդում, բանտարկութիւն, աքսոր են։ Երախայք մնացին առանց մկրտութեան, մեռելներն առանց թագումի. անօթիներ առանց հացի։ Յանուն Հայ-Առաքելական եկեղեցին մզուած

այս անողոք, եղբայրադաւ հալածանքը չարունակեց մինչև 1853 երբ Սուլթան Մէծիտ Անդղիական եւ Ամերիկեան գեսապաններու միջնորդութեամբ Աւետարանականները «Բողոքական Ազգ» հաշակեց մասնաւոր հրովարտակով։ Այս հալածանքները, սակայն, աւելի թափ տուին Աւետարանի քարոզութեան եւ անկարելի ըրին Աւետարանականներուն վերադարձն ի Մայր Եկեղեցին։

4. Դպրացական կրթութիւնն ալ կրօնական էր։

Սահակի եւ Մեսրոպի հիմնած գպրոցներուն մէջ ամենէն աւելի Աստուածաշունչը կը խօսէր։ Կորիւն զմայլելով կը գրէ. «Յայրարատեան գաւառին ի կայս թագաւորացն եւ քահանայապետացն բղխեցին Հայոց չնորհք պատուիրանացն Աստուծոյ . . . Անդ կրթութիւն քաղցրութոյց ընթերցուածոց՝ հոգեպատում դրոց։ Անդ՝ քաջալերութիւն յորդուրական վարդապետութեանն՝ պասկահաս քրիստոսադիր կետին։ Անդ՝ եռալ հոգեով աստուածապաշտ ծառայութեամբ։» Նշանաւոր ուսուցիչներէն եւ թարգմանիչներէն ոմանց անուններն գիտնանք— Յովսէփ, Յովհան, Գեւոնդ Երէց, Եղնիկ Կողբացի, Կորիւն, Մուշէ, Տիրայր, Յովսէփ Պաղնացի, Յովհան Եկեղեցացի, Ենուլք Դանան, Թաթիկ, Աղան Արծրունի, Յովսէս Խորենացի, Մամրէ Վերծանող, Դաւիթ Անյաղթ, Յովհան Մանդակունի, Եղիշէ, Պազար Փարպեցի։ Ասսնք հեռու տեղեր զրկուեցան դրաբոցներու մէջ աւանդելու։ Հայոց գրականութիւնն իսկ մինչեւ 18-րդ դարու վերջերը գրեթէ զուտ կրօնական է։ Ասոր Համար է որ Եւրոպացի գիտնականներէն Հայագէտներ Հայերը ամենէն կրօնական ժողովուրդներու կարգը դասեր են։

Ունք ալ համոզուած ենք թէ Հայերը կրօնական են։ Երկար ատեն մինչեւ մեր օրերը գաւառի գպրոցներու մէջ Աւետարան, Նարեկ եւ Սաղմոս միակ գաւառիրքերն էին Քերականէն վերջ։ Այս էր ճշմարտութիւնը Աւետարանական Հայոց համար։ Առաջին դպրոցները որ Ամերիկան Միսիսիպի բացին չափահաններու համար եւ չափահաններով Աւետարանի քարոզութիւնը ընդհանրացնելու համար տեսակ մը Աստուածաշական դպրոցներ էին։ Բոլոր կրթութիւնը եթէ զուտ կրօնական ալ չէր, կրօնքը նըստակին էր ու Քրիստոնէութիւնը եկեղեցիներուն եւ դպրոցներուն ու տուններուն մէջ կը յեղյեղուէր այլ եւ այլ ձեւերով։ Այս էր առաջին դարուն եկեղեցիին ալ դիրքը, միշտ Առաքեալներուն վարդապետութեանը ետեւէ էին։ Զարմանալի չէր որ մեր Աւետարանական Հայերը Աստուծոյ Խօսքով լեցուն կը պատանձեցնէին իրենց բոլորովին տպէտ հակառակորդները կրօնական վիճաբանութիւններու միջոցին։ Անոնք շատ մը Համարներ, երբեմն զըլուիններ, Երբեմն իսկ ամբողջ գրքեր իրենց յիշութեան մէջ ամբարձ էին։ Պաշար մը որ կը զօրացնէր հաւատքը, կը զօրացնէր խօսքը եւ ազեղիկ ու յաղթական կ'ընէր կեանքը ու մաքուր եւ օրինակելի կ'ընէր կենցաղը։ Իրեց ծագումին, աճումին, աշխատութեան, եւ կրօնական գաստիարակութեան մէջ կը տեսնենք թէ ինչ համանման վիճակներէ եւ փութերէ անցան Հայ-Առաքելական եւ Հայ-Աւետարանական եկեղեցիներն։

5. Հայ-Առաքելական եւ Հայ-Աւետարանական եկեղեցիներ եկեղեցական ընդհանուր երեք ժողովներն ալ կ'ընդունին Նիկոյ, Եփեսոսի եւ Պօլսոյ։ Աւրեմն Քրիստոնէական կենսական վարդապետու-

թեանց նկատմամբ համաձայն են . ինչպէս , Աստը-
ուածաշունչի ներզնչուած յայտնութեան , Քրիստո-
սի Աստուածութեան , քաւշարար արեան , փրկա-
գործութեան , յարութեան , երկրորդ գալստեան
նկատմամբ :

ՀԱՅ-ԱՌԱՔԵԼԱԿԱՆ ԵՒ ՀԱՅ-ԱԽԵՏՏԱՐԱՆԱԿԱՆ
ԵԿԵՂԵՑԻՆԵՐՈՒ ՏԱՐԲԵՐՈՒԹԻՒՆՆԵՐՆ

1. Աւանդութիւն : Հայ եկեղեցին զօրաւոր չեշտ
կը դնէ աւանդութեան վրայ : Յայտնի է թէ Աւե-
տարանը (Ն. Կտակարանը) գրուելէ առաջ հիմնուե-
ցաւ եկեղեցին , եւ ուստի Քրիստոնէութեան ճշմար-
տութիւններն եւ Տիրաւանդ վարդապետութիւններն
բերնէ բերան կ'ուստուցուէին աւանդաբար : Հայ-Ա-
ւետարանական եկեղեցին այս աւանդութիւններն
պատմական քննութեան եւ քննադատութեան ու Ա-
ւետարանական լոյսի կ'ենթարկէ եւ կ'ընդունի մի-
այն ինչ որ քննութեան բովքն ապահով կ'անցնի :

2. Ազգայնականութիւն : Հայ-Առաքելական եկե-
ղեցին զօրաւոր չեշտ մը կը դնէ իր ազգայնակա-
նութեան վրայ : Ամանք կը պաշտպանեն եկեղեցին չէ
թէ իբրեւ մարմինը Քրիստոսի այլ պահպանակը աղ-
գութեան : «Ազգով ինչ ես» Հարցումին Հայը կը պա-
տասխանէ «Հայ Քրիստոնեայ եմ» : Այս պատասխա-
նը կ'ենթադրէ թէ ամեն Հայ Քրիստոնեայ է (*),
ինչ որ հեռու է ճշմարտութենէ : Դարձեալ այս պա-
տասխանը կ'ենթադրէ թէ եթէ Հայ մը Հայ եկեղե-
ցին չվերաբերիր՝ անիկայ Հայ չէ : Այսպէս նկատ-
ուեցան Հայ-Աւետարանականութիւն ընդունող մեր

(*) Հայ գեղացիներ Եւրոպացիներուն «Հայ է»
կ'ըսեն փոխանակ Քրիստոնեայ է բաելու :

Հայրերը : Հայ-Աւետարանականներն սակայն իրար-
մէ անջատ կ'ըմբռնեն ազգութիւնն ու կրօնիքը : Ա-
նոնք Հայ են , եթէ Հայ-Առաքելական եկեղեցիին
իսկ չվերաբերին : Հայ Աւետարանականը ազգը
կը սիրէ , բայց եկեղեցիին ընարութեան մէջ ինք-
ոնք ազգատ կզբայքի արիւնի խնդիր է ,
իսկ կրօնքը խղճի : Ասոնք իրարու հետ կապել ու
շաղկապել կը վնասէ թէ կրօնքին եւ թէ ազգու-
թեան : Հայ հատուածներուն մէջ ատելութիւնը ա-
սոր արդիւնք կարելի է նկատել : Ինչ որ այսօր մե-
զի , Հայոց , Համար անհրաժեշտ է եւ ամենակա-
րեւոր՝ չէ թէ ազգայնացումն է Հայ-Աւետարանա-
կանութեան , այլ մանաւանդ , Աւետարանականա-
ցումն է Հայ ազգութեան : Զէ թէ ազգայնացնենք
Քրիստոնէութիւնը , Հապա Քրիստոնէացնենք աղ-
գութիւնը :

3. Խորհուրդները : Հայ-Առաքելական եկեղեցին
եօթ խորհուրդ կ'ընդունի — Մկրտութիւն , Դրոշ ,
Ապաշխարութիւն , Հաղորդութիւն , Պօսկ ամուս-
նութեան , Կարգ հիւանդաց (վերջին օծում) և
Կարգ ձեռնադրութեան : Այս մասին Օրմանեան
Արքեպիսկոպոս Հետեւեալը կը գրէ — «Եկեղեցական
պատմութեան մէջ ստուգուած կէտ մըն է թէ եկե-
ղեցւոյ խորհուրդներու թիւը եօթնի վրայ Հաստա-
տելը , շատ ուշ կատարուած իրողութիւն մըն է , եր-
կոտասաներորդ դարուն կէսին . . . Ամենէն Հի-
ները միայն երկու խորհուրդներու վրայ խօսած են ,
որոնք հետզհետէ աճած եւ մինչեւ տասներկու Հա-
սած են : Այս մասին ալ բաւական է Հաստատելու թէ
Եօթը խորհուրդներու գրութիւնը չկրնար Հայ եկե-
ղեցւոյ կողմէն ընդունուած դաւանութիւն ըսուիլ»
(Հայոց եկեղեցին Գլւ . ին) : Հայ-Աւետարանական

և կեղեցին երկու խորհուրդ միայն կ'ընդունի երկու-
քըն ալ Տէր Յիսուսի կողմէն հրամայուած—Մկր-
տութիւն, (Մատթ. 28. 19) եւ Հաղորդութիւն,
(Ղուկ. 22. 19-20): Այս խորհուրդներուն մատա-
կարարութեան եւ իմաստին մասին ալ Հայ-Առաքե-
լական եւ Հայ-Աւետարանական եկեղեցիներն կը
տարբերին: Հայ-Առաքելական եկեղեցին մանուկը
8 օրուան կը մկրտէ երեք անդամ մարմինը ջուրի
մէջ թաղելով: Ասով մանուկը կ'աղատի Աղամական
մեղքէն եւ կը վերածնի, եւ այն օրէն սկսեալ փըր-
կուած ըլլարի եկեղեցւոյ անդամը կը նկատուի:
Հաղորդութիւնը կը տրուի մկրտուած մանուկին եւ
բոլոր հաւատացեալներուն անխտիր: Հաղորդու-
թեան մասնակցողներ ոտքի վրայ կը մօտենան պա-
տարագիչ քահանային, ան ալ անոնց լեզուին վրայ
կը գնէ զինիի մէջ թաթխուած նշխարքէն մաս մը:
Հաղորդութիւնը ներգործական մեղքերէն կը մաք-
րէ հաղորդուողը: Հայ-Աւետարանական եկեղեցին
կը տարբերի. անիկայ Մկրտութիւնը կ'ընդունի իր-
բեւ նշանակը Աստուծոյ Սուրբ Հոգւոյն սրբարար
ներգործութեան, սակայն վերստին ծննդեան փոր-
ձառական պէտքը կը չեշտէ ամեն մէկ Քրիստոնէի
համար մկրտուած ըլլայ կամ ոչ (Փաղատ. 6. 16:
Յովհ. 3. 3): Հաղորդութիւր կը նկատէ յիշատա-
կութիւն մը մեզի համար մեռնող Փրկչին մահուան,
մինչեւ որ ինքը գայ (Ղուկ. 22. 18, 19-10): Հա-
ղորդութիւնը չէ, այլ Քրիստոսի իսկական արիւնն է
որ մեզ ամեն մեղքէ կը սրբէ (Ա. Յովհ. 1. 7): Ա-
սոր համար երբ Հայ-Առաքելական եկեղեցին Հա-
ղորդութեան «Պատարազ» անունը կուտայ, որպէս
թէ Քրիստոս ամեն հաղորդութեան ատեն մեռներ,
Հայ-Աւետարանականը կը հաւատալ թէ Քրիստոս
մէկ անգամ մեղաց թողութեան համար պատարագ-

ուեցաւ, ու ալ մեղքի համար պատարագ պէտք չէ,
(Եբր. 9. 26-28: 10. 18): Հաղորդութիւնը այդ
մի անդամ ընդ միշտ կատարուած պատարագին յի-
շատակութիւնն է: Յիսուսի մահուան նշանակ ԽԱԶԲ
Հայ-Առաքելական եկեղեցին մէջ մէկէ աւելի ի-
մաստներով կը գործածուի նիւթական (աճում),
Փիղիքական (առողջութիւն) եւ բարոյական (պաշտ-
պանութիւն): Հայ-Աւետարանականներու համար
խաչը նշանակ մէջ, ու ոչ աւելի բան:

4. Սուրբերը: Հայ-Առաքելական եկեղեցին տո-
նացոյցին մէջ Հին Կտակարանէն 45 անուններ եւ
Նոր Կտակարանէն 50 անուններ սուրբերուն կարգին
դասուած են ու կը տօնուին: Ասոնցմէ զատ կան
սուրբերուն անուններ Անտխուռոյ եկեղեցիէն, Կիլի-
կիոյ եկեղեցիէն եւ Միջազետաց, Երուսաղէմի,
Կիպրոսի, Աղեքսանդրիոյ, Եթովպիոյ, Կեսարիոյ,
Սեփաստիոյ, Լիլայոնիոյ, Պոնտոսի, Կ. Պօլսոյ,
Թեսաղիոյ, Գաղատիոյ, Բիւթանիոյ, Հոռովմայ,
Ավրիկիոյ եւ Պարսից եկեղեցիներէն: Հայ-Առաքե-
լական եկեղեցին վերիններէն զատ կը տօնէ նաեւ ի-
րեն յատուկ սուրբերը, որոնք առաջին դարէն մին-
չեւ 15-րդ դար 126 հոգի են առաւել 1027 զօրական
վկաներ Վարդանանց պատերազմին: Այս սուրբե-
րուն յիշատակութեան նույիրուած են տարուան մէջ
115 օրեր: Հայ-Առաքելական եկեղեցին սուրբերուն
բարեխօսութեանն ալ կարեւոր տեղ կուտայ: Ա-
զօթքներ կ'ուզզուին ասոնց մասնաւոր ատեններ,
մասնաւոր միջնորդութիւններու համար (Հայոց Ե-
կեղեցի, Օրմանեան, Գլխ. 39): Հայ-Աւետարանա-
կան եկեղեցին, սակայն, սուրբերու այս յիշատա-
կութիւններն ու տօները չ'ընդունիր: Սուրբերուն
բարեխօսութեան ալ հաւատար. անիկայ միայն
մէկ բարեխօս կ'ընդունի Աստուծոյ ու մարդոց մէջ-

տեղ, Յիսուս Քրիստոս (Ա. Տիմ. 2. 5: Ա. Յովէ. 2. 1): Հայ-Աւետարանական եկեղեցին համար բոլոր ճշմարիտ հաւատացեալներն ամեն դարու ու երկրի, «սուրբեր» են (Փիլա. 4. 21, 23):

5. Եկեղեցին: Հայ-Առաքելական եկեղեցին հիմա նուած թալէոս եւ Բարթողիմէոս առաքելալներէն, ինքզինք նկատած է ու կը նկատէ Առաքելական: Առաքելական կընկատենինքինքնին Յոյն եւ Հոռովմէական եկեղեցիններէն զատ Եպիսկոպոսական եկեղեցին ալ: Առաքելականութեան եւ Առաքելական յաջորդութեան գաղափարները եկեղեցին ու անով Եկեղեցականութիւնը նուիրապետական գասակարդի մէջ դրած են տարբեր բոլոր միւս եկեղեցիններէն: Եկեղեցին Ասուուծոյ թագաւորութիւնն է աշխարհի վրայ ու ան որ անոր անդամակցած է՝ թագաւորութեան որդի է: Պաշտանքը Հայ-Առաքելական եկեղեցին մէջ անձնական բլաւէ աւելի հանրային է եւ ծիսական: Խորանը կեղրոնն է պաշտանքի: Աղօթքը ինքնարուի եւ անհատական հոն տեղ չունի. աղօթքը կը կարգացուին ամենուն համար հրապարակաւ: Ամենէն յաճախ կրկնուած աղօթքը Տէրունական է: Ամենէն կարեւոր կէտերէն մէկն ալ լեզուն է պաշտանքի: Գրաբառ սիրելի է անոնց որ կը համենան, բայց ժողովուրդին շատ փոքր մէկ տոկուը հազիւ կը հասկնայ նախնեաց այդ մեռած լեզուն: Այ պաշտանքը կըլլայ ձեւական եւ անօգուտ երբ լիզուն անհասկնալի է:

Հայ-Աւետարանական Եկեղեցին համար նուիրապետութիւն չկայ: Ուր որ հաւատացեալներ կը միւս անան՝ հոն եկեղեցի մը կը կարմուի նոյնքան սուրբ եւ նուիրական որքան այն եկեղեցիներ որոնք ինքինքին Առաքելական կը նկատեն (Մտթ. 18.20): Պաշտամունքը հասկնալի լեզուով կ'ըլլայ եւ պաշ-

տանքը կ'ըլլայ անձնական ինչպէս եւ հանրային: Աղօթքը անձնական յարաբերութիւնն է Աստուծոյ հետ, ու աղօթքի ժողովները անձնական եւ հաւաքական այս յարաբերութիւնը կը գորացնեն: Աղօթքի ժողովներուոնք հոգեւոր ներշնչումի եւ զարթնումի այնքան սքանչելի աղղակներ եղած են Աւետարանական եկեղեցիներուն մէջ՝ օտար են Հայ-Աւետարական եկեղեցիին: Ընտանեկան աղօթքը Սրբքի ընթերցումով Հայ-Առաքելական եկեղեցին կողմէն չէ քաջալերուած, ասոր հակառակն է Հայ-Աւետարանական եկեղեցիին մէջ: Հոս ամեն տուն փոքրիկ եկեղեցի մ'է պատրաստուած մեծ եկեղեցին համար որ մեծ ընտանիքն է Աստուծոյ (Եփես. 2. 19): Փրկութիւնը եկեղեցոյ միանալուն արդիւնքը չէ, այլ պատճառը (Գործ. 2. 47): Փրկութիւնը արդիւնքն է Քրիստոսի հաւատալուն իբրեւ անձնական Փրկիչի ու եկեղեցին խումբն է այսպէս հաւատացողներուն: Դարձեալ փրկութիւնը ձրի շնորհին է Աստուծոյ որ Քրիստոսի հաւատալով կ'ընդունուի (Գործ. 16. 31): Բարի զործեր կամ ուեւէ խորհուրդ կամ ծէս ու արարտութիւն զանիկայ չեն կրնար առալ: Հոգեկան այն ներքին հաղորդակցութենէն զատ, որուն աղօթք կ'ըստնք, կայ նաև Խօս†ին քարոզութիւնը: Խորանը Հայ-Առաքելական եկեղեցիին պաշտանքի կեղրոնն է. ամայինն ալ Հայ-Աւետարանական եկեղեցիին պաշտանքի կեղրոնն է: Քարոզին պատրաստութեան եղանակն զատ Հայ-Աւետարանական եկեղեցին կը հաւատայ Աւետարանական հոգեշունչ քարոզներու որոնք պաշտաման միւս մասերուն հետ հոգեւոր մթնոլորտ մը կ'ստեղծեն ու Աստուծոյ ներկայութիւնը զգալի կը գալ: Ճնեն: Եկեղեցին հոգիին ներշնչարանն է, ու չէ թէ աղղային, քաղաքական կամ գիտական խնդիրներու լու-

բանը : Հայ-Առաքելական եկեղեցին ուսեալ զաւակներէն մին կը գրէ- «Տիրող հոգեկան անդամալութիւնը ահաւոր ճգնաժամի մատնած է Հայաստանեայց եկեղեցին» : Այս անդամալութիւնը գարմանելու ճարը եկեղեցին հոգեւոր արթնութիւնն է Աստուծոյ Խօսին քարոզարեամբ եւ Սևար Հոգիին հեղմամբ (Զաք. 4. 6: Գործ. 1. 8) և այս Հովիւին յետոյ Հօտին վրայ :

6. Գրականութիւն : Հայ-Առաքելական եկեղեցին կրօնական գրականութեան մեծ թափ տուաւ առաջին գարերուն գրի գիւտէն վերջ : Մահակ Կաթողիկոսի եւ Մեսրոպ Մաշտոցի Հեղինակութիւններէն զբան Հայ կրօնական գրականութիւնը ճոխացաւ նուինեաց թարգմանութիւններով—Բարսեղ Կեսարացի, Յովհան Ոսկերեան, Եփրեմ Ասորի, Գրիգոր Աստուածաբան, Աթանաս Աղեքսանդրացի, Կիւրեղ Երոսաղէմացի Հայքուն ծանօթ Հեղինակներ գարձան : Մինչեւ 18-րդ դար Հայ նշամնաւոր գրողներէն Երկուքը միայն յիշենք, Ներսէս Շնորհալին եւ Նարեկացին, որոց գրութիւններն ներշնչեցին ու դեռ կը ներշնչեն Հազարաւոր Հայեր : Վերջին գարերու մէջ, սակայն, կրօնական գրականութիւնն նոյն իսկ Հայ եկեղեցւոյ կղերներէն չքաջալերուեցաւ, ու զանցառուելի բացառութեամբ, Հայ կղերն ինքովնք տուաւ ոչ-կրօնական գրականութեան : Այս ընել ու ան չձգել : Հայ-Աւետարանական եկեղեցիներ, սակայն, Հայերէն եւ Անդիքարէն կրօնական գրականութիւնը թէ քաջալերեցին եւ թէ մշակեցին : Այսօր ալ տակաւին կրօնական թերթեր, տետրակներ, եւ գրքեր Հայ-Աւետարանական եկեղեցին հոգեկան կեանքը կը զօրացնեն : Այս մասին վերածնունդ մը պէտք է Հայ եկեղեցին ծոցին մէջ, մանաւանդ յուրի գրականութեան անբաղարի եւ թունաւոր մըթ-

նոլորտով պաշարուած Հայ երիտասարդութեան համար :

7. Բարեկարգութիւն : Հայ-Առաքելական եկեղեցին պէտք է որ բարեկարգութիւն պաշար շատոնց պղացած են Հայ եկեղեցւոյ առաջնորդները : Էջմիածնին մինչեւ Պոլս։ Գէորգ Դ. Կաթողիկոսներն մինչեւ Ներսէս Պատրիարք Վարժապետեան . մեծ է խումբը բարեկարգութիւն առաջարկողներուն եւ պահանջողներուն : Յիշենք մի քանին միայն այս մեծ խումբին մեծերէն—Մալաքիա Արք . Օրմանեան կ'ըսէ . «Եկեղեցին հիմնուած է երկնային վարդապետութեան վրայ, Աստուածային վարդապետութեան վրայ, մարդկային չէ անոր ծագումը . Քրիստոս Հաստատեց եկեղեցին : Բայց եկեղեցին մէջ ժամանակի բնթացքին մարդկային գեղծումներ, աւելագրութիւններ մտած են . . . Արդ՝ Եթէ կ'ուղուի բարեկարգութիւն, պէտք է հինը վնասուել, դառնալ նախնական, սկզբնական կէտերուն . պէտք է վերցնել վերջին ժամանակներու աւելագրութիւնները : Մեր Հինդերորդ դարու եկեղեցին շատ աւելի պարզ է քան ինչ չափ որ այժմ պարզել կ'ուզուի, եւ շատ դիւրին բան է պատահական յաւելուածները հետզհետէ խափանել : Մենք ալ կ'ընդունինք թէ Հայ եկեղեցին պէտք ունի բարեկարգութեան, բայց վերջամուտ եւ օտարամուտ մասերը յապաւելու սկզբունքով (Տաճար, Դ-րդ տարի) : «Զենք ուղիւր լուել թէ Հայ եկեղեցին Յունական տիրապետութեան եւ Լատինական պաշտպանութեան պատճառով ինչ ինչ կանոնական եւ ծխական կէտեր ստիպուեցաւ ընդունիլ օտարէն . մինչեւ իսկ զաւանական օտար իմացուածքներ սպարզեցան իր մէջ ստիպմանց կամ Հրապուրանաց ներքեւ» (Կոչնակ, 1914, թիւ 12) :

Եղիշէ Արք . Գուրեան (Պատրիարք) կը գրէ-

«Գալով Բարեկարգութեան հարցին անուղղակի ը-
սենք թէ այդ գաղափարը զանազան երեսակներով
կը դիտուի մե բմէջ։ Ոմանք կ'ընարեն դէպի հինը
երթալ, քիչեր միայն բարեկարգական գործը կը նը-
կատեն իրը ապագայի ընդ առաջում մը։ Պէտք է
խոստովանիլ որ եկեղեցական բարեկարգութեան մը
ինդիրը ըստ ինքեան կը շրջէ մեր միտքը դէպի այն
ձշարտութիւնները որոնք Աւետարանով կուղան ու
Աւետարանի սպասաւորող եկեղեցիով կրնան յա-
ւերժանալ» (Տաճար Դ-րդ տարի, թիւ 22-23)։

Երուանդ Վարդապետ Տէր Մինասեան- «Ես իր-
մեւ Հայոց եկեղեցու Վարդապետ Հայոց եկեղեցին
կարօտ եմ Համարում ամենահիմնական վերանորո-
գութեան եւ բարեփոխութիւնների իր բոլոր մա-
սերում։ Հէնց որ իսկ կենսական շահերի տեսակէ-
տից։ Միայն նազովեցի Յիսուսի Աւետարանը կա-
րողութիւն ունի մեռած դիակին կենդանութիւն
պարզեւելու» (Մշակ, 1909)։ Հայ-եկեղեցիներուն
կողմէն (1910-ին) կարգ մը Հանրագրութիւններ եւ
բարեկարգչական առաջարկներ զրկուեցան Պօլսոյ
Պատարիարքին եւ իջմիածնույթ կաթողիկոսին։ բայց
ստանց շօշափելի ուեէ արդիւնքի։

Թորգոն Արք. Գուշակեան (Պատրիարք Երուսա-
լէմի) կը զրէր Բիւզանդիոնի մէջ- «Ծնդունակ է
(Հայ եկեղեցին) բարեկարգական որեւէ վերանորո-
գումի, որ առանց վնասելու իր իսկական նկարա-
դրին, պիտի ծառայէ պարզելու զինքը կարգ մը յե-
տամուտ եւ օտարոտի յաւելումներէ միայն»։

Հայ-Աւետարանական Եկեղեցին ալ պէտք ունի
ԲԱՐԵԶԱՐԴՈՒԹԵԱՆ։ Յարմար է որ մեր պաշտա-
մոնքի չափականց պարզ ձեւին վրայ աւելցնենք
ձեւեր ու կերպեր որոնք ներդաշնակ են Աւետարանի
սդին հետ եւ որոնք աւելի տպաւորիչ կրնան ընել

պաշտամունքը։ Մէր նպաստակը պիտի չըլլայ Քրիս-
տոնէութիւնը ազգայնացնել այլ մարդը աւելի մերձ
ու մօտ յարագերութեան մէջ զնել Աստուծոյ հետ
Քրիստոնի Հոգուով ու Աւետարանով։

Մմերիկացի եկեղեցականներու խումբի մը խօ-
սած առեն Տք. Հ. Քըր, Կ'ըսէլ ։

“We are not to preach Sociology but salvation: not
economics, but evangelism: not reform but redemption;
not culture, but conversion; not progress but pardon; not
a new social order, but a new birth; not evolution but
regeneration; not renovation, but revival: not a new
organization, but a new creation; not democracy but the
Gospel: not civilization but Christ. We are ambassadors
not diplomats.”

Արդեօք եթէ Հայ-Առաքելական եւ Հայ-Աւետա-
րանական եկեղեցիներուն զուգակշխոր վերէն ըլլար,
անտեսանելի ձեռքը ի՞նչ պիտի զրէր մեր յորանին-
քուն եւ թեմերուն վերեւ։ Մարզով եւ սրաով նորոգ-
ուած եկեղեցականներու եւ Պենտէկոստէի մէջ ապ-
րող եկեղեցիներու պէտքն ունի Հայութիւնը։ Խո-
նարհինք ու ծունկի վրայ յառաջանանք հետեւելով
Յիսուսի որուն Հոգին վեռ կը նորոգէ, արիւնը դեռ
կը սրբէ ու Աւետարանը գեռ կը լուսաւորէ։ Մէր
վիրաւոր իսկ յաղթական Առաջնորդին հետեւինք ու
երգենք»

«Մէր զօրութիւնն է սնուտի, մեր քաջութիւն
իուտան է։

Այլ Զօրապետ կայ խիստ տրի, խաղաղութեան
իշխան է։

Ո՞վ է այս Զօրակալ, ՅիսուսՔրիստոս, Օծեալ։
Փորձիչը նա յաղթեց, եւ մահը խափանեց։

Ամենազօր Փրկիչ է։»

ԲՈՎԱՆԴԱԿՈՒԹԻՒՆ

Նիւթ	էջ
Նախաբան	5
Սուրբ Գիրքը	7
Ած. Հունչի Աշխարհաբառ Թարգմանութիւնը	19
Ած. Հունչի Գրաբար Թարգմանութիւնը	40
Պատղիկեան-Թոնդրակեցիներու շարժումը	
Հայաստանեայց Առաքելական Եկեղեցւոյ մէջ	69
Հայ Բողոք. Պտուղները	92
ԺԶ-բդ. Դարու Բողոք. Բարեկարգութիւնը	110
Զուգակշիռ Հայ-Առաք. եւ Հայ-Աւետ.	
Եկեղեցիներուն	143

Հայ Աւետարանականութեան հիմնարկութեան
եւ Աստուածաշունչի Աշխարհաբառ թարգմանու-
թեան հարիւրամեակներու նուիրուած են այս
բազերաները :



DONATED TO THE HAIGAZIAN COLLEGE
BY THE REVEREND A. A. BEGIKIAN



50\

80\

11,81

50 učenip-

Այս գրքին դոյացած ղրամը պիտի յատկացուի
Աւետ. Միութեան Աւետարանչական դործին: